


Н. ГИЛЯДОВ

ГЬЕМВАТАННГЪЙНЕ





Гилядов Нисон Ихнилович хээсүүлт омори э шөгьеер Дербенд э кифлет эн учитель. Э 1973 сал у верасди филологический факультет Дагестанск пединституте. Уре верасде бэгъдо се сал кор сохди учитель ве тербие дорогор э еки эз школагьой Дербенд.

Пенж бироргьо ве хэгьеергьой эн Гилядов бебешуре хуно учительгьоют. Оммо Нисон пэсдэ «пузмиш» сохде и традицией эн кифлет ишуре, гироши э кор журналисти. Эз 1976 салевоз у дерафди эри кор сохде э редакцией эн радиовещаний тати Догъисту. Эз 1987 салевоз у рэхъбери сохдени кор эни редакцияре.

Н. ГИЛЯДОВ

ГЬЕМВАТАНИГЬОЙМЕ



Очеркгъой эн жуър-бежуъре салгъо

Дагестанское книжное издательство
Махачкала 1990

ББК
66.3(2) 1
Г 47

Гилядов Нисон.

Г 47 Гъемватанигъойме: Очеркгъой эн жуър-
бежуъре салгъо.— Махачкала: Даг. кн.
изд-во, 1990.— 176 с.

Мои земляки.

Э и сувфдеи сборник эн Нисон Гилядов дерад-
дет очеркгъо, нувьусде оморетгъо э жуър-бежуъре
салгъо. Гъемей энугъо э гъэриш ченд салгъо дефус
зере оморет э верэгъгъой альманахгъойму.

Э и очеркгъо ихдилот сохде оморени э товун гъем-
ватанигъойму, эн гъеррузине жофо, зиндегуни, хъэр-
рекетигъо ве гъэйгъуигъой энугъо, эн бэхшвегири
энугъо э келе дегишгъо, гирошденутгъо имогъой э
вилеет иму. И очеркгъо гысдүйт э товун фэхъле ве
художник, богъбон ве артист, духдир ве скульптор,
связист ве ветеран партия ве диеш.

ББК 66.3(2) 1

Г 4702670400—406
М 123—90 91—90 © Гилядов Н. И., 1990 г.

ISBN 5-297-00378-4

ПУШОЙГОФИ

Мере воисдени е ченд гоф нульвульсде эри хундегоргьойму э товун эни сборник очеркъю «Гъемватанигъойме» ве автор энү эн сульфде эзү товуне, ки и гысди сульфдеи книг очеркъю, ведироморигъю э зугъун иму бэгъдовой хэйли салгъю. Мере гъемчун э иревоз эеки воисдени эри доре фикир эн нульвульсдегоргъю ве хундегоргьоймуре э у кор, ки очеркъю э товун пушолуье одомигъой хэлгъ иму, жуъргээтлуье жофокешгъю, игицгъой эн Келе довглои Ватани ве эн жофо, активлуье бэхшвегиргъой э коргъой жэгэлмиети, ведилуье корсохгъой эн культура ве искусствойму ве диеш имуре лапгереки.

Иму чульке хэлгъ гысдимгеш, имуре гысдуыт игицгъой жофо ве довгло, пушолуье корсохгъой эн производство, хубе тербиедорогоргъю, ведилуье гэлмчигъю, верзуышлуье корсохгъой эн культура ве искусствойму, синогълуье, данандее сенигээткоргъо-специалистгъю эз дульчи-жуни кор сохденуытгъю эри хэлгъ, жэгэлмиет. Угъю э дульрульсде жофо, хубе синогъи, данани, хъэрекети ве талант ишуревоз неки хэйр овурденуыт эри жэгэлмиет иму, гъемчун э

ижире нишонлууе кор ишууревоз дошденүйт, зөвөр сохденүйт хууырмет эн хэлгъ имуре. Э и сборник дешенде оморетгъо очеркгъо гьемин э товун энижире одомигъой хэлгъ имуни—эн татгъо-ёгъудигъо.

Те ебо кутэхъэ жире гүфдире э товун эни очеркгъо, мере воисдени гьемчун нушу доре, ки небиреи э песини салгъо очеркгъо э зугъун иму э товун пушолууе одомигъой хэлгъ иму—гынди келе кемсүүги эн имогъойне литературайму. Энжэгъ э кумеки энижире очеркъоревоз иму миданим зу, э вэхдии шинох сохде хундогоргъо ве радиогушдошлогоргъоймуре э ижире пушолууе одомигъоревоз, э товун комигъоки ихдилот сохденүйт э и сборник дешенде оморе очеркгъо.

Гереки гүфдире, ки келе фикир доренбу э творчествой хульшидэ жанр эн очерке ведилууе шогыир, писатель иму, еки эз биненорогоргъой литератураймуре Миши Бахшиев. У бу гьемчун автор эн омбаре очеркгъо, комигъоки песьде ведироморебиругт э жейлее книг. Мен хульдениме э вэхдии хэйли очеркгъо нульвүйсдем, гьемчун э товун эн Игидгъой Жофой Социалистиму Гюлбогъор Давыдова, Шелмү Рабаев, Исаид Абрамов ве ченд пушолууе верзирение одомигъой хэлгъ иму. И хубе традиците вир сохде герек нисди, уре дошде, зиёд ве параменд сохде гереки.

Эри и очеркъоре нульвүйсде, дерадетгъо э и сборник, эри автор энү асанте кор небу. Неки эзу товуне, ки эри гъер очерке нульвүйсде, у миёсде рафде оффде герой эн очерк хульшдере, шинох бире э уревоз, э кор юревоз, э барасигъо ве четинигъой энуревоз, э хуне, кифлет, ве э у кор сохденигъо коллективоз, э плангъо,

ниетгъо, имидигъо ве пешмунигъой энуревоз ве диеш. Асант небу эри нувьульсде и очеркгъоре гъечу, хундогор хуб верасувь, веровурд соху эри хувьшде шекуыл, чигърет, верзушыгъой эну одомире, хубе нишонендергъой энуре э пүшой хэлгъ, эн жэглииет совети.

И очеркгъо нувьульсде оморет э гъэриш пэсни дүвваздегь-чордегь салгъо. Гилядов, комики лап хуб данульсде зугъун урусире, оммо сүйфде сер гирденгэ эри нувьульсде сүйфдэи очеркгъой хувьшдере, зугъун дедеире зэглииф данульсденбу. Уре эри эни кор гээж сохдени небу. У э школа хундэнбугъо салгъо зугъун тати э школагьо эри гээилгъойму дие нубо доре нисе оморенбу. Е теке гозит бугъо э зугъун иму, довгло верасде бэгтдо сэхд сохде омуребу, гъемин у гозит, комики омбаре күмеки сохдебу э веровундэи ве тербие дореи сүйфдэи эрхэгъой эн шогынргъо ве писательгъоймуре. Гъемейму — сүйфдэи шогынргъо, писательгъо ве журналистгъой тати: Егэгэцүү Агарунов, Миши Бахшиев, Борис Гаврилов, Монгувэхь Дадашев, Дубия Бахшиев. Донил Антилов, ме хувьшдениме гирошдебирим школай эни гозите.

Эз елойге имуре те имогьоши нисди гофнемейму.

Неденишире э и овхьолет, Нисон Гилядов келе хээрекетигъо вонори э хувьшде эри хуб хутебире, данульсде зугъун дедеире, нувьульсде очеркгъой хувьшдере э зугъун дедеи ээ зиндегуни пушолуье одомигъой хэлгъ иму, комиреки у лап хосдени ээ дүсли-жуни хувьшде.

Гүфдире ниву, ки э зугъун эну, нувьульсдэгъой эну кемсүйгигьо недеруыт. Оммо э хотур

ижире хъэвескори и, келе хъэрекетигьо, хубе войгегвой эну и е пара кемсугигьой эн очеркгвой энуре неки бэхшлемиш сохде мибу. Гуюм зиёдтеш: э автор энугьо лоигълувни эри гуфдире келе согъбоши эри нувуульсдеи и очеркгьоре.

Омбардеки очеркгвой эну нувуульсде оморет э данани ве усдоетиревоз, эз дуули хосдеи ве мульгъбетевоз э кин эну одомигьо, э товун комигъоки у нувуульсдени. Эри гъер очерк у данувусди оффде герек гыисдигьо жирей юре (прием, форма).

Лап эвелимуун верзууши ве мэгінолууи эни очеркгвой эриму уни, ки угъо нувуульсде оморет э товун эриму күйнд, гїээзиз, хїуырметлув, нишонлув гыисдүүтгэй одомигьой хэлгъ иму, эз комигъоки иму миданим шори, эрклүүи сохде. Геройгвой эни очеркгвой гыисдүүт Ахсо Шалумова, Юно Авшалумов, Севи Едигоров, Исаи Абрамов, Анатолий Ягудаев, Семен Садыков, Алла Абрамова, Соломон Дагаев, Борис Мишиев, Урил Ашурров, Яков Захаров, Мушоил Мушайлар, Нателла Абрамова ве угъониге — ведилүүе артистгъо, композитор, скульптор, синогълүүе духдир, усдой эн производство, данананде богъдор, нишонбирмуне коммунистгъо, эгъульменде несигїэтчи.

Кими энугьоре э гїэриши эни песини салгъо бирэхъме гїэжел эз вэхд пушо берди эз зиндергүни, гыемишельүг жайле сохди эз кифлет, гїэзизе кор-сенигїэт ишу, эз дусдгъо, хъэрмэхьгьюшү. Бигъил и очеркгъо бошутгу едигоре хуно эри гыейсэгїэт э гїэрэйму недеруутгъо геройгвой эни очеркгъо ве чын разименди, согъбошиму эри энугьо, комигъоки гыейсэгїэтиш э дууруульсде жофо ве дананишуревоз эдете хъэ-

*рекет сохденуут эри кор ве хэйр эн жэгли-
ет, эн хэлгъ.*

*Мере имиди, ки автор эни очеркъю Нисон
Гилядов эзимбэгъдойгеш минувуусу э товун
энижире верзирение одомигъой хэлгъ иму, Ва-
тан иму. Имиди гьемчун: э и герекие, лоигъ-
луве кор омбарте фикир мидуут де нувуусде-
горгъоймуш.*

Хъизгъил АВШАЛУМОВ

ЭЗ АВТОР

И очеркгьо нувуусде оморет э гъэриш пе-
сиин чордегь салгьо. Э и вэхд омбаре гъозиегьо
гирошдет э вилеет ве омбаре дегишигьо бири.
Гъелбет, хэйли дегишигьо бири верасиреи ве гъэ-
нежогъимеш. Омбаре коргьоре ме гъейсэгІэт
е жирейге верасиренуум ве е жирейге гъимет
доренуум. Оммо, неденишире э и овхьолет, ме
теслих сохдем эри гъичиреш э куыгыне очерк-
гьойме дегиши не сохде. Бигъил вомуну э угъю
чигърет эну вэхд, кейки угъю нувуусде омо-
рет. Гъелбет, гІэмел миомо эри дегиши сохде
енебуге тозеден нувуусде и очеркьоре, оммо
дегиши сохде мибууми торих хэлгъэ, гиришдигьо
вэгІдоре?

Мере гуфдире воисде гъемчун э товун эну
кор, ки метлеб эни книге нувуусдеи гъисди
бирмундэй чигъретгьой эн кими тэгІрифлууе
одомигьой хэлгъ имуре. Угъю одомигьой эн
жуур-бежууре хосиетгьо ве сенигІэтгьоют. И
нуувуусдеигьойме гъисди жэгІмие чигърет эни
хуурметлууе одомигьо эз гІэрэй хэлгъ иму,
зигъисденбируутгьо ве зигъисденуутгьо э е
вэхд э имуревоз. Бинелууе ниет ме бу: ченгъэ-
дер эз десме веромоге, томомте ихдилот сох-

дэй э товун одомигъой хэлгъ иму, комиреки, ме эз дуль и хосденум. Оммо и метжбе э ё ченд себебгъо гүре ме гьечу, чуяам ниет сохдебирумгэ, томомлувс жире бегъем сохде, эжиге овурде неданувсдум.

Ме эри ме хьисоб сохденум, ки гьеле гъэрдхундуум хэлгъ имуре. Гъэрдме гьисд, меселен, эри ихдилот сохде гьемчүн э товун эн ижире хуьрметлувье, мерэгълувье одомигъой хэлгъ иму, чүн бэхшвегир эн революцией Октябрь, эн еки эз бине норогоргъой культураймуре Ехьинил Мататов, келе гИлмчи совети, Иgid Жофой Социалисти Гавриил Илизаров, эн ижире ведилувье писательгъойму, иншонендергъой эн комигъоки келei э пушой эн литературайму, культурайму — Миши Бахшиев, Хыизгъил Авшалумов, Юно Семенов, Игидгъой Союз Совети — Шетиил Абрамов, Исаий Илазаров, художник Наум Ханукаев, гИлмчи Шолум Абрамов, музыкoved Менешир Якубов, духдир Ахи-Изил Изилов ве диеш. Ме менум гьеме хъэрекетимере и гъэрд, ниетмере эри томомлувье жире бегъем сохде. ГьейсэгIэт, гЭзизе хундегор, мере воисдени гуфдире: эгенер эз гЭрэй эни очеркгъо е-дүй очерк семе ишмуре хъээз омоге, у эриме — келе шорини, мозоли.



Юно Авшалумов

ВЕРЗИРЕНИЕ ФЕРЗЕНД

Гуфдиренуыт, ки гъэрд ферзендгъо гъисди эри бебегъо сер гирде коре те эхир расунде, борж берде эри нике метлебгъой бебегъошу. Гъэгъигъэтэ овлод мибу хъисоб сохде энжэгъ у ферзендгъоре, комигъоки зиёд сохденуыт у коре, комиреки эри сохде мутьгълет не бири бебегъоре.

Гъемей эни гоффъо лап э келе дузгунлуынверо— гүнжолуынүт эри композитор, песини хьофф салгъой гүймүр хувьшде дирижёр хор Комитет хувькумети телевидение ве радиовещаний Догъисту бугъо, верзуышлууе корсох культуры ДАССР ве РСФСР Юно Захарьёевич Авшалумов. Хуб мэгілүми, чуҗире ватанхогъе, эри хэлгъ ники ве шори хосденбугъо ферзенд бириге сугъде овлод хэлгъ иму, режиссёр государственни театр тати Захарьё Авшалумов. Гыч е тилтелеш егілмиш не бире, мибу гуфдире, ки гъеме хубе хосиетгъоре: ватанхогъи, никихогъи, шори ве дульхости хэлгъэ хосдеире — вегирди гуфдире эз бебешу Юно Захарьёевич.

Гъеле лап чуькле гэилле гъисдики сер гирди у рафде э рэхь творчествои. Келе бире ве

вомухунде оморе э овхьолет творчествой, комиреки гүнжо овурдебирут бебешу ве хьювиргьой ю,— пушолуье десдей интеллигенцией тати — Юноре эз гээлиревоз хъээс оморенбу эз гүзеле мэгэнгэй ве мугъумгэй, сес комигьоки гээрэ не доре шиновусде оморенбу эхуне. Увэхдигэй у мивегирд жигъригэй русмуре («Эхуне не русму демундебу, не резин»,— ихдилот сохдебу хувьшдени Юно Захарьевич) ве эз русму симгэй сохде, мибесд уре э етике тэхде, гъульч мисохд эри хувьшде тар. Гэлбет, симгэй ижире «тар» сес нидорут — мугъуме у мизэ э лэгээревоз, оммо десе жумунде экор миовурд симгэй русмуире.

Увэхди бу Юно сеччор сале.

Мугъумлуье мэгэнгэй, комигьоки хунде оморенбирут эхуней энугэй, омбаре вэгэдо (э вози сохдекиши, э нун хурдекиши) нисе ведарафденбирут эз дуыл эну. Гьетте дире, ки эхунешу эдете гъуногъэй оморенуут гуфдире, Юно мишидовусд э ки бебешу ве гээл гирде уре эз занигэй, евошлай жиге мисохд эри хувьшде э ён эну ве сес не сохде (юре пиш не соху гуфдире), э битобиревоз гуш мидошд гофгэй энугьоре, гузет сохде кий угъо сер миги-рүйтгэ эри мугъум зере ве мэгэнни хунде. Себэхьимуын «тар» хувьшдере вегирде, минуушд э пушой хуне эри тозе мугъуме зере, енебуге тозе мэгэннире хунде. Гээлгэй мэхээлере хъээс оморенбу эз гээмелдане ве нединже кук. Эуревоз дусди гировунде, угъо гьемише вегирденбирут уре э возигэй хувьшде, э вэхд комигьоки у гьемере э гээльлом фирмуш мисохд. Оммо энжэгэй сес мэгэнни, небуге гьово-гэй зеренре эз куче мишиновусдгэ, возире гьишде, зу мирафд э у тараф эже мугъумлуье

сесгъо оморенбурге, мугуиге киниге эдее огол зере уре ве игърол соходи э юревоз, омоге — гъеме шоригъой гүйломе юре бэхширен. Гэилгъош, гъэгъри не бире, мивидовусдүйт э песой ю. Зиреклуье гэиле шинохденбирүйт зерегорчигъош. Диренге, ишу зеренуытгъо гьовгъо хъээс оморенуыт уре, дуль-екире чум зере, дульбореш мизерүйт у гьоворе.

Гъеминонгъо ве зимисдугъой гэили гъерки э нубот хувьшде эденбирүйт оморе ве рафде. Лап зу оффори э гъисмет Юно, эн омборе чуынтоийгъой энуре хуно, бебесувзэ зиндегуни. У энжэгъ хьофд сале гэил бу, кейки бебей эну рафдебу э довгю. Чув фикиргъои хьофд сале гэил? У гьевелинере хуно эдее возигъой хувьшдере сохде. Гъелбет, екем дегиш бири уш: гэил бири лэгъэр, гъичиш не мунди эз гиргине сифет — гъутинегъо дерадфет доруне, юш гуйге гүйндуур бири. Сифет ю кими вэгидо мибисдо могъбул, эн келе одомире хуно. Уреш бириут думитгъо, фикиргъою. Э хэёл эну изму дери е думит: гъэгъигъэте тар, енебуге эз уш хубте — кларнет, енебурге тефд семе эзже оффу у? Э тар русмуиревоз гъич э согъ гүймүриш нидани хуте бире эри вози сохде ве бэгъеме музыкант бире ве у тар визориш овурди уре — гъич е сес нисе ведироморе эз у. Э ки гую у э товун фикиргъой хувьшде?.. Довгю. Хэлгъэ бэгъеме нуниш нисди эри хурде.

Дуль сувфдеи гурунде салгъой довгю верасде бэгъдо деде норени Юноре э шегуурди э кин у вэгидо хуб мэггүйм бугъо кларнетист Мухоил, талант комиреки гъемеш тэгириф доренбирүйт. И талантлуье кларнетист гъеймогъоиш мунди э ёр келете одомигъо. Гье э кин эну норе оморе Юно эри «музык» зере хуте бире.

~~Гъобаст, гъэгынгъэте сенигІэткори~~ гъеебо гыч не омори э кин е одомниш, чуьжире талантлув у бирингеш. Не омори у гъеебо э вэгІдою э кин Мухонлиш, не омори э кин Юнош, чуьки лап хуб мунди э «ёр» десгъой эну (увэхди Юно э шегуьрди гъисди егІэлмиш мибисдоге, Мухонл гъеебо евошлай э линейкеревоз мизэ эз десгъою). «Эз е ченд салиге бэгъдо,— э ёр овурдебу Юно Захарьёвич,— ме эри тар нувьульденбирумгъо мугъумгъоре э у бирмунденге, у омбор мэхьтел мунденбу, екем э хульде домунд, песьде ловгъоре э хэнде веберд, эз дуьли шори сохд, мугуиге ю нувьульди и мугъумгъоре». Иллогъки хъэз оморенбу Юноре тефд зере. Ебо, Мухонл э хуне недебугъо вэхд, у вегирдебу тефд энуре, эденбу зере. «Нис данувьуденуым ченд вэхд кеширебу тефд зеренме, оммо диренуым: Мухонл, зен ю ве гІэилгъю э лэгІэй дер поисдет ве гыч е гофиш не сохде эдеть гуш дошденуыт тефд зеренмере. Мере гІэйб омо тефде ихдиёрсуз вэгирдем гуфдире ве мере воисденбу бэхшлемиши, хосде норе уре э жигей ю. Оммо Мухонл поюнд мере, мугу: «Зе, хэлефме, зе».

...Хор Комитет хулькумети телевидение ве радиовещанией Догъисту эдее хуте бире хундеп тозе мэгІнире эз гоффью шогырие зен тати Зоя Семендуева «МэгІлумсуз солдат». Рэхьбери кор эн хоре эдее сохде Юно Авшалумов. Сифет ю могъбули, чумгъою думон кеширере хуно, мугуиге эдете рэхь кеширенуыт. Десгъою, э ёр комигъоки хуб мунди линейкой гІэзизе сувьфден несигІэтдор, эдее гофф сохденуыт э жигей сэхд гирде оморе ловгъо. Солист Мигъир Рабаев эдее хунде: «Дегешдай туй сессуз, пичирей туй э хок. Туй бири жован дэвр, туй

бири софе пок...» МэгІнихунгъо чум нисе вегирденуыт эз десгъой эн дирижёр.

Жерге-жерге поисдет угъо э пушой рэхъбер хувьшде, одомигъой жуър-бежуъре миллэтгъо. Угъо хунденуытгъо мэгІни гысдигеш э зугъун тати, оммо мэгІной энуре угъо хуб верасиренуыт, неки эзу хотур, ки у эри энугъо тержуyme сохде омори, омбориш эзу хотур, ки довгъо гирошди эз зинdegуни омбордеки энугъо. Эзуш бэгъэй, дениширенге э могъбуле сифет дирижёр угъо, мугуиге, верасиренуыт, ки э пушой чумгъой эну эдее гирошде чигърет гээзизе бебею...

Захарьё Авшалумов э хуне не вогошд. У нори жун хувьшдере э гъовхо э мейдугъой келе довгой Ватани.

Юно бегъем дувваздэгь салеш небу довгъо верасде ве уре э театр тати эри гъовогъоре зерэ теклиф сохдебируытгъо. Эз вози эну гъечи хъээс омо рэхъбергъо ве актёргъой театре, ки у гъобул сохде омо чүн музыкант э гъеминшиене состав э дореиревоз уре мульзэд жофонре. Эз е салиге эри бэхш вегирдеи ве э усдоетиревоз гъово зерен э концерт, бирмунде оморебугъо э гүзэти 30-сали Ерэгъльые Гъувотгъой СССР, Юно Авшалумове доре оморени Грамотей Гүзэти Президиум Верховни Совет РСФСР. Гъечи омо э кин талантлыё гээл сүйфдэи бараси. Э товун дузгунлуыи ве гъонунлуыи гъечи гъисмет Юно биреи лап хуб гуфди мэгІльмлүье нувуысдегор хэлгъ иму, верзушлүье корсох культуры Догъисту ве РСФСР Х. Д. Авшалумов, комики күнде жирие шинох бу э композитор ве творчествой энуревоз:

— Юно Авшалумов,— гуфди Хыизгъил Да-

выдович,— лап ээж жовоне вэхд хувьшде рафдеи э гүүзетлүүе рэхь параменди искусствой хэлгъи Догъисту эри ме мэхътеле кор нисе оморе. Эриме белки мэхътели мибисдо у э рэхьиге, сенигэтиге мирафдге, чуюнки хэзвес эн искусство э раг эну, э хун эну дебу. У хэзвес, эшгъ эн бебей энугьо-Гүүзетлүүе корсох искусствой Догъисту, диромори э хун эну, э дуыл эну. Бебей энугьо Захарьё Авшалумов, комиреки ме лап хуб шинохденбирум, бу неки талантлүүе режиссёр, у бу гьемчун лап зиреке, божоренлүүе, еки ээж лап тэгэрифлүүе ве хувьрметлүүе актёргьойму. Театр, музыка, мэгэни, искусство — биругут гьеме эшгъ, хэзвес ве войгей эн эловлүүе дуыл эну.

Екем келе бире ве школере верасде бэгъдо Юно хуб верасире, ки дие нидануу рафде вихдигьо рэхьэ эгенер уре небисдоге герекие данани сенигээткори. Эзу хотур э 1952-муын сал у дерафдени эри хундээ э училищай музыкаи Махачкала э отделений хоровой мэгэни хундэи ве кор эн хоре дирижировать соходеи, Инжо мозоллүүе гьисмет музыканти эну шиногох ве күннд сохдени уре э лап мэгэлүүмлүүе усдогьо, Гүүзетлүүе композиторгьоревоз, чуюн Готфрид Гасанов э нум комики гьисди изму у училище, Хизгил Ханукаев, Наби Дагиров. Эеки э угъоревоз Юноре тербие дорет ижирие мэгэлүүмлүүе музыкантгьо ве эшгъулье тербидорегоргьо: Иван Григорьевич Савченко, Иосиф Наумович Варшавский, Роза Михайлова Мизрахи.

Э сеймуын курс училище дерники уре огол зеренуут э жергэгийн Армией Совети, эжеки у гъуллугъ сохде э взвод музыкан ве бирени рэхьбер самодеятельни кружок хори. Эри лап

хубе жире рэхъбери сохдеси кружоке, уре дульгилегъо дорснүйт нуботсузы отпуск. Кружок энүгъо е ченdbo гирдени сувфдеи жигегъоре э конкурсгъой хоргъо э гаризон.

Эз жергегъой Армией Совети вогошде бэгъ-до Юно Авшалумов зиёд сохдени хундеси хульдере э училище ве верасдени уре э отличиеревоз э 1959-муын сал. Гье у сал рафдени эри хундеси Боку э консерватория э нум У. Гаджибеков. Инжо тербиедорегоргъой эну биренүйт ижире данандегъой музыкан — профессор Джангар Джангиров, доцент Юрий Петров, гьемчун профессоргъо Домилов, Шейн, Никаноров, Бромер, Бурштейн. Э консерватория Юно хунденбу эз кор жайле небире—э заочни отделение. Увэхд у кор сохдембу э ансамбль хулькумети Боку, чульки доребу уре минкини эри усдоети хульдере диеш параменд сохде ве дуланмиш бире. Инжо сувфдеи гиле у сер гирдени эри нуввуусде музыка, чуль профессионал. Э пушой консерваториере верасде у гирошдени э очни отделение ве эри е сал эз вэхд зуте э отличиеревоз бэгъем сохдени хундесири э консерватория.

Гьетте эз Боку э сигъде шегъер хульдеш э Дербенд вогошде уре норенүйт директор музыки. Увэхди сувфделе яратмиш сохде оморебугъо. Инжо у гүнжундени хор гээлире, рэхъбери комиреки сохдени хульдению. Энжэгъ э шеш мэгъгъой кор сохдеси э и школе Юно Захарьёевич хъозур сохи ве гировунди се мигийдгъой мэгийнире. Э и кор удори омбаре гъувотгъо ве эшгъ жовонире, герми дуль хульдере, мульгъетлууире э кин гээлгъо ве музыка. Эри хубе жире рэхъбери сохде кор школере, гировундеси мигийдгъой мэгийнире,

уре э 1967-муын сал доре оморени гІузыетлууе нум верзуышлууе корсох культуры Догъисту.

Ижире дананменди ве хъэвескори Юно Авшалумове дире, Министерствой культуры Догъисту теклиф соходени уре эри тербие доре э училищай музыкаи Махачкала э нум Г. А. Гасанов. Инжош у гүнжундени ве рэхъбери сохде хоре. И хор бирени лап хубе коллектив хори республика, бэхш вегирденигъо э гъеме келе мигІндгъо гъем гъемехэлгъигъо, ве гъемиге республикански мэгІнолууи. Гъелбет, гүнжундени кор ижире келе музыкальни коллективе, бэхшвегиргъой комики бирут гІэилгъо, асант небу, оммо Юно Захарьёевич бегъем соходени уре э барасиревоз.

Эз екем вэхдиге, э 1974-муын сал уре огол зеренуут ве норенуут дирижёр хор Комитет хъулькумети телевидение ве радиовещаний Догъисту. Эзу вэхдевоз те эхир зиндегуни хушде Юно Захарьёевич рэхъбери сохде кор эни коллективе — тэхьное профессиональни коллектив хори республикаймуре. Гье э и салгъо (эшгъулье вэхд зиндегуни) Юно Авшалумов гүнжундени омбардекие бэхш музыкальни произведениягъой хушдере, нульвуудени музыкаре эри мэгІнигъо эз гоффгъой шогъиргъой тати, лезгии, авари ве де миллетгъойгей республикайму. Э и вэхд нульвуудени у сульфдеи романс тати эз гоффгъой Х. Авшалумов «Бендгъой муйтүү», мэгІнигъо «Эри Ленин», «Ватанме», «Хол», «Э ён билогъ», «Буле бегъер», «Ненуй-ненем» ве диеш.

Э товун жофой композитори хушде у лап кем гофф сохденбу, чуюнки эн сульфде хыисоб сохденбу хушдере сенигІэткор хори, эн вокальни мэгІнигъо. Э произведениягъой хушде,

комигьореки гүнжунди эз гоффьюй шогьиргой тати Х. Авшалумов, С. Изгияев, З. Семендуева бирмундени дульхогы хувьшдере э кин Ватан.

Еки эз бинелуье темагьой творчествой Ю. З. Авшалумов бири никихогы, дусди, бирори хэлгъго ве шолуми э Гүльом. Музайкай эну гыисди рагче мугъумлуье музыка. Гье шиновусдегор э келе хъэвслуи ве дульхощиревоз гуш дошде рагче-гузеле мэгИнигъой энуре. У дануьсдебу очмиш сохде талант хувьшдере гъечу, ки э нувьсдебе музыка бирмунде биёв жуярбежууре тарафгъо ве бинелуье хосиет хэлгъ. И хосиетгъой музыкаи эну куынд сохденуыт гушдошдегоргъоре эз мэгИнигъой эну ве зенденуыт э дуль энугъо хосдэире э кин хушбэх-де зиндегуни. Ижире тэгье музыкаре нувьсдебе хоснетлуунни эри Ю. Авшалумов гьееле эз сувьфден мэгИнигъо эну. Егъин гуфдире герэки, ки э творчествой хувьшде у гъемчун бирмундени зарифетлуье тарафгъой зиндегуни хэлгъ имуре (комиреки э ижире фирегъуне тэгье те у не сохи екиш) ве дануьсдебу бирмунде рачи зиндегунире гье ужире, чуьтам у гыисдиге эз расдиш.

Гье эз сувьфдеи рузгъой рэхь творчествой хувьшде келе дусди дебире э гЭрэй Ю. Авшалумов ве верзуьшлуье корсох культуры Догъисту, режиссёр театр хэлгъ тати Абрам Авдалимов. Э пушой руз чуьл пенж сали Юно Захарьёевич ме гоф сохдебиуым э Абрам БэгИэзевовичевоз э товун творчествой композитор. У гуфди:

— Юно Авшалумов гыисди эзу хъэвскоре кукгъой хэлгъ татиму, комигьоки гъеме данани ве хъэвес эшгъ хувьшдере доренуыт эри хэлгъ. Юно гыисди еки эзу тозе мэгИни нувьсдегор-

гъойму. У гъеме данани ве творчествой хувшдере бэхшири хэлгье. У дануьсдени гъеми эшгъ ве гъемнгэе рачи зинdegунире, комигъореки э творчествой хувшде у э мэгIни бинуш доре.

Э чуьжире келе дузиревоз гуфдире оморет и гоффьо! Оммо изму Ю. З. Авшалумов недэри э гIэрэйму. У рафди эз зинdegуни, кейки гъувотгъой творчествой эну биругт энжэгъ э гуяллууье вэхд параменди хувшде, э жиге неовурде омбаре э дуыл ю дебиругтъо метлебгьоре. Те беде зэгIифи э ю офтдоре, Юно Захарьёевич гуфдиребу, ки еки эз келе метлебгъой эну гъисди нульвусдени кантата, эзуш бэгъэй оратория эри хор, комиреки у сергирдебу эри нульвусдени. Гъемчун воисденбу уре нульвусдени музыкальни комедиере эри театр тати. Биругт уре метлебгъойгэюш.

У одомигъо, комигъоки хуб шинохдебиругт уре гъич вэхд фирмуш нисохут дуьлшоре, хъэвслууье, мэгIрифетлууье хосиет энуре. Эри гъемишельүг мимуну э ёр энугъо чигърет эни дуьлшоре одми, гиргине сифет ю, палаше товуш доренбиругтъо чумгъо, миёне бала. Юно Захарьёевич бу келе одомихогъ, гъэгъигъэтэ дусд, боворинлууье хьовир. У бу эз ужире одомигъо, дер комики гъер вэхд вокурдебу эри гъеме, кире герек буге кумеки ве дуьлхющие гоф эну. Гъелбет, эн сүйфде у бу одоми творчествой, талант комики шевгъ доребу э ужире гъувотевоз, ки ригазгъой эну гъеймогъоиш эдете товуш доренуут э дуьлгъой одомигъо ве гъеле товуш мидуут омбаре салгъо, неденишире э у кор, ки товуш дуыл хувшдени композитор бивэхд тор бири.

Талант Ю. Авшалумов унгъэдер гъувотлуу бу Энжэгъ эзу хотур, ки раггъой эну лугъонде

жире жиге гирдебу э талант хувьшдени омбар жофонхогье хэлгъ иму. Гье гъечувь, чуяам даннменде богъдор кошдениге ве гъуллугъ сохдениге хубе доре, гъечувь э келе мульбетлууи ве мугъоетиревоз келе сохди ве вомуухунди уре хэлгъ. Бегъер талант эну зу расири. У бегъер талант эну гошир сохди музыкальни культурай хэлгъ имуре. Оммо э келе могъбули ве тэхъле гэрсгъо э бугъоз поисдеиревоз гуфдиреним иму, ки, бирэхъме гэжел бивэхд, эз бине бурра доре хуно, венгесд уре, у доре, эз комики е рап эдембируйт оморе сесгъой гуззеле мугъумгъо.

1983-муун сал.



Борис Мишиев

ВЕТЕРАН ЗАВОД

Э шлифовальни станокгьоре сохденигъо завод Дербенд дери келе ве омбаремиллетлуюе десдей корсохгъо, комики эдее кор сохде эз сүйфдеи рузгъой и корхонере бине норейлеревоз. Диеш дуз гуфдиге, у гысд бэхшвегирдегор вокурдei эни сүйфден э шегъер бине норе оморигъо келе мошингьоре ведешенденгъо корхоней эн промышленность.

Гьеле мугуиге и пушогъо э у жиге, эже гьей-сэгIэт поисдиге завод, биругут жиге бисдугъо, савзибогъгъо, эзугъо эзулоте онгурбогъгъой эн Ленински совхоз ве колхоз э нум Жданов. Те увэхдигъо э гIэрэй эн дуль гъульдууре, дуразе ве фирегъуне боругъо э комигъоки дебу шегъер, мугуиге э вэхд поиз хъульшлуу биренуутгъо шаргъой Каслияре хуно, лепуур зере ведироморенбугъо эз гъирогъгъой хувьшде, гьечи тозе заводиш э корпусгъой хувьшдеревоз, бине гирде э песой эни боругъо, лов сохде гъэлебенди гъэдимие диворгьоре, фирегъ сохи серхъэдгъой шегъере. Э заводевоз эеки сер гирде омо вокурдei е ченд тозе обмаретэбэгъэи хунегьоре, изму чаруьсдетгъо э келе куче Советская. Э у жиге-бисдугъо, буше мулькъо бугъо—имогъой

вокурде, оморет: зданий эн шегьерие комитет партии, тозе стадион, дуль тозе чендтэбэгъэи хунгэй ве оводунее зимисдунее зол спорти. Гье инжо дешенде омори ве веромори келе раге парк, эжеки Гэилгьоре омбар хээз оморе эри вози сохде ве форигъэти вегирде. Инжо сүйфдеибо э шегьеर вокурде оморет дуль тозе гьеймогъоине аттракционгьо—э гъувот электриревоз гешденуутгьо мошингьой Гэили.

Вес мибу энжэгъ гуфдиrimge, ки эз се бэхш дуль бэхш зигынсдэгөргүй эн шегьеर гьеймогъой зигынсденуут э дуль тозе келе микрорайонгьо, вокурдэй комигъоки ологъолуу бирукт э вокурдэй сүйфдэй лап келе корхоней шегье-ревоз э сер эн 60-муун салгъо.

Ижире бири мэгнолууи завод, томом дэгши сохдигьо чигърет эн гъэдимие шегьере.

Эз вокурдэй и келе ве эри зиндегуни эн согь шегьеर лап вожиблуу бугъо корхонере (станокгүй комики фуурсоре оморенуут э жуурбажууре улкэгъо ве келе промышленни центргүй вилеет иму, гьемчун эз серхъэдгүй эну эулош), сер гирди рэхъ жофон хувшдере Борис Мишиев. Сүйфдэн сенигээт эну бу хувьрметлүүе сенигээт — вокурдегор. Песде гье инжо, э вэхд вокурдэй заводе, уре норенуут рэхъбер эн бригадай бетонсохгъо. Завод э кор венгесдэ оморе бэгъдо, жовоне пушолуу бригадире фуурсоренуут э Москвэ э семегынне курсгүй эри хуте бире тозе заводе герек бугъо сенигээт —токарь-росточник. Е ченд сал Борис сохдени сенигээт токарире ве дераддени эри хундэ э шевине техникум мошинвокурдэгэргүй.

Хундэире верасде бэгъдо, у кор сохдени мастер эн екимуун цех механикеи, песде келей мастер эн корпусни мескен. Дэгээ салгъо у кор

сохдени э и мескен ве омбаре салгъо бирн келей мастер эн дуимуын цех те песини салгъо...

И гъуындууре, шивитие бала ве обурлувье пенжогъ сале мерде, рафденигъо рэхъэ гогъ бежид, гогъ евош, э фикир хульде деригъо одомире хуно, омбаре вэхдгъо дире бирени чуттам э завод, гъемчун э шегьериш, чуюнки Борис Янкилович гъемише активлувье бэхш вэгирде э гъеме келе коргъой жэгІмиети. Эз лэгъэрэ сифет ве тухе чумгъой эну кими вэгІдо гирошдени соей думит кеширеи ве фикирлувьи.

Мескен корпуси гъисди еки эз келе мескентьой кори эн завод. Оммо у омбаре салгъо бэгъем нисе сохденбу э пушою норе оморе везифегъоре. Имогъой у гъисди еки эз пушолувье мескентьой эну. Э куынди гъер мэгъ коллектив эну вегирдени премиягъой пулире э артгый бэхъс социалисти гууре. Э гэрей корсохгъой эну деруут омбаре зарбичгъой жофо, пушолувье фэхълегъо, гъер мерд э зиёдиревоз бэгъем сохде гъэрхундигъой хульдере. И одомигъо келе кумеки сохденуут э рэхъбер ишу. Э эрклууриевоз гирде Борис Янкиловиэ нумгъой эн слесаре-гуурдсохдегоре Данииле Абакумове, эн токарьгъо-росточникъо Петр Матвейченкоре, бироргъо Ахмед ве Иса Исаевгъоре. Мескен, рэхъбери комиреки эдее сохде Мишиев, омбаремиллетлувьни, э гэрей корсохгъой эну дери келе ве мутькеме дусди. Белки иш гъисд еки эз нишонендергъой рэхъбер эну.

Борис Янкилович гъечи энжом сохи коре, ки корсохгъой мескен э кин эхир мэгъ дануслануут э товун гъэрхундигъошу, норе оморе везифегъой биёвгъо мэгъ ве жэгІм сохденуут артгъой гирошдигъо мэгье. Э гъер корсохевоз

гировунде оморени меслехъэти, бинелуье мэгІ-ной комики гыисд очмиш сохдеи барасигьо ве кемсугыгъой кор энугьоре, гешде ве офде то-зе минкинигъой эн доруние овгъотгъой корире. Жайлее гъэйгъукешире э кор хувьшде Борис Янкилович дорени эри дуз теслих сохдеи кад-рови пурсыгъоре. Фегъм сохдени жигей фэхълеи корсохгъоре, э вэхд ю дорёни угъо-ре герекие карасдигьо ве детальгъоре — гъи-метлуье вэхд фэхълеи энугьо э негъогъ пуч не-бу гуфдире, эзу товне у гъеле э эхир смена винире хъозурлугъи эн биёвгьо рузе.

Ебо э гІэрэйму гирошд меслэхъэти:

— Чульжиреи бинелуье везифей несигІэтчи ве рэхъбирму э верасиреишмуревоз? — пурси-рум ме ээз Борис Янкилович.

— Рэхъбирмугьо омбаре кумеки доренуыт э кор вомухдеи жовоңгъоре, данани дореи угъо-ре. Угъо, чуьтам гуфдиренуытгэ, доренуыт эс-тафетай эн бугъолуье синогъи корищуре эз гъеймогъоине вэхд э биёвгьо,— гуфди у.

— Чульжиреи чигърет гъэгъигъэ-
те рэхъбирму?

— Эвелиминжи, хувьшдени рэхъбирму биё бу хубе, дананменде сенигІэткор ве э гъер кор биё бирмунду хубе нишонере. Дүйнүмжи, рэхъбирму биё гиругь хъуьрмет жовоңе фэхъ-лере, неденишире э у кор, ки вероморенигэ эз дес эну э у тапшуьрмиш сохде оморе везифе, енебуге нисе вероморе. Инжо эн сүйфде э на-зар биё вегирде биёв хъэрекети, войгей эну эри и коре бегъем сохде. Ижире вэхд рэхъбир-му гъэрхунди неки эри андурмиш сохде ве верасунде тэгъер, гуим, фендгъой эн детале-сохдеире, оммо гъемчун бирмунде, чуьтам уре, сохде герекиге. Инжо гереки келе сабурлууи

ве тоблуыи. Герек бисдоге усдо биё дегьбош бирмуну фендгъой эн у коре сохдеире. Жово-не корсохе гъэйгъусуз, кумексуз гъишде гЭмэл ниёв те у мэхъл, кейки очугъ веди не-бу, ки и кор эз дес эну миворов гуфдире. Те ебо жовоне фэхъле э корхоне оморе эри кор сохде, сенигІэт хуте бире, у э школе гирошде-ни хундеире, тербие вегирдире. Учительгъо э школе гъэрхундүт эри тербие доре жовон-гъоре э руыхъ хьюрмет гирдеи жофой фэхъ-лере, хъозур биреи эри кор сохде э ишуре во-исденигъо сенигІэт фэхълеи, ориентировать сохде угъоре э еки эз сенигІэтгъой фэхълеи, эз комики угъоре хъээз оморени.

Имуре лап хубе синогъулье десдей рэхъбир-мугъо ве несигІэтдорегоргъои. Меселен, веги-рим виним нишон ижире келе квалифициро-ванни фэхълере, чуюн Ахмед Исаев. Омбаре-гъэйгъукеши ве фикир доре у пурсыушгъой вомухдеи ве хуте сохден жовонгъоре. Виниге, ки эз дес жовоне фэхъле е кор нисе веромо-ре, у хъозури гъер вэхд кор хувшдере гъишде э жовоне фэхъле кумек сохде, чуюнки у хуб ве-расире чужире хижолетире кеширениге жо-вон э кин эну руй биренигъо вэгІдо эз товун небеледи хувшде. Борис Мишиев гъемчун хуб верасире, ки жовоне одомире зиёдтеш гЭйб оморе эри дуымуын-сенмуын гиле э кин келете хъовир руй бире ве уре эз кор ю поюнде. Иса-ев хъозури эри кумеки доре гъер фэхълере, неденишире э у кор: и жовоне шегуурд юни, енебуге кесигеи. Э и кор эри эну бешгъэи нис-ди.

— Ини гъечи верасиренүм ме чигърет гъэ-гъигъэте рэхъбирмуре. У биё кешүү гъэйгъуй эну коре, ки жигей фэхъленю гъемише темиз

бу гуфдире, плангъо э вэхд бегъем бу гуфдире, гъемчун ижире гъэйгъукешнреире биё бирмуну у э товун жовоне хьовир кори хувшде.

Гъеминон э ён богъче э нум Киров гирошденге, одоми э хъэвесевоз нефес кешире раче, серине, хушбуйлувье эвире. Рэхь Борис Янкилович э завод гирошдени эз богъче, песьде эз гэргэлугъ сохде оморигъо э гъэдимие бору, завод вокурде оморебугъо вэгэлдо. И рэхь дурашил нисдиге, оммо лап рачи: дуль тараф эну ведабурра оморет э доргъовероз, комигъореки кошдет корсохгъой завод. Эзуш бэгъэй, эз е тараф эдэй хушбуй доре тозе парк, эз елойгэ, э песой дивор келе богъ емшдоргъои, кошде оморигъо э келе хъёт, э мемзуль, э комики эз куыгыне вэхдевоз поисди мэгэлүмлувье миное, э куынди сад салгъо товуш доренигъо гъирогъ дерьёгье. Инжо лап рачи ве серини. Негъогъ нисди, ки эз зуревоз, богъче э нум Киров биригъо лап могълугъ шегьере хъэз оморенигъо жигей форигъэти вегирден.

Хъэз оморе эзи жиге Борис Янкиловичеш. Инжо оморе у э рузгъой форигъэти вегирден, эзинжо гирошде у гъер руз э кор, е кем эз вэхд зуте ведироморе эз хуне эри е-дуль минут э богъче поисде, енебуге евош, тэгэлди не сохде эй гирошде. Э богъче ведироморенге ве е сад метргъо эз серине рэхь гирошденге э пушой чум ю вокурде оморе фирегъуне мемзульгъой завод, э вокурдэи комики бисд пенж салгъо пушоте бэхш вегирди у ве э комики эдее жохо кешире согъ кифлет эну, омбаре куынде одомгъо, дусдгъо, хьовиргъой эну, завод комики бири эну дуымуын сувгъде хуне.

Эз дуули эдее эрк сохде Борис Мишиев эз гээзизе корхонеий хувшде. Сульфде, кейки жо-

воне фэхъле, енебуге сенигІэткор дироморенни эри кор сохде э корхоне, Борис Янкилович хъэрекет сохдени эри шинохунде уре э заводевоз, гировундени эз гьеме цехгъо ве мескенгъо. У ихдилот сохдени эри эну кей бине но-ре омориге и енебуге уъзге цехиге, чуьжире жиге гирдениге гъер цех э зиндегуни эн завод, чуь жире мэгІноиге гъер цехе э практикей кори эн гьемей завод. У гьемчун хъэрекет сохдени эри верасунде э тозе корсох чуьжире станокгъо ведешендениге завод, э чуьжире ви-леетгъо и станокгъо фуърсore оморенультгэ. Эзу бэгъэй андурмиш сохдени э живоне корсох, ки э у эдее ихъдигор сохде оморе гъи-метлуье станокгъо ве оборудование, ки гъер деталь, ведешенде оморенигъо э завод, биё э селигъэи ве фегъмлуюревоз менфитІэт сохде биёв. Эзижире кор бенди, чуьтам и станокгъо кура сохде э кор венгесде миёвтгэ э у ви-леетгъо, эжеки иму угъоре фуърсореним. Эзи-кор бенди гьемчун хэйр эн хъулькумет, хъуль-мет, боворинлуви эн завод ишу э пушой за-казчикгъо.

Борис Янкилович бовор сохдени, ки эгенер э живоне корсох гьемей эни коргьоре хуб ан-дурмиш сохдиге, герек гынсдигъо жире э у кумеки сохдиге, фегъм, синогъитуре э сабур-луви ве тоблуюревоз уре дориге, у эз дулья эжиге миёру э ю тапшувьрмиш сохде оморе коре.

Гуфдире гоффгъой эн Борис Янкилович, гъел-бет, лап дузи. У лугъонд верасире вожиблуви кор усдоре, келе жугъобдорлуви энуре. Омба-риш кор усдо бенди э у овхьолетевоз, ченгъэ-дер у муъгъбетлуви ве жофохогы бирмундгэ э юревоз кор сохденигъо одомигъо.

— Ини, ме себэхьмунде э кор зуте оморумгэ,— гуфдирени у,— винирумгэ герекие хъозурлугъире эри э гүнжо овурде кор фэхълегьоре, ижире гъэножэгъимере э товун кор угъо верасиренуыт чуюн хъэрекети ве гъэйгъуи дореи эз тарафме эришу, эри кор ишу э барасиревоз э жиге овурде омореи ве гъелбет э хубе кор ишу гулье хубе мульд гъобул сохдеи. Кими вэхд бирени гъечи: гъовой корсох чую кориге хуб нисди, кор юш э гүнжо нисе оморе. Кими усдо э герексувье гоф-серкуширевоз, хъэроевоз енебуге охмури шендеиревоз диеш гурунд сохде дуль корсохе. Омо, э гуфдиреймеревоз, гъер усдо эри хульше биё фикир соху, дануь эйчульните усол гъовой эн корсох, чую дерд, чую гъэйгуниге уре, чую кумеки сохде герекиге э у. Иллогъки омбариш биё гъэйгъу доре биёв э жовоне корсох. Э эхир руз фэхълеи пурсире дануьсде гереки эзу: чуьтам гирошдиге руз фэхълеи эну, чендгъэдер ве чую кор у сохдиге, чую эз дес эну имбуруз неверомориге, э чую кумеки у михътожи ве диеш.

Эзи е пенж сал пушоте, ме гъеле сувьфделе э Борис Янкиловичевоз шинох биренге, хъэвслууье сувьбет гирошд э Гэрейму нен гьевел секретарь комитет партии эн завод бугъю Анатолий Григорьевич Бородиневоз. Гуюм очуగъ: э келе дульхощиревоз шиновусдум ме гоффьюй партогре э товун еки эз коммунистгъой корхонешу.

— Борис Янкиловиче э завод иму шинохденыт гъеме: эз келе те чуькле. Инжо гуфдире воисде, ки сур эн гъечи фирегъ э гъеме мэглүүм биреи эну унгъэде э у ветеран эн завод биреи невери, чендгъэдер вериге э одомихгъи эну. Омбаре пушолууье корсохгъойму, изму,

биретгъо орденлуве одомигъо ве мэгІлум гысдүтгъо э согъ республика, жофо кеширет э у мескен кори, комиреки рэхъбери соходи хуышдени Мишиев. Омбаргъой энугъо сүффде би-рут шегуьрдгъой эну. Изму угъо эдете кор сохденуут э ченд жире цехгъо ве мескенгъой завод. Угъо э хубе, тэгІрифлуве гофевоз э ёр овурденуут келете хьовир ве рэхъбиrmушуре ве, гъелбет, вомухденуут хууermетлуире э кин эну э шегуьрдгъо ве узге хьовиргъойгей корищу. Ини бинелуве себеб гъечув хуб шинохдеи ме хууermет гирдэц Борис Янкиловиче.

Омбаре хубе, герме гофгъо гуфди парторг э товун ветеран завод. Ме гъейсэгІэт э товун эн гысмей эну гофгъо нигуюм, угъоре вогогъруш нисохум. Оммо ниданум э ёр не овурде ижире гофгъой энуре: «Гысмет Борис Янкиловиче ээз гысмет завод жайле сохде нибу». Э и гофгъой эн Анатолий Григорьевичевоз гэмел ниёв рази небире.

И гофгъоре гъемчун мибу гуфдире э товун эн согъ кифлет энуш, чуньники инжо, э завод эдете жофо кеширенуут зен эну, духдер ю, кук не дуль бироргъою.

— Э хунеш иму гофгъой корире сохденим,— мугу ебо э ме Борис Янкилович.—Унегууре мэхътеле кор нисд, ки гэилгъоймеш э завод оморет гуфдире эри жофо кешире. Духдерме —чертёжницаи, кук — инженери. Гъердуй энугъо хунде верасдет шевине техникум механикеире.

Гысмет иму гъечув бири, ки зиндегуни гъемей иму э заводевоз ологъолуунни...

1984-муун сал.



Aхса Шалумова

«ХОЛЕЙ АХСО»

Себэхьмунде, кейки дерьёгь фуърсорени хүше серине эвир хувьшдере э кучегьой шев э бугъунти гъеминони дебутъо гъэдимие Дербенд, енебуге шохьонгумгъо, кейки чульшме, лэхьни бире э песой догъгъо, шенденi песини ригазгъой хувьшдере э сер Нарын-гъэлэ, комики товтоги доре увэхди чуль гуль сенгъни э зир эну ригазгъо,— у вэгIдо гирошдиге эз зофруи бэхш куче э нум мэгIлуумлуве революционер Путин, эжеки эз зуревоз зигындендүнт татгъо, э ишму мивохуру е лэгъэрэ, сара балае, огыиле зен, нульдигъо э пушой хунай хувьшде. У денишири э пушой хувьшде ве рагче темизе сифет эну эдее товуш доре э хувьрмет огылиревоз. У нисе денишире э иловле, томошэ нисе сохде эз пушо гирошдендүнтгъо одомигъоре — у дери э думитгъо ве хэёлгъой хувьшде. Зигынсдэгортгъой шегъер хуб шинохдендүнт и зене ве эз кин эну гирошденгэ думит сохдендүнт эй хувьшде: «Чуль омори гъеймогъой э пушой холей Ахсо, чульре э ёр овурденибу у?» Божэхъет э и пурсыш жугъоб дорегор офф омоге эз е одоми бэгъэй — эз хувьшдени Ахсо Ильягуевна.

Э гъисмет одомигьой се эрхэгьо офори мозол эри томоше сохде э сэгье Ахсо Шалумоваре, эрк ве келегеди сохде эзу кор, ки ижире келе талант зэндэ омори гуфдире э гүэрэй хэлгъ энугьо, чүнки ижире талантгъо гъисдүйт шоре гъозие э зиндегуни хэлгъи. Унегульре омбаре одомигьой хэлгъ иму уре э хосдэй ве хувьрметевоз «холей Ахсо», гуфдиренуут.

55 салгъой гүльмуур эну гироши э сэгье —согъ с зиндегуни, э комики дорушдэг гъисметгъо ве зиндегунигьой ченд одомигьо. Зиндегуни одоми творчествой жайлее, э угюонигайге ухшеш зеренигьо зиндегуни нисд, иллогыки зиндегуни артист, эз гъисмет комики гирошденуут гъисметгъой ченд жуър-бежууре одомигьо. Ченд чигъретгьоре зиндегуни дори у э товушлуу талант хувьшдеревоз, ченд гилегъо зэндэ омори ве ченд гилегъо муурди, дердгъой ченд одомигьоре кешири ве э чендингъойгеревоз хэндүсьди, шори сохди.

Э товун Ахсо Шалумова омбар гуфдире ве нувьульсде омори. Гуфдирет, нувьульсдет э товун эну, тэгүриф дорет талант энуре омбаре одомигьо, э у гүэрэ ижире дананменде корсохгъой культуриму, чүн З. Авшалумов, М. Бахшиев, Х. Авшалумов, С. Изгияев, унегульре белки герек нибисдо дие нувьульсде э товун эну, чүнки эзи тэгүрифлуу одомигьой хэлгъ иму хубте нувьульсде ве гуфдире нибу. **Оммо** эри гъэлеме э дес вегирдэй, нувьульсдей э товун эну бирукт мере дуль себебгъо: **сүүфдэй**, бинелуу себеб-гъеме гуфдире ве нувьульсде оморигьо э товун эну бирмундэт энжэгъ тэхьеное бэхшгъой рэхь творчествой энуре э жуър-бежууре салгъо; дуумуун, гуфдиренуут: то-

вуш суврх ээз гьовомер сохде тор нисе бире, диеттеш омборте товуш доре. Мере воисдени, ээз дес вероморере хуно, екем зиёдте бирмунде неки рэхъ творчествой энуре, гьемчун рэхъ зиндегуниреш, чуынки усуъз четин мибу эри тевесер верасире чуъжире гъувот, талант, эшгъ ве хъэвес хуьшдере дориге у э сэгъне.

Э зимисду 1909-муын сал э кифлет косибе ранжбер Ильягу Шалумов зенде омори хьофдимуын гээил, уш духдер. И кор зиёд шор не сохд сехъибгъой духдере. Эзуш бэгъэй ээз е салиге э и кифлет зенде оморени хъэшдимуын гээилиш. Э гьечиревоз э кифлет дебируйт хъэшд те сурои нисе хурдебируйтгъо гээилгъо. Омбор четин бу эри дошде ижире келе кифлете. Бебе-деде ээз себэхъ те шохъонгум эдембирауыт кемер хуърд сохде э онгурбогъой гюширгъо, гээилгъоки себилгъоре хуно мундебирауыт э кучегъо, е жух нун э дес ишу дерики. Шохъонгумгъо, бебе-дедей энугъо ээз богъ вогашденге сер мигирдуыт эри гешде угъоре ээз кучегъо эри нун шевинере — косиби-гюнишуре хурде. Кими вэгидо Ахсо ээз кучегъош офф нисе оморенбу. Энжэгъ келен бирор — Менешир дануысденбу эже герекиге гешде уре. Офф оморебу у эзунжо, э коминжо хундебирауыт мэггигъошуре гюнишуре ошугъгъо эри е минжигъ мульд ве е тике нун, е тилтелей хъэлвр. Э кин энугъо кура биренбирауыт пойбирэхънее гээилгъо, э десдэй комигъоки дебу Ахсош. Ченд гилегъо эри ээз куче офф не омореи ве э десдэй энугъо поисдэй куфдебу уре деде, терг соху гуфдире «и хоснет хуьшдере». Оммо духдер мигириздгеш, «и хоснет хуьшдере терг сохде» нисе дануысденбу. Пэхъни бире

Э с күнж, у гирисде верасде бэгъдо, сер мигирд... эри мэгИни хунде.

Е гиле Хонум, зен Менешир, мугу эз духдер: «Вонсдени түре э имуревоз э театр берүм. Ме э Менеширевоз гоф мисохум». Гвелбет, пульсиреш герек небу. Шори духдере гъэдер небу. И бу гьеңгъэте шорс мигИд. Эз екем вэхдиге Ахсо сүйфдеибо э гІумуыр хувьшде нувьшдебу э театр, гІэмел миёвге эри гъечув гуфдире, чуюнки у согъ спектакле поисдебу э сер пойгъо ве эри э жиге нушунде уре гынч мульгълет небу. У вэхд э Дербенд оморебу театр азербайджани, бирмундебугъо пьесай У Гаджибекова «Асли ве Керем». Чигьрет Асли мульхъкеме жиге гирд э дуль гІэили.

Э сүйфден салгъой хувькумет Совети пушолуье десдей одомигъой хэлгъ иму, э жергей комигъоки дебирут нувьусдегор Ю. Семенов, режиссер З. Авшалумов ве чендигъойгеш, гүнжунденуут театр татире. Э и десде дебирут тербиедорёгоргъо — бирор ве зенбирор Ахсо. Сүйфден вэгІдо э хуней энугъо кура биренуут эри томошегъоре хъозур сохде гъөме э театр возирегоргъо. Ме ихдилот нисохум э товун гъеме гурундигъо ве четинигъо, поисдебирутгъо э пушой энугъо, мигуюм энжэгъ, ки еки эзу четинигъо бу у кор, ки э театр недебирут зенгъо, чуюнки мэгІлуум гъисдигъоре хуно, увэхд эри зен э театр возиреи келе биёбури хыисоб биренбу.

Ебо Ахсо э хуней бирор гъисдики, Хонум дирени у е рап эдее мэгИни хунде. «Чув ширине сеси,— фикир сохде у,— чув хуб мибисдо духдер э театр миомоге!» (Гъеме фикиргъой энугъо гъеймогъой э театрревоз бируйт). У гуфдирени э товун эни кор э Ахсо. Духдер

рази нисе бире: терсирени эз бироргъо ве сехьибгъой хувьшде. Хонум ихдилот сохдени гье-мере э Менешир. Менешир жугъоб дорени, ки духодер рази бисдоге, у гьеме жугъобдорлууре мивегируг э сер хувьшде.

Паздэгь сале духодер сер гирдени возиреире э сэгъне.

Сульфде уре сер гирдуут эри хуте сохде эри хуб э дананмендиревоз мэгИнире хунде. Ах-соре гьишденуут хунде мэгИнгъо эз жуэр-безжуре пьесагъо. Гьемчуун гьечи евош-евош хуте бирени у эри хунде мугъэмгъо, сегогъю, шургъоре. Песде, театр норенге пьесаре «Оды — Гюзель», у возирени сульфдеи роль хувьшдере — роль Назлы-хонуме. Гье э у салгъо у возирени е ченд рольгойгереш: эн Эфрис-хонуме э пьесай Ю. Семенов «Мэхьсүйм», Перире — э «Пери-хонум» эн Б. Гаврилов, Гульчохраре — э пьесай У Гаджибеков «Аршин мол алан» ве чендигьойгереш.

Оммо келен бирор эну Зоволу, мейл кульгъуне гээдотгъоре гирденбуугъо, сер гирд эри куфде ве э хуне сэхд сохде дэгшишде уре э театр нерав гуфдире. Зоволу бу омбор э кульгъуне гээдотгъо боворсохе одоми. У гуфдиренбу, ки нидануут ветовусде у номусе, егИни, хэгъер ю э театр возиреире. Чорей Ахсо не бире, у вирихдени эз хуне, раффдени э кин келен зен-бирор хувьшде, комики вегирдени уре э зиргъэлхэнди хувьшде ве зиёд сохдени кор хувьшдере э театр. Оммо Зоволу увэхдиш динж нисе поисде: гирдени гьеле-булгъо эй хэгъер, лов сохдени герексүзэе мурдале гоффьоре. Неденишире э гьемей эни гоффьо ве коргъо, Ахсо оффдени гъисмет хувьшдере э театр: у раффдени э шуввер э артист эн театр, э Истохор

Шалумов, эй комики эз гьеме зиёдте э Гүйлом бу театр, кор эну. Э 1926-муын сал э кифлэт энугъю зенде оморени сувфдеи ГЭил, кук, Мухоил.

Лап гурунд бу эй жовоне деде эри чукле ГЭиллереш э рэхь берде, эри кориш сохдэ. Оммо увэхдиш у нисе шенде сенигээт хувшдере. Неденишире э гьемей четинигъю, у гьёле э дигъгьош рафдени э труппашуревоз. Овхьолет вози сохдеи э дигъгьо диеш гурунд бу. Кульгын Гоширгьо, фанатикгьой дини мивомухундугт хэлгъэ, ки э пушошу эдее биёбури сохде оморе гуфдире — егэни, зен неки шолчодрере векенди ве гьеле э сэгьнеш эдее вози сохде! Бегем и бире кори! Бегем и руяхшэнди, биёбури нисди эри хэлгъ?! Бегем и эз э сифет туф дешендеи зиёдте нисди? Ки ихдиёр дори и номуссузэ эри ченд сад салине ГЭдотгиймуре эри пой зерэ?! Э гьечи момухудугт угъю хэлгъэ. Спектакль верасде артистгьоб эз дигь ведарафде бэгъдо, е ченд Гоширгьо вегирде э хувшдеревоз е десдэй лап пес мунде одомнгьоре, мигирдугт э рэхь артистгьоре, э угъоревоз женг сохде. Э дигъгьо угъю нисе дануьсденбируйт эри очугъ гоф сохде э гъэршуй корсохгьой театр, чувники косибе хэлгъэ эз дуль хьээз оморенбу эз театр, оммо угъю эз дигь ведарафденге мигирдугт пушой энугъоре. Е гиле эз дигь Митагын вогошденге э сер энугъо омо ижире гъэчэгъэ десдэ. Угъю э бирэхьмиревоз куфдугт мердгьоре, хуьрд ве лов-тум сохдугт э гужевоз ве э хъэрэketигьой согъ колективо — сохде оморебируйтгьо декорациягьоре. Екем вэхдигеш микешиге угъю микушдугт Ахсореш э Гэливоз эеки. Оммо э гъисмет энугъю оморе ведироморуйт эз базар во-

гошдебирүтгъо ранжбергъо, комиғыоки хилос сохдудыт угъоре.

Э 1928-муын сал нехэбереки сухдени театр. Уре сэхд сохденуыт. Дануьсде нисе бире у кей вокурде миёвге. Ахсо Ильягуевна межбур бирени эри дерафде э кор э завод шоробсохи ве эз е салиге — э школай холибофи. Увэхди у возирени э клуб ранжбергъо. Гье у сал уре бирени дуьимуын ГЭил — Борис. Э 1932-муын сал гуьрд сохде оморени миллетлуюе театр хулькумети, э комики дебирени сектор татиш. Уре гене теклиф сохденуыт э театр.

Театр эдембу возире пьесай Б. Гаврилов «Пери-хонум». Ихдилот эну бу ижире. Перире оффдени э више жовоне кук хон ве ошугъ бирени э у. Кук хон ихдилот сохдени э товун эни гъозире э имидлуюе дусд хульше. Вэхд эз вэхд гирошденге Перире бирени дуль ГЭилгъо. Нуғыор берде юре эри дире бебе-дедей хульшdere, Пери минет сохдени э шульвер хульше хъэрзо дуль гуфдире уре эри э угъо сер кешире. Разименди хульшdere доре бэгъдо, шульвер фуърсорени Перире э пэхуьре ве бэхи ле дусд хульшдеревоз. Э рэхь у гъэсд сохде э сер зен, дешендени ГЭилгъюре э чол. Роль Перире возиребу Ахсо Шалумова ве рольгой ГЭилгъюре дуль кукгъю.

Лап гурунд бугеш э дуль ГЭилгъоревоз, чуңки э рэхъгъо угъо омбор нечогъ биренбирүт, Ахсо театре нисе шенде. Гье гъечи э театр келле биренуыт ГЭилгъюш. Эз кор театре бэгъэй артистке гировундени коргъой жэгИмниетиреш. У салгъо уре е ченд бо вихденуыт депутат горсовет, делегат съезд зенгъой Догъисту.

Театр муҳыкеме жиге гирде э зинdegуни хэлгъ тати. Сал-бесал зиёд бире гъэдэр у вози

сохденигъо спектакльго. У рузгъо, кейки ги-рошденуыт спектакльго, чаруысденуыт э гъэгъигъэте мигІндгъой культуры хэлгъ. Гье э и вэхд очмиш ве гъувотлув бире талант артисткеш, иллогъки э пьесагьо «Асли ве Керем», «Аршин мол алан», «Суьпенже гульгъо», «Оды — Гульзел», «Хаят», «Ошугъ — гъриб», «Мегъебет», «Номус» ве ченди-чендигъойгеш, э комигъоки у возирени бинелуве рольгъоре. Э келе талантлууриевоз возирени у роль дедере э пьеса «Гумсузы шев Украина». У вэхд, кейки деде очмиш сохде шефдигъой кук хульдоре, комики хогын ведироморе эри Ватан, вози энуре гъемиш даюндени сесгъой келе чек зереигъо. Э пьеса «Хори» эн М. Бахчис у бирмундени чигърет зен-агрономе, гъовхо берденигъоре э гюширгъоревоз ве кумеки сохденигъо эри гүнжунде колхозгъоре, андурмиш сохденигъо тозе тегъергъой веровундеи буле бегъере. Ижире пьесагьо лап куындуут эри томошэ сохдегоргъо. Чуюнки эз зиндегуни энгъош эдете гирошденуыт ижире дегишуыгигъо.

Э вэхд довгІо омбаре артистгъо рафденуыт э фронт. И салгъош Ахсо Ильягуевна нешенд сенигІэт хульдоре. У хундени мэгІнигъоре эри яралуыгъо, кими бэхшгъоре эз пьесагьо. Э и салгъо у дирени омбаре гурунд яралув бире одомигъоре, комигъореки у дорени минутгъой шори, комигъоки э вэхд вози сохдеи эну хэндудысденуыт ве биренуыт чумгІэрслув.

ДовгІо верасдени. Э мейдугъой эну эри гъемишельүг мунденуыт корсохгъой театр тати: Захарьё Авшалумов, ЮшвэгІ Ханукаев, Шолум Хаймов, Соломон Дадашев ве чендигъойгеш.

Кор театр поисдени.

Ахсо Шалумова рафдени эри жофо кешире э колхоз э нум В. И. Ленин. Инжо у энжом сохдени кружок самодеятельность художествоире.

Дануьсденге, ки рэхъбер кружок зени гуфдире, э кин эну оморенуыт духдергъош. А. Шалумова бирени эри энугъо сувфден несигІэтдорегор. Э 1960-муын салгъо, э кумеки ведилуье корсохгъой культуры тати С. Изгияевевоз, Х. Авшалумовевоз, М. Бахшиевевоз гІэрей-колхозие театр э гүнжо овурде омореки, угъо гирошденуыт э театрлиш. Э гъечиревоз э театр оморенуыт талантлуье артисткъего — Фараджева, Моисеева, Мататова ве чендигъойгеш.

Гирошденуыт салгъо. Дегиш биренуыт артистгъо, режиссёргъо. Э сэгъне норе оморенбируыт тозе пьесагъо. Э гүнжо овурде оморебу кор театр хэлгъи. Оммо гъер вэхд, кейки э сэгъне возиренбу А. И. Шалумова, э театр эй нувьшде жиге нисе мунденбу. Гъечувь бу э Дербенд, Нальчик, Махачкала, Пятигорск, Буйнакск, Хасавюрт ве диеш. Уре доре оморебу гІузетлууье нум верзуьшлуюе артиской Догъисту. Гъечувь, чуьтам у возиребуге роль зен Шимири э пьесай верзуьшлуюе корсох культуры ДАССР ве РСФСР Х. Д. Авшалумов — «Шими Дербенди» ве роль хульсувре э пьеса — «Хульсур» гыч екиш нисе возиренбу, чуьнки чигъретгъо вегирде оморенбируыт эз зиндегуни хэлгъ ве лап куынд бируыт эри эну. У бу ски эзу зенгъо, комигъюки э вози хульшдеревоз гъовхо берденбу э кульгъне зарали сохдембугъо эй хэлгъ гІэдотгъоревоз, гъовхо берде эри тозе зиндегуни, хушбэхдиму. Гъечи, меселен, у э келе усдостиревоз возирени э пьесай «Кишиди хъомоли» эн Хъизгъил Авшалумов

роль эн зен куыгыне колхозчи Шевруьте—Хонуме. Шевруте хъофд духдери, оммо е доне гээл нарине нисди. Неденишире э у кор, ки духдергьой эну гьеме хубе ферзендгьоют, хубе корсохгьоют, чуклен духдер эну пушлуузе звеновой эн колхози, оммо Шевруйт угъоре эри хувьшде ферзенд хысоб нисе сохде, егэни, эри бебе ферзенд — куки, духдер — нисди. Унегууре, Шевруйт, неденишире э огынли хувьшде, чүн хъомол, э куыгыне гээдот гульре э кишд хувьшде бесдени гъирмизине «кишди хъомолире». Егэни худо ээз зеверсер винуу, ки у хъомоли, э хъол ю, э гъэвл ю дерав, е кук нарине дуль юре.

Роль эн зен Шевруьте э пьесай «Кишди хъомоли» келе жиге гирде. Ахсо э келе психологически дананиревоз, усдоетиревоз возире и роле. Ведилууе писатель, шогыр ве драматург иму Миши Бахшиев диренге э сэгьней эн театр хэлгъи тати и пьесаре, комики гысди сүйфдеи музыкальни комедия ээз зиндегуни ве гээдотгьой хэлгъ иму, нульвүсдебу е келе рецензия «Жизнеутверждающая комедия» («Зиндегунире гъоим сохденигъо комедия») э гозит «Дагестанская правда» 15 февраль 1962 сал. Э рецензией хувьшде у гуфдиребу неки э товун мэгэйнэй эни пьеса э гъэршуй куыгыне, зарали овурденуутгьо эри хэлгъ гээдотгьо, эри жофо, дусди ве боворини, у э и пьеса тэгэриф доребу вози эн артистгьой татире: Шори Нахшунове (Оврум), Бикел Мататова (Марал), Абрам Авдалимова (Ошир) ве диеш. Иллогъки у хубе тэгэрифи доребу э и рецензией хувьшде вози эн куыгыне, ведилууе артисткей имуре—Ахсо Шалумоваре. У ю хувьшдению огыиле зен биреки «хэндүсьсдени э ово-

ми, пес мундеи шуввер хульше,— нульвусебу М. Бахшиев,—эрк, келегеди сохде эз духдер хульше, комики пушолуье, хульметлуье одомини э колхоз...»

Чультам иму гуфдиримге, Ахсо Шалумова чультам э зиндегуни, гъемчун э сегъне очугъ, жургіэтлүгъовх берденбу э кульгыне Гэдотгьоревоз, песмундеигьоревоз, торики ве овомиревоз.

Э 55 салгъой зиндегуни э сегъне у бирмундени э иму ченд дегъгъой чигъретгьоре, комигъоки дубборе хъесуыл оморет э дуыл эну—э дуыл артистка. У возири неки э пьесагъой нульвусегоргъой тати, гъемчун уруси, азербайджани, украинни, белоруссии ве чендингъойгеш. У дануьсади э усдоетиревоз бирмунде э томошесохдегор дөгъистони чигъретгъо ве хосистгъой жовоне духдер урусе эз пьесай А. Фадеев «Дербодегъуни», хъэшдод сале пире зене эз пьесай Б. Лаврентьев «Гумусузы шев Украина», гурунде гъисмет ве тэхъле зиндегуни Сусанере эз пьесай Ширван-Заде «Номус», гъэгъигъэте духдир совети Лидере эз пьесай А. Корнейчук «Платон Кречет» ве омбаргъойгеш.

Се-чор сал пушо э хуней Ахсо Ильягуевна биреки ме эдембируым томошесохде э телевизор спектакль театр масковире «Платон Кречет». Ме денишируым э сифет кульгыне артистка. У э хысобевоз э ёр овурд хьовиргъоре, комигъоки возиренбирүйт э юревоз и спектакле ве чендингъойгереш, изму зинде нисдүтгъоре. Чумгъой эну Гэрслүг бисдорут.

1983-муын сал.



Урил Ашурров

ГҮЗЕТЛУЕ ГРАЖДАНИН

Одоми, э товун комики мере воисдени ихдилот сохде, мэгІлуми, неки э одомигъой хэлгъ иму, уре гъемчун шинохденуыт одомигъой де хэлгъгъойгей республикеймуш, чүн еки эз тэгІрифлууе кукгъой Догъисту. Пор э гозит «Дагестанская правда» дефус зере оморебу ихдилот мэгІлумлууе писатель Догъисту Ахмедхан Абу-Бакар «Қапсюль». У ихдилот сер гирде оморебу гъечи:

«Гъисди мере е хъэрмэхь. Эз зуревоз шинохим иму дуль эекиревоз. У телефонгъоре ремонт сохденигъо усдои, верзуышлууе корсох связини, э синей комики эдее шевгъ доре орден. Ишму лап хуб шинохденит уре енебуге верасирит э товун киниге ихдилотме. Эри, у одоми Ашурowi. Лап дультемизе номуслууе одомини, гъеме хосиетгъюш хубе хосиетгъюют. У хъозури гъер вэхд эри кумеки сохде э одоми, гъер гъуллугъ одомире веровунде. У дульочугъ ве хэнделови. Эге э у вохурдитге ве пүрсиритге: «Чүтам коргъой түй?» Э и пүрсүүш у жугъоб мидув э пүрсүүш хүшдеревоз:

— Чүтами связь?

— Согъбоши, э кумеки туьревоз хуби, гээзи-
зе Ашурев.

— Биреш гъечувь биё бу,— э эрклуьревоз
мигую у».

И хъуьрметлуье гоффьоре писатель хэлгъи
Догъисту А. Абу-Бакар нульвусди э товун
гээзетлуье кук хэлгъ иму, кавалер орден Лен-
нин Ашурев Урил Борисович. Э чуькле ихдил-
лотле э келе усдоетиревоз бирмунде омори
чуькле шекуыл эни верзушлуье одоми. Оммо
мере воисдени екем омбарте ихдилот сохде э
товун Урил Борисович, шинох сохде ишмуре,
гээзизе хундегоргъо, э рэхь зиндегуни ве жо-
фон энуревоз.

Ме е ченд бо оморем э станци телефони
шегъер Махачкала, оммо ебош эзунжо оффде
не дануьсдем Урил Борисовиче: кенш миомо-
румге, гъербай жугъоб мидоруыт, ки у э «ли-
ния» гуфдире. Эжеи у «линия», чуьтам ми-
дануьм ме оффде Ашуреве? «Инжо ишму уре
оффде ниданит,— мугу эз ме рэхъбер линей-
ни цех Гаджиев.— Бурайт э управленией связи
э мейду э нум В. И. Ленин, иму э телевоневоз
мюофим уре ве мифуьрсим унжо». Эз расдиш
э управление ме уре оффдум. Э пушорэхьиме
эденбу оморе лэгъэрэ, шивитие, миёнеебалае
мерд. И миёнее салгъой гээмуыр верие мерд
эденбу оморе э тараф ме э хэндее ловгъо ве
очугъэ сифетевоз.

Гъетте уре дире ве руз эхэйрбуй юре во-
городунде, э ёрме омо, ки ме пушотеш дирем
гуфдире уре. Шинохдум уре эз лугъонде, екем
назуке сес. И сес лап хуб мунди э ёрме ве
мундет э ёрме гоффьой энуш, комигъореки у
гуфдиребу эзи се сал пушоте э гуьрдлемей
жэгэмиет шегъер. Гье у туьтем оморуыт э ёр-

ме гоффгъой э эшгълүүи ве э эловлұу превоз тоф сохденбұгъо, э пушойме омо шекуыл эну, президентум, одомигъо пур бугъо зал клуб жэгІгиргъой шегъер, ве гене э гушме дерафдұyt у гуфдире гоффгъо:

— Эз гъеме бугъоте эриму биё бу дусди. Ире хуб верасире гереки. Гъеле уреш верасире гереки, ки, чуьтам э метелегъой хэлгъи гуфдиренүйтгे, дусде гъэгъри сохдиге — душмеше шори мисоху. Обур инсоньетире гыч вәхд вир сохде гәмел ниёв — у э одоми гүнжолуы корниси...

...Э вәхд довғло э Махачкала поисдебиругт е ченд воински частьгъо. Е руз гъеминон 1943-мүн сал э пушой гъопуй воински часть поисдебу чордегъ сале лэгъэр кук, гъутинегъой комики эз гисней доруне дерафдебиругт. У бирмунде э постовой е көгъозе, эдембу минет сохде, уре рәхъ дуль гуфдире, чуынки уре фуэрсөрөт эри линиере ремонт сохде. Солдат поисдебу дим-дуз ве гоффгъой гәиле э гуш нис гирденбу. Чендгъэдер мибу гуфдире э и гәил. ки гәмел ниёв гуфдире, ихдиёр нисди. Оммо кук дес нисе вегирденбу. У гогъ э езугъберлуыревоз эдембу минет сохде ве гогъиге э жургІэтлуыревоз талаб сохде дульт гуфдире юре ихдиёри эри э часть гирошде, ки юреш ихдиёр нисди, гъуллугъэ бегъем несохде эри э кор вогошде. Э памятнике хуно поисдебугъо солдат ве э пойбирәхънее гәил, э кул комики вебу келе сумкей связисти, андурмиш сохдебугъо чуынгере э солдат, тоф сохде гъесбо сесевоз, чумгъоревоз ве десгъоревоз дениши-регор мибисдоге, и келе томошес кор миомо эрию.

Ки дануысде, чуьтам миварасдге эхир эни
4 Заказ 10

гъозие, эгенер ивэхди эз гъопу ниведиромог полковник. У буйругь до гІэиле э кин ю гировунуыт гуфдире. Эз е-дүй минутьиге бэгъдо кук поисдебу э пушой дер кабинет полковник У гъелеш хомуш небиребу, эз гІэрс буге енебу-гэ эз гъэгър буге, чумгъой эну тов-тоги биребиуыт. Чувь жугъоб мидо у келеишуре, чувь мигуфди? Эхи э у тапшуурмиш сохдебиуыт зу бурав э часть ве линияре ремонт соху гуфдире, чуынки одомигъо вес нисе сохденуыт. Оммо ини у е сэгІэт корсуз поисди. Ловгъой гІэил эдембиуыт лерзире эз гъэгър. Бегем у тэхсиркори гъечи чуыкле веди бире гуфдире?

Эз тэхъле фикиргъо у тоймиш бисдо шиниренге гоффьоре:

— Инжо биё кук!

Э утогъ нувшдебу гье у пире, хэсде веди биренбугъо полковник. Эз нехисиреи гъирмизи биребиуытгъо чумгъой эну эдембиуыт миже куфде.

— Туьни Ашурев Урил? — пульси у эз гІэил гъечи, мигунгэ э у эз зуревоз мэгІлум бу кук биё биёв гуфдире.

— Эри, менуым, — э лерзире сесевоз жугъоб до гІэил, комики гъеле бовор нисе сохденбу гене юре ниведекинуыт гуфдире эз часть. Уре воисденбу гъемере ихдилот сохде эри полковник, юре э кор фуурсорет гуфдире, оммо и овоме солдат юре е сэгІэт э пушой гъопу гирди, корсуз поюнде. Ю кор юре дануысдени гуфдире, оммо у солдат э ю бовор нисе сохде. Гъеймогъой мирам кор мере ми-сохум ве мибурмунум э угъо, ки ме гІэил нисдум, кор мере дануысденумгъо фэхълеюм гуфдире. Оммо у энжэгъ гуфди:

— Мере... — сер гирд у, оммо эз бил-були

дуыл хувьшдс, э у гырке вепичире, дие, гоф сохде недануьсд.

— Берит Гэиле э хурекхонс, герме хурек дит,— мугу полковник эз солдат э кабинет ю дебугъо. Песде денишире э гъэгърлув бугъо сифет Гэил ве гириздени бире поисдебугъо, комики лэгээрэе вокурдебу эри гуфди, ки юре гисне нисд, ки у эри гиснен хувьшде тенги нисе сохде, эри корсуз мундэи эдее гъэгър кешире, ю инжо эри хурек хурде неомори, эри кор сохде омори, зиёд сохд:— Песде мисохи кор туыре, тэгэди нисди.

Эз се-чор сэгээт бэгъдо, Урил коре верасденге, гье у солдат дено э сумкей эну е бухэнке нуне ве е чайтенле гъургъуте. Кук рази нисе биренбу эри и «бэхше» вегирде. Оммо солдат э хувьрметлууриревоз гуфди:

— И буйругъ полковники, эжиге неовурде Гэмел ниёв

Гэил вегирд: у бэхш небу—у бу сүйфдэй награде эри хубе жофо...

Эзу вэхдевоз гирошдет чуль дуль салгъо зиёдте. Эри жоборде жофо кеширен э вэхд довгю уре доре омори медаль «Эри гъэлхэнди Кавказ». Оммо сүйфдэй «наградаре» Урил гынч фирмуш нисе сохде.

Гье э у гурунде салгъо Урил Борисович бэгъем сохди омбаре жугъобдорлуве тапшурьмишигъоре. Пееде, пойбирэхьне гьем э гъизгъян герми гъеминони, гъемиге э маладе, немутьше поиз у гешди гъемей шегъере эз аэрором э куындингъой Екимуын Махачкала бугъо сер гирде те дигь Агъач-Аул ведарафде. У ве-рафди э гъозор зиёдте гъитгъой телефони, чуники увэхди линия хэреб мибисдоге, хэребире оффде бирэмбу энжэгъ э фегъм сохдеиревоз

эз е гъит те е гъитиге. Вокурде э бирэхьнэе пойгьо се-чор килои гърмэгъгой гьюнурие эз гез те гез, эз верс те верс, пойгьой ю хунериже бире-бире, фегьм соходи у линиегьоре... «Гьеймогьоиш э ёр ме оморенге, э жендекме лерз офордере»,— мугу Урил Борисович.

Э е ченд хьовиргьой кори Урил Борисович-воз иму нувшдайм э еки эз утогъгой линейни цех. Э сер стол веруыт пенж-шеш телефонгьо, комигьоки гээрэ недоре эдете зенг зеренуыт. Связистгьо э биразниревоз дениширенуыт э телефонгьо, чуюнки зенг энугьо нисе гьишденуыт имуре сувьбет сохде. Оммо сувьбет иму э товун лап дусде хьуьрметлууе хьовир энугьои. Гьеркишуре воисдени е хубе гоф семе гую э товун Ашуро. Гьемей энугьо эз зуревоз эдете кор сохденуыт э уревоз, кимингьо бирст шегуьрдгьой эну.

— Мэ шинохденум Уриле э куынди си салгьо, эз 1955-муын салевоз. У кор сохдени э бульянде верзуышлууриревоз, чуьтам гуфдиренуутгэ «темиз»,— мугу еки эз ветерангьой шегье-рие связь Мушоил Шахманов.

— Ашуро, ю хувшдениюш темизе, поке одомини,— зиёд сохд гоф энуре е куьгыне связистиге Казават Казаватов,— у гьер гъуллугъэ веровундени э бульянде жугьобдорлууриревоз, гъимиш несохде не вэхд, не жофой хувшдре, э келе сабурлууриревоз, чуьтам герекиге э гьер кор, иллогьки э кор иму—связь. Эзуш бэгъэй у бэхш вегирдени э гьеме коргьой жэгли-миети. Неденишире э салгьой гэльмуури, у гьеймогьиши гьисд еки эз лап эшгълууе дру-жинникгьойму... У гьисд е тэхьное одоми, неки э коллектив линейни цех, гьемчун э гьемей связь шегье-риш, комиреки доре омори

орден Ленин, ве мере гуфдире воисдени, ки э ижире гъимет дореи жофой юре у эз гъеме пушоте верзире. Верзуьшлуве наградаи. Верзирение одомини. Мере ихдиёри эри и гоффьоре гуфдире, чуынки ме 26 салгъо эдее кор сохденуым э уревоз ве лап хуб шинохденуым уре.

Эз ёр ветерангъой связь шегъер гъич фурмуш нибу зимисдуй 1947-муын—1948-муын салгъо. Эз келе зуыгIбе хэреб биребу томом связь телефон ве радиои шегъер. Э товун желдлуве, зарблуве жофой связистгъо гозит «Дагестанская правда» у рузгъо нульвусдебу статьяре «Игидлуве жофо». Омбаре хубе тэгIрифие гоффьо нульвусде оморебу э и статья э товун жовоне связист Урил Ашурев. Э ёр ветерангъой связи мундет туфонлуве кулокгъой 1954-муын ве 1969-муын салгъо, кейки бурра омребирут телгъой связи, хуърд биребирут омбаре гъитгъо. У салгъо связистгъо э дуль-се суткегъоревоз, гIэрэ не доре жофо кеширен-бирут, ремонт сохденбирут угъоре. Гъемей эни гъзиегъо гирошдет эз зиндегуни Урил Борисович Ашурев.

Урил Ашурев гъемише бири ве гъисди эшгъльуве одоми. Гъемогъоиш у кор сохдени э зарблувиревоз, рэхъэ рафдени зури-зури. Э дуль эну гъелеш демунди руъхъ комсомоли, эшгъльуве бэхшвегир коргъой жовонгъо биреи, энжомсох тозе сергирдеигъо биреи. Пенж салгъо, эз солдати вогошде бэгъдо, у бири рэхъбер идорей комсомоли шегъерие узел связи. Э кутэхъэ вэхд у гүнжунди хубе коллектив художественни самодеятельностире ве ю хувшдению бири еки эз хубе мэгIихунгъой эну. Эз е-дуль салиге бэгъдо, э 1950-муын—1951-муын

салгъо кружок энугъо вегирдени съфден жигэгьоре э гээрэй самодеятельни кружокгъой шегъер. У гъемчун хубе жире гүнжо овурде э гээрэй жовонгъой корхонешу коргъой спортире. Э негьогъ нисдники э гээрэй жовоне корсохгъой энугъо дебиретгъо омбаре разрядникъой спорти, значкистгъой ГТО ве БГТО, э съфден жергей комильтын дебирин комсорг Увэхи гъемчун у рэхъберн сохи кружок вомухден торих партияре, гировунди дерс до-реигъой политикенре. Эшгъ комсомоли гэймогъоиш дерн э дуыл эни жовон нисдгъо одоми.

— Э товун Ашурев мибу гуфдирэ энжэгъ хубигьоре,— мугу рэхъбер линейни цех Нажмутдин Гаджиевич Гаджиев.— Неденишире э салгъой гүймур, у лап жофодусде одомини, бэхш вегирдени э гъеме коргъой жэгтмиети, хубе данандеэ рэхъбирмуй жовонгъон. Омбардеки корсохгъойму гьевелине шегуьрдгъой энундь. Э гээрэй энугъо деруфт ижире хубе корсохгъойму чүн Эльдаров, Магомедов ве чендигъойгеш. Э ветрониревоз дори у э меш синогъи кори хувьшдере. Меш хувьшдере шегуьрд эну хынсоб сохденум.

Лап жугъобдорлууе коргъо тапшуурмийш сохде оморе э Урил Борисович. Эз чуль се салгъо, комики у жофо кеширен э связь, бисднугъ салгъо зиёди у эдее веровунде гъуллугъгъой связи лап зеверие идорей хувькумети республикеймуре: обком КПСС-е, Совет Министртгъоре, Верховни Совете, Дагоблсовпрофе ведиеш. Ве гъемише у ихьдиборлуу ведироморе э ю тапшуурмийш сохде кор.

Неденишире э огыили хувьшде, у гене чүн гьевелинere хуно, хъозури, неки эри веровунде гъеме э ю тапшуурмийш сохде коргъоре,

гъемчун эшгъульье бэхш вегирде э гьеме коргъой жэгІмиети. Э ижире эшгъульи эну кифлетиш кими мэхъэл мэхътел мунде. «ГЭилгъо, кими вэхдгъо пуырсиренуыт:— мугу Урил Борисович,— «Бебе, туй 59 салаи, бегем туй той э дружина бэхш вегирдеи?» Ме нисе дануьсденуым чувь жугъоб дүйнгэ, чуьтам андурмиш сохумгэ э угъо, ки ме гъисдуым одоми эну эрхэ, комики гыч ебош нисе дануьсде э гъирогъ поисде эз коргъой жэгІмиети. Гъечи дануьсденуым угъо мере дуз ниварасуыт гуфдире».

Омбаре одомигъо уре шинохдегоргъо ве хьювиргъой кори эну гуфдиренуыт эзу: «Лап хубе хосиети хосиет ишму! Гъемише гъечув гирит хувьшдере!» И гоффьоре эзу гуфдири Ватан, бульянде гъимет доре жоффьой энуре. И гоффьоре гуфдиренуыт эзу зигъисдегоргъой Махачкала, вихдетгъо уре гүүзетлье гражданин шегъер ишу. И гоффьоре эзу эдете гуфдиренуыт пенж гЭилгъой энуш. Белки э гоффевоз нэгІ, э ишу сохденуытгъо коргъоревоз, чуьники хосиетгъой энугъо лап ухшешинуыт э хосиетгъой бебешу.

1984-муын сал.



Яков Эахаров

ЖУЬРГІЭТЛУҮЕ СОЛДАТ, СИНОГЪЛУҮЕ ПЕДАГОГ

Келе довгІой Ватани овурди эриму бесгъунире, бирмунди неки игиди ве мердьети хэлгъ советире, гъувот вилем имуре ве лешгер энуре, у гъемчун бирмунди зурбое руыхъ эн азаде одомигъой советимуре. Оммо те э и бесгъу ни эри расире омборе кукгъой хэлгъ иму хун ишуре тигъи соҳдет, жун ишуре дорет э довгІо э гъэршүй вэхъшие талавурчигъой фашисти. Омборе шегъергъо, дигъгъоймуре хэребе, бербод соҳдебиругут. Ченгъэдер дедегъо чумерэхъ эз довгІо невогошде кукгъошу мундет, ченгъэдер зенгъо—бие, гІэилгъо—етим мундет. И бедигъо, хэребеигъо, заралигъо ве ярагъоре овурдебиругут эриму гъупермишчигъой фашисти.

И келе довгІоре иму межбур бирим эри бердө э хунризе гъушунгъой фашистиревоз, хунегъо, мескенгъо, Ватан имуре эри гъэлхэнд дошдө. Э и довгІо сүйфдеи ватанхогъие гъэрхунди эн гъер одоми совети бу: ерэгъэ э дес гирде рафде эри женг соҳде э гъэршүй дуышмэнгъой Ватан э жун хуьшде гъимиш несохде.

И гІуъзетлууе гъэрхундире те гъувот ю гъис-

дигьо эжиге овурди Яков Захарович Захаровиши...

Зенде омэрээ э омбарегІэиллууль кифлет, э комики эз ю бэгъэй эденбирүйт келе бире чор бироргъо ве чор хэгьеरгъойгеш, Яков вено-рени омбаре хъэрекетигьо эри э хубе бараси-гъоревоз хунде верасде миёнее школаре. У школаре верасденге, дерафдени эри хунде э Педагогический институт э шегъер Ленинград, чуынки эз кор учители, тербие дореи гІэилгъо-ре уре омбор хъээз оморенбу. Э барасиревоз хунде верасденге институте у вогошдени э ше-гъер гІэили хувьшде—э Дербенд. Данани ве божорени энуре дире, жовоне сенигІэткоре норенуыт директор эн увэхди лап көлө школай эн шегъер.

Екем эш кола кор сохде бэгъдо, э мэгь октябрь 1940-муын сал у рафдени эри гъуллугъ сохде э жергэгьой Армией Совети. Эз е салиге Яков Захарович миёсде вогошде э хуне, э жиге кор хувьшде. Увэхди у гъуллугъ сохдембү э серхъэдгьой Западни Украина, э Северни Буковина, э куындингьой шегъер Черновицы. Тэ э хуне вогошдэй эну энжэгь дуль мэгьле мундебү. Иллогъки э песини вэхдгьо омба-риш э хов эну оморенбу ю те Армия кор сох-денбүгъо школа, гІэилгъо, сигъде шегъер ю. Уре имид бу, ниет бу эри веноре гьеме хъэрекети хувьшдере ю рэхъбери сохугъо школа пушлуулье школа бу гуфдире, хубе нишон эри де школагьойгэ. «Ниетгъо, ниетгъо, ниетгъой жовони...» Э и ниетгъой эну мешет бисдо сер-гирде омогьо довгІо.

...Эри рядовой 60-муын горно-стрелкови дивизией эн дувваздэгьимуын армия Яков Захаров довгІо сер гирд гье эз сувфдеи рузевоз

—22-мунь июнь 1941-мунь сал сэгІэт чорним себэхьмунде э хъерой тревогай гъовхиревоз —гъемин гье у вэхд, гье у дэгъдэгъэ, кейки гъушунгъой фашисти серхъэдгъоймуре гирошдебируйтгъо вэгІдо. У себэхь сувфдеи гъэрхунди энугъо бу: кумеки дореи э серхъэде гъуллугъ сохденбируйтгъо солдатгъойму.

Э ёр овурде сувфдеи руз довгІоре э серхъэдгъой Западни Украина, полковник пограничникъо Хрусталёв э статьяй хувьше «Серхъэд хъулькумети» э киниг «Э гъовхо эри Картагъо» нувьусди: «...Овхьолет эдембу гурунд бире. Эз сер те пой ерэгъленмиш бугъо душмен, гъувотгъой комики ченгъэдериш зиёд би-рут эз гъувотгъойму, эдембу эз гъеме тараф ведабурра имуре... Умогъой кумек бисдоруыт э иму э вэхд ю оморуытгъо подразделенигъой эн шасдимуын горно-стрелковый дивизия. Угъо нехэбереки зеруыт э фланг душмен, бурри-рут рэхъ энуре ве негъишдуут уре эри пушо-во рафде. Э кумеки дуль-екиревоз пограничникъойму ве стрелкови подразделенигъо томом нисд сохдуут енебуге э есири вегирдуут серхъэдгъоймуре гирошдебируйтгъо фашистгъоре».

Э и гъовхо бэхш вегирдебу гъемчун Яков Захаровичиш. У бу сувфдеи женг э сувфдеи руз довгІо.

Угъо гъеле нисе дануысденбируыт чуьжире бедигъоре миёруге и хунлууе довгІо, чуьжире мибошутге масштабгъой эну, ченгъэдер ду-раз микешууге и довгІо. Четинигъо гъеле э пушо дебируыт.

У бу энжэгъ сувфдеи руз довгІо.

Гъеле э хуней екиш неоморебируыт «похоронкегъо» — хэбер эз товун э довгІо пуч би-

реи, гъеле нелерзиреби руыт диворгъой гъэлэй гъэдимие Дербенд эз шивен ве гирьёй чуьмерэхъ би руытгъо дедегъо, сес домо вокурдеи комигъоки шиновусде оморембу э гъер куче, э гъер мэхъэле.

Гъеле энжэгъ эз е салнимиге бэгъдо э верфлуье, шэхтелуье зимисдуй 1943-муын сал омори беде хэбер э хуней Захаровгъо, мэгІлум сохдебугъо, ки э келе женггьюй довглои эри Новороссийск нори жун хувшдере СэгІэдиё Захаров. Э когъоз гене нувуульсде оморебу, ки хьовиргъой гъовхон эн СэгІэдиё Захаров э гүүзетевоз гъовре сохдет гуфдире уре э у хори, эри комики у тигъи сохди хун хувшдере.

Эжеиге, лап дур эз гээзизе шегъер хувшдэгъовхо берде э гъэршуй хунхуре хунхуре душмен гъемчун дуымуын бирор эн Яков Захарович — Гэвэдий...

Гъеле довгло томом э пушо дебу. Лап гужлуве хунлуве би руыт сүйфден рузгъой довгло. Э у мескен, эжеки гъуллугъ сохденбу шасдимуын дивизия, э келе гужевоз буге, душмен дербедогъун сохде оморебу. Келе игидире бирмундебу э и женггьюй подразделений эн Яков Захаровичиш. Захарове гье э сүйфден рузгъой довгло доре оморебу званий жигегир политрук.

Десдэй стрелокгъо эз пенж одоми, э гээрэй комигъоки дебу Яков Захаров, э куынди е сэгІэт поисдебу э гъэлхэнди мескен ишу э гъэршуй томом эз согъэ ротай фашисти. Угъо неки э гъэд эни вэхд тоб дорет э гынорменди-ревоз э зир гужлуье, воруше хуно оморенгъо э сер энугъо гэтош эн фашистгъо, оммо тээришу кумек оморе дануульсдүйт нисд сохде гъемей ротай душмене. «Расди, позициягъриму

хубте бируть эз позициягъой душмен,— э ёр овурде у женге, мугу Яков Захарович.— Иму э далдай догъгъо бирим, оммо душмен э очу-гъэ мейдузи бу».

У вэхд э товун игиди пенж солдатгъойму ве угъо вегирдетгъо трофейгъо омбар гуфдире ве нувуусде оморебу. Э еки эз сувфден статьягъой довглои, комики дефус зере оморебу э гозит «Комсомольская правда», нувуусде оморебу э товун эни женг. Гьемчун э гүузет игиди эни пенж солдатгъо э дивизия ве корпус гировунде оморебирут митинггъо. Хуб мунди э ёр Яков Захарович у вэхд, кейки угъоре пенж кукгъой Кавказире, сирот зеребу эз Масков оморебугъо корреспондент. Бэгъдовой ченд салгъо у сирот офт оморе, дефус зере оморени э киниг, ихдилот сохденигъо э товун сувфден рузгъой довгло. Гье у вэхд нувуусде оморенуыт «верэгъгъой наградеи» эри доре угъоре орденгъо. Оммо эз сероботи эзунбэгъдийгэ бисдогъо гурунде овхьолет и «верэгъгъоре» чуль бисдоге мэглуюм небисдо.

Сеймуйн август э куындингъой шегъер Каменец-Подольски э еки эз женггъо, комигъоки руз—беруз эдембирут гужлув бире, Яков Захарович гурунд яралув бирени. Уре фуэрсorenуыт э госпиталь э шегъер Харьков.

Э сер шегъер шев э рузевоз эдембирут гешде самолётгъой душмен хэбере сохде уре, пуч сохде одомигъоре, гьемчун яралувгъореш. Энжэгъ инжо тевесер верасирени у ченгъэдер келенгэ гъэгъэр эну ве нехогын эну э кин хунризе бирэхьме талавурчигъо, ченгъэдер гьеле гъувот ве эшгъ герекиге эри женг берде э суруле душменгъоревоз. У бу гъувот эн руьхь эну, эн нечогъэ гъувотсувье одоми, ярагъой

комики шевиш-рузиш гІэре недоре эденбируйт жуыз зере; у бу гъувот руыхъ солдат совети, диригъо э чум хұышдеревоз келс бедигъо ве хәребенгъоре, овурдетгъоре эри Ватан эну вәхъшие фашистгъо.

Эз госпиталь ведироморенге Яков Захаровиче фуърсоренуыт э шегъер Горький э курсы ә кин эн Военно-политически Академией Совети. Эзунжо э мегъ ноябрь 1941-мутьн сал Захарове фуърсоренуыт э Кавказски военни округ э гъуллугъ комиссар батарея э шегъер Гори. Гье и вәхд у норе оморени член эн воени трибунал. Э күнди е сал гъуллугъ сохде бәгъдо инжо э мегъ октябрь 1942-мутьн сал, уре доренуыт званией политрук ве фуърсоренуыт чүн комиссар э еки эз подразделениегъой гъеждегъимутьн армия, комики эдембу гъовхо берде э районгъой Туапсе, Геленжик, э нүйкерей Пышы.

Инжо гІэре недоре эдембируйт гирошде гүрунде женгъо, комигъоки нисе дорембируйт душмере минкини эри рафде пушово. Яков Захарович бәхш вегирде э гъемей эни женгъо. У рафдени э разведқагъо, дебирени э пушои жергегъо э атакагъо. Хуб мунди э ёр эну е шев, кейки угъо эри дануысде военни овхъолет душмере, вегирдебируйт э есири немецки офицер-лётчике.

Эри гъовхо э жергей гъеждегъимутьн армия Яков Захарове доре оморени орден Гъирми-

зйне астара. Оммо э эхир 1942-муын сал Яков Захарович гене гурунд яралув бирени. Уре дегердунденуут э госпиталь э Сочи. Э у кумеки нисе сохде ченд операциегьо, унегууре духдиргъо межбур биренуут пой энуре эри бурра эз сугъразани зеверте. Э дуль Яков Захарович келе гъэгър, келе гъэзоб дебу эри душмен, эри женг берде э уревоз те песини гъувот, те песини нефес хувьшде, оммо э е пои эри женг берде минкин небу.

Яков Захарович епои вогошдени э шегъер хувьшде. Увэхди лап четин ве гурунд бу гъемчун э тылиш. Эри хурде небу бегъеме нун, эри вокурде бегъеме партал, эри форигъэти вэгирде—минкини, эри хэндудьсде—дуль, эри гириске — гээрс. Неденишире э келе четинигьо, жогъиле директор гъеме хъэрекети ве гъувот хувьшдере венорембу эри кор хундei ве тербие дореи гээлгъой школаре э жиге овурде, пушово берде. Эз 1943 тe 1948-муын салгъо у рэхъбери сохдени екимуын школай шегъере. Омбаре фикир ве кумеки доре у гээлгъой эн э солдати бирсгоргъоре эри сер-тен энугъоре вокурде, екем знёдте хурек эри доре угъоре. Неденишире э увэхдине четинигьо, Яков Захарович гуьрд сохдени сувфдеи интернат догълувьгьореш.

У четине вэхдгъо гирошдет. Старший лейтенант Яков Захаров, комики э гъер жиге бир-

мунди хульшдере чуын боворинлууье солдат эн Ватан, э дуърусьдиревоз жофо кешири э де коргъойгеш. Е ченд салгъо у бири рэхъбер отдел пропаганден эн шегъерие комитет партии. Эзунбэгъдоиге, бисд салгъо зиёдте, у рэхъбери сохи яздегъимуун миёнее школаре. Э гъэд эни салгъо у рэхъбери сохдигъо школа гъемише бири пушолууье ве нишонлууье школа.

Измуш э верзуьшлуюе форигъэти ведарафде бэгъдош коммунист, фронтовик, педагог Яков Захарович эдее жофо кешире чуын тербиедорегор ве лектор эн жэгІмиет «Данани». Статьегъой эну, дофус зере оморенууьтгъо э шегъерие гозит, э келе хъэвеслүүревоз хунде оморенууьт.

Верзириение эрклууы эдее сохде Яков Захарович эз пушотеине ученикгъой хульшде. Изму э гІэрей энууьтгъо деруут ведилууье корсохгъой шегъер, районгъо ве столицай республикейму, гъемчун зигъисденууьтгъо ве кор сохденууьтгъо э де шегъергъойгей вилеет иму. Э жергей энууьтгъо деруут жуыр-бежуыр одомигъо—эз фэхълө тө вице-адмирал.

Верзуьшлуюе учитил школей ДАССР Яков Захарович боворинлууни: э коми жигей улкей вилеет иму кор сохденууьтгеш пушотеине ученикгъой эну, чујжире кор-сенигІэт сохденууьтгеш угъо—э гъер жиге э дуърусьдиревоз бэгъем сохденууьт гъэрхундигъошуре э пу-

шой Ватан, гъечувь, чуьтам угъоре тербие до-
ре, хундиге тербиедорегор ишу: дуърусьде ком-
мунист, жургIэтлувье солдат, синогълувье пе-
дагог ве расде-дузгуне одоми Яков Захаро-
вич Захаров.

1982-муын сал.



Семён Садыков

ЗИНДЕЕ ЧЕШМЕ

Эжергей эну одомигьой хэлгъ иму, коми-
гъоки гъер вэхд хъозуурьт эри веноре гъеме
гъувотгъой эгъулье, дананире, эшгъ дулье эри
гировунде э зиндегуни партие э пушой ком-
мунистгъо ве гъемей хэлгъ совети норенигъо
везифегъоре, дери омбар тэвзулье, хъэёльулье,
гЭйбкеше ве жохо дусде одоми, коммунист
Семён Исакович Садыков. Ме шинохденум
уре э куынди дэгь салгъо: бирэм э хунешу, э
жиге кор ю, гешдем э юревоз э кучегъо ве
богъчегъой Дербенд — шегъер гЭилию, ватан
ю. Ве гъемей эни салгъо у гье ежирие:
гЭсультмэнд ве хъэёмэнд, гоф сохдени еваш,
сесе келе несохде, гуш дошдени э тигъэтлуу-
ревоз, гъич гоф одомире не бурра, э уревоз
рази небисдогеш, те эхир гоф энуре гуш дош-
де. Энжэгъ у э гоф сохдегоргъоревоз рази гъис-
диге — лове э хэнде веберде, сере гъуз гир-
дени, жумундени, рази небисдоге — дениши-
рени дуз э чумгъю, э тигъэтлууиревоз гуш
дошде, гүйге, эдее хъэрекет сохде эй вераси-
ре, чув гирошдеге э дуыл эну гофсохдегор. Пес-
де тиж денишире э у одоми э екем гъирмизи
гъисдүйтгъо палаше чумгъой хувшдеревоз очугъ

гүфдирени э товун бирази биреи хувьшде эз гоффгой эну одоми ве андурмиш сохдени мэгІ-ной бирази биреи хувьшдере...

Имисал Семён Исакович мибу пенжогъ хъэшд сале, оммо у гьевелинere хуно жовон ве жонлууни. Дуз чуль сали у эдее жофо кешире э депой вагони Дербенд. Оммо рэхъ жофон хувьшдере у сер гирди эзуш зуте, э гурунде салгъой Келе довгІой Ватани. Э 1942-муын сал, чордегъ сале гъисди, сер гирд у эри жофо кешире э богъгъой колхоз, изму чарунде оморигъ э совхоз «Рэхъ экин комунизм». Увэхди омбаре жовоне кукгъо ве духдергъо жофо кеширенбирут э и пушолууе хозяйство эеки э келе зенгъо ве мердгъоревоз, доре бэхш жофой хувьшдере эри куынд овурде шоре руз зинdegуни хэлгъ советире — Руз Бесгъунире. Жовоне кукгъо ве духдергъо, гъеле бегъеме гъувот э десгъошу неоморе, эз себэхъ те шохъонгум кор мисохдудт инжо эжигей э довгІо бирутгъо келете бироргъо ве бебегъошу. Гъер гІэил увэхдине хуб верасиренбу, ки ченгъэдер омбар жофо кешиге ю —унгъдер асант мибу эри бебей ю енебуге бирор ю унжо, э довгІо. Унегууре угъо жофо кеширенбирут хувьшдере гъимиш не сохде.

Э ижире овхьолет сер гирди эри рафде рэхъ жофоире Семён Садыков. У гурунде салгъо гъич фирмуш нiboшут, угъо эри гъемишельчи мундет э ёр эну.

ДовгІо верасденге у эеки э дусд хувьшдеревоз Юшваев Писэхъ Шамаяевичевоз, э коми-ревозки гъеймогъоиш у дусди гировундени, чульки омбар хоснетлууни эри Семён Исакович, дерафденут эри жофо кешире э депо, комики гъемише, иллогъки э вэхд довгІо ве

эз довгIобэгъдоине салгъо бирн гурунде ве эшгълувье мескен кори. Вихди у эрию сенигIэт хэретчиire, увэхди э депо лап герек бугъо сенигIэте ве ебош дегиш не соходи уре, чуьтам дегиш несохдиге жиге кор хувшдере ве куьгъне хьовиргъо-дусдгъоре, чуьки гъемчун эри эну лап хосиетлувни, чуын хосиет мердуне—ихь-диворлув ведиромореи э гъер гоф хувшде ве гъер коре те эхир соходеи. Ебо ветеран ве пушлуве корсох депо, Писэхь Шамаяевич мугу:

— Ме Семёне шинохденуым эз 1938-муын салевоз, эз ГЭилиревоз. Экуйнди чуыл салгъо эеки эдее э депо жофо кеширеним, эжеки дивормойм гъеле лап жовон гъисдики, оммо э ёрме нисд гъич е гъозиеш, кейки Семён э гоф хувшде расд неведиров. Гуфдиретге э иму: шев гереки эри кор сохде — шев те себэхь кор сохдэйм, гуфдиретге руз гереки — те шев бире жофо кеширейм. Э иму тапшуврмиш сохде коре бегъем несохдэи, эз кор гъирогъ поисдэи — ижире фикиргъо э хъэёл иму гъич недебирет.

Ижире хосиет Семён Исаковиче лап хуб данувьсденуут рэхъбергъой корхонеш, комигъоки гъемише, имиди бире э у, тапшуврмиш сохденбираут ве сохденуут четине ве жугъобдорлуве коргъой жэгIимиетире. Эз 1954-муын салте 1960-муын сал у бирени сервер организацией комсомоли депо, э жергей комигъоки дебираут сад зиёдте жовонгъо. Гъемин увэхд сер гирде оморебу гүнжунде сувфдеи комплексни бригадгъоре. Тозе нешинохе кор бу. Э сервер организацией комсомоли тапшуврмиш сохдебираут эри гүнжунде сувфдеи ижире бригадаре эз комсомолгъо ве жовонгъой депо. «Дузире гуфдиге,— биспенж салгъо ги-

рошде бэгъдо эденбу ихдилот сохде Семён Исакович,— организацийму еки эз пушолуье организацией комсомоли бугеш, оммо омбаргьоре нисе воисденбу гирошде э тозе тэгъер жохо кеширеи. Корсохгъойму гъечи данусленбируйт, ки эри хубе корсох, соки, эз э тозе тэгъер жохо кеширеи е хэйриш нибу гуфдире, чуюнки угъо миёсдүйт де членгъойгей бригадаре неки э сенигІэт хувьшде хуте сохде, гъемчун вомухде э угъо синогъи кори хувьшдереш. Оммо угъо гъечи хыисоб сохденбируйт, ки ишу э негъогъ пуч мисохут гуфдире вэхдэ».

— Меселен, е пушолуье токарь иму,— эдембу э ёр овурде Семён Исакович,— гъич рази нисе биренбу эри э комплексни бригада гирошде. У фикир сохденбу, ки ю хубе сенигІэткори гуфдире, сенигІэт юш герекие сенигІэтти ве эрию кор гъемише офф миёв гуфдире. Вондениге слесаре енебуге хэрекчире э сенигІэтме хуте бире — бошутгу, энжэгъ эз хувьшде, э вэхдме зарали незере, мере вэгІдо нисди э уревоз «вози» сохде.

Ебо бирени ижире гъозие. Э сероботи хэретчигъо дуль-се рузгъо е ченд корохгъо мунденднуут песо, э у гІэрэ и корсохиш. Гъемееки сер гирденднуут эри э хэретчигъо кумеки сохде, кор зуте пушово бурав гуфдире ве у корсохиш эз угъониге кемте тэгІди нисе сохденбу эри пушово берде, чуюнки, коргъой гуфдиренигъо, э куыф энуш зарали расиренбу, оммо эзу е кумекиш небу, чуюнки у хэретчиире нисе данусленбу. У энжэгъ эз кумеки сохде недануслеи хувьшде эдембу гъэгър кешире. «Имотгъой верасири хэйр комплексни бригадаре,—э сүплэ хэндеревоз пуырсируым увэхди ме эзу.

У мере жугъоб недо, чаруьсд ведарафд. Ве эз дуль-се рузиге бэгъдо эрзо до юре э бригада гъобул сохут гуфдире. Ижире асант небугъо кор бу увэхди комплексни бригадаре гуңжундеи», — мугу э эхир гоф хувьшде Семён Исакович.

Э депо сувьфдеи бригадаре, сер гирдебугъоре эри жофо кешире э комплексни тегъэрревоз, гуьрд сохдебу секретарь организацией комсомоли Семён Исакович Садыков. Членгъой бригадай эну сер гирдуыт эри хуте бире сенигІэт дуль-екире. Хувьшдени бригадириш хуте биребу е ченд тозе сенигІэтгъоре: токарире, слесарире, ранг зеренире. Гье э увэхди диеш гужлув сохде данани хэретчиире, хуте сохденбу э сенигІэт ве синогъи кори хувьшде хьювиргъой кори хувьшдере. Увэхди э товун пуштулье синогъи кори бригадей Садыков нувьсде оморебу келе статья э брошюра «Блокнот эн агитатор» — орган орден Ленинлье Северо-Кавказски рэхь гьевуни, дефус зере оморенигъо э Ростов. «Статья ведироморенге, — э ёр овурде, эденбу ихдилот сохде Семён Исакович, — хувьшдени рэхъбер корхоне омбаракбу сохдебу мере. Экуйнди си салгъо гирошдет эзумогъоевоз, омбаре обмарекбугъо шиновусдем ве наградегъо вегирдем, оммо у дуль-се гоф эну эз ёр фирмуш нисе биренуыт: у омо э жиге корме, хэйли вэхд поисд гъич гоф не-сохде; томошё сохд кор мере. Песде куынд омо, дес мере гирде, омбарекбу сохд: «Хундем э товун бригадай түй. Түй верзириени э унжо веруытгъо тэгІрифигъо».

Эзи се сал пушо мере, чуюн корреспондент радиовещаний зугъун тати, редактор фурсоребу э Дербенд эри нувьсде очерке э товун

Сомён Исакович, чүн э товун еки ээ лап эшгъльуе э штат недерие корреспондентгьойму. Семён Садыкове ме шинохдебирум пушотеш ве эжиге кор эну оморенге, ме шинох бисдорум э омбаре хьовиргьой кори ве дусдгьой энуревоз, шинновусдум чуль гуфдиренуытгэ э товун эну рэхъберчигьой корхоне. Э ёрмени э гээрэйму гирошд ижире сувьбет:

— Семён Исакович, ченд сали ишму гироунденитгьо кор пропагандистире?

— Дузире гуфдире, э и пурсуыш жугъоб доре бегьем нидануым, оммо дануысденуым, ки хьэшд салгъо зиёдти гуфдире ме нувьульсденуымгьо э гозитгьо ве радио статьяго, зарисовкегьо ведиеш. Войгей ихдилот сохдеи э товун хьовиргьой кориме э дульме дироморени эзү товуне, ки мере воисденбу хундегоргьо ве радиогушдошдегоргьо дануыт гуфдире чульжире одомигьо жохо кеширенуытгэ э корхонейму, чуьтам угъю кор сохденуытгэ э е коллектив, чульжире фикиргьоютгэ угъоре. Эзуш бэгъэй мере воисденбу у одомигьо, э товун комигьоки ме ихдилот сохденуым, шори сохут, эрклүү бошут эз барасигьошу, э дуль энугъю зенде биёв тозе эшгълүүи жофои.

Э и тараф гуфдире воисдени, ки Семён Исакович расири гуфдире э метлеб хульше. Э еки эз очеркгьой эну ме хундебирум э тоеун Писэхь Юшваев. Эз дуль салиге ме уре дирирум э депо.

— Семён и ченд салгъои эдее нувьульсде э товунейму,— мугу Писэхь Шамаяевич.— Э хьэрекети ве кумеки энуревоз омбаре корсохгьо пушово рафдет. Имуре воисдени э товун энүүгъерки бисдо ихдилот соху гуфдире, хубе хо-

систгъой энуре бигыл дануыт де одомигъой-геш.

Измуи очерке нульвусдеки, гоффъой дусд ве хъовир кори Семён Исакович э ёр оморенге, воисдени зарифаткимси гуфдире эзу: «Хъуърметлуве Писэхь Шамаяевич, метлеб ишму бегъем бири». Оммо зарифетсуъзиш гуфдире воисдени, ки ме э депо эз киш пурсыремге э товун Семён Садыков гуфдирет хубе дульхогъие гоффъоре. Меселен, усдой мескен ремонти Израилов Ирмия Исаевич, дануыденге, ки мере воисдени э товун Садыков очерк нульвусде, ю хульдению омо экин ме ве пурси гэмел миёвгс е-дүй гофф гую э товун хъовир кори хульде ве гъуншию. Ини чуь гуфди ге Ирмия Исаевич, е ченд гиле депутат шегье-рие Совет депутаттъой хэлгъи вихде оморигъо ве еки эз пушолууе корсохъой депо гындиго:

— Семён Исаковиче ме шинохденуым паздэгъ салгъо, иму гъуншигъоим ве э е жиге кор сохднеим. У омбаре вэхдгъо руй бире э кин ме, пурсыренi э товун таттойму эй ихдилот сохде э товун энугъо э гозитгъо енебуге радио. Уре шинохденуут гъеме коллективъой рэхь гъовуни Дербенд, чуынки у омбаре салгъо эдее нульвусде статьягъо э товун бараси-гъой эни коллективъо. Корсохъойму гъеме хъуърмет гирденуут уре, чуынки дануыденуут, ки у дультемизе ве эри кор дульсухуни сохденигъо одомини, ветеран жофои, несигээтчи жовонгъои...

Ижире тэглифие гоффъоре шиновусденге э товун Семён Садыков, ме фикир сохдум, ки ижире одомигъо, чуын Садыков, гындуут гуфдирие зиндее чешмегъо, доренуутгъо имуре гъувот ве эшгълууи. Ижире одомигъо гъемише

хъозурут эри кумеки сохде ве гъувот доре, гъемише деруфт э пушон жергегьой гъовхобергъо эй гъер дузе кор, лап гурундиш бисдоге. Ижире одомигьоре гъемише гъисди эшгълувье позицией зиндегуни ве угъо рафденуытгъо рэхъ э жэгІмиет иму гъемише овурдени угъоре э кин хъурметлуыи ве гъузетлуыи. Э негъогъ нисдики сирот Семён Садыков и ченд салгъо, гІэрे недоре, веригъо гъеебо э дуль диворгъой гъузети депо: чуын ветеран жофо ве несигІэтчи жовонгъо ве чуын пушолувье корсох ве хубе сенигІэткор.

Эз шинох биреиревоз дусдгъо ве хъовиргъой кори э Семён Исаковичевоз, угъо дирет, ки у гъемише бэхш вегирди гуфдире э жуырбежууре коргъой жэгІмиети. У бири член комитет профсоюз, член бюорой партии, е ченд салгъо бири жигегир секретарь организацией партии депо, кейки э уревоз куынде жире шинехох бири секретарь организацией партии.

— Эз гъеме пушоте гереки гуфдире э товун одомихогьи эну,— мугу парторг.— У лап келе дисциплинированни одомини. Инуыт дуль бинелувье хосиетгъой эну. Чуьреш э у таپшуурмийш сохдиге, мидани олхогын бире, ки у уре ёгъин бегъем мисоху гуфдире. Чуьтам гуфдиренуытгэ, э ижире одомигьоревоз гІэмел миёв «эри э разведка рафде». Э товун Семён Исаковиче омбаре наградагьо биреи, эриме оморенигъо, ишму дануысденит. Гъеймогъой у гъисди сернуыш комитет профсоюзи, редактор гозит дивори корхонейму, член бюорой партии.

— Раиса Дмитриевна, ебо ишму гуфдиребирит, ки у дузихогье одомини гуфдире. Чуьтам оморейт ишму э кин ижире нетиже?

— Чуьтам оморем? У бедхъибсобире виниге

гъич э гъирогъ нипою, у коре гъэйгъусузы нигъилув. У, е хувьшдению мигешдуу чорегъой у кемсуыгирие нисд сохденре, енебуге миёв э партком ихдилот мисоху э товун ю дульлесо биренигъо пурсыушгъо. Эхирки у мигердүү биней эну беджысшибире енебуге кемсуыгирие ве е хувьшдению кумеки мисоху эри уре нисд сохде, енебуге руй мибу э кин рэхъбергъой корхоне эри офде чорей эну коре. Уре ужирие хувьрмети, ки меслехъэтигъой эну гъич гъэйгъусузы нисе мунденуыт. Э кин эну омбаргъо руй биренуыт чуюн э кин сернуыш суд хьевирьети ве де гуфдире оморуытгъо гъэрхундигъойгей жэгІмиети, нештатни корреспондент шегъерие гозит ве гъемчун гозитгъо «Дагестанская правда» ве «Астара» — орган Северо-Кавказски рэхъ гъовуни. Ме хувьшденимеш омбаре вэхдгъо руй биренуыт э кин эну.

Э пушой чумгъой Семён Исакович гирошдет биографиегъой фэхълеи омбаре корсохгъой депо, комигъореки изму инжо бисд-си салине стаж фэхълеини. У бири сүфдеи несигІэтчи омбаргъой энугъо. Меселен, ижирие мэгІлуум-лууье корсохгъой депо, чуюн Илья Алхазов, Равоши Юшваев, Абдулгани Абдулкадыров ве чендигъойгеш гъевел бирет шегуьрдгъой эну. Эзу товунеи у хуб шинохденигъо угъоре ве очеркгъо ве зарисовкегъой энуре буьлувинде гъимет доренуытгъо. У е ченд бо вегирди сүфдеи жигегъоре э конкурсгъой «Астара» ве «ГІэлем коммунизма».

— Эриме оморенигъо, ишму гъеме корсохгъой депоре шинохденит? — пурсируым ме егиле эз Семён Исакович.

— Эри, экүйнди гъемере, — э тэгниимиревоз жугъоб до у, — неки ишуре, хунгэшшуреш,

кифлэтгьюшуреш, гЭилгьюшурсш... Э коллектив иму одомигбай ченд жире миллетгьо кор сохденуть, гьемей энугьо эеки дусдгьо, бироргьоют. Дузире гуюм: ме вердиш бирэм э и' коллектив ве эзу е вэхдиш жиро бире ниданум. Угъосувз ме э отпуск гысдикиш дорихмиши кеширенум.

Ижире гофгьоре шиновусде мибу энжэгъ эз дульчугъэ ве дультемизе одоми, чуьжире гысдиге Семён Исакович Садыков. И очерке верасденге, гыч невоисде э дульме хъесувл оморуйт и чор ризгьой шогьири:

Чешмегъо, чешмегъо, зиндее чешмегъо,
Ченгъэдерит ишму э Ватан гЭэзи!
Бигъил гьемишельуыг темизи ишмугъо
Бу нишон эн дусди, бирори ве дузи!

1985-муын сал.

* * *

Эзи се сал пушоте хульг бисдо чешмей зинdegуни Семён Исакович. У бивэхд рафди эзи товушлууе гҮльом. Иму гьеме, ки хуб шинохдебиримге уре, вир сохдейм ихдигорлууе одоми ве боворинлууе дусде. Тор бири астарай эни темизе, поке одоми. Тор бири екем товуши зинdegунимуш — эн гьеме гьеле зинде мундетгьо. Мибуши тор бире асму эгэ эз е миллион астараагьо еки нисд бисдоге. Эри, тор бирени. Дуз э гъэдер товуш эн е астара. Бегем тор нисе бире товуши эн хуне, кейки эз е ченд гъэдер лампичкегьо еки нисе дегесире. Гьелбет, тор бирени, дуз э гъэдер эну товуш, комиреки доребу е у лампичке. Оммо эдете сухденуть де лампичкегьо, товуш доре хунере ве иму кими вэгІдо сеч нисе сохденим, ки эз


г҃эрэй энугьо еки дие нисе дегесире. Еки дие нисе дегесире...

Эз г҃эрэй е миллион астарагьо еки офдори. Еки офдори...

Эз г҃эрэй омбаре чешмэгьо гъуль зеренүтгьо эз зир хори, шор сохде дулье, хуурд сохде тешнейре, овурде серинире—еки хувьшгь бири. Еки хувьшгь бири... Чуй келе дерд, келе хъэйфи!

Хъэйфи гъер астара э асму кем биреи,
Хъэйфи гъер чешме э хори хувьшгь биреи,
Хъэйфи е дуьрусьд ве пок эз киму рафдеи,
Хъэйфи, гъувотсузыим эй дес ульуме гирден!

1990-муын сал.



Анатолий Ягудаев

ГІЭЗИЗЕ ЧИГЪРЕТГЬО

Лап хуб мунди э ёрме пенжимуын зональни выставка «Юг Совети—79», гирошдебугъо э тозе выставочни павильон столицей республике. Гъоймогъоиш э пушой чумгъоймени скульптурей Анатолий Михайлович Ягудаев «Автопортрет э кукевоз». Сенгъ эдее ихдилот сохде э товун мульбет бебе экин хъофд-хъэшд сале кук, э товун фикиргъо-хэёлгъой энугъо. Угъо нувьшдет э богъче эдете форигъэти вегирденуть. Темизе серине эвир шохъонгум гъеминони эдее хушлув сохде гъовой энугъоре. Екиш гоф нисе сохде, оммо ведини, ки дульгъошу олхогъини, дуль эз еки разинуть угъо. Иллогъки хуб бирмунде омори фикирлуви бебе. Гъэйгъуй чуыре кешире у, э товун чуныт фикиргъой эну? Эн сүйфде э товун кук ю, биёвгъой эну. Чуьжире мибу биёвгъой овлод ю. Оммо гъе э у вэхд олхогъини веригъо э сифет бебе эдее гуфдире, ки коми рэхъэш вихдге кук ю, у мибу рэхъ дузи, рэхъ жофе ве гъузыт, комики миёру уре э кин бэхдлуюе зиндегуни.

Кукеш ниетгъой юни, у эдее э товун энугъо фикир сохде. Угъо гъисдуть ниетгъо, коми-

гъоки энжэгъ у э мэгІлуьми. Оммо ведини, ки дуyl энуш олхогынни. У олхогынни эзу товне, ки лап хубе шолумие шохьонгуми гуфдире енебуге эзу товне, ки у нувьшди э ён бебей хувьшде — келе ве гъувотлуве одоми, комики белки омбаре коргьоре винири э гIульом ве дануьсдени гъеме тарафгъой зиндегунире ве эзу товней гъувотлуве эшгълуве десгъой эну сенгъэш зинде сохденуьтгъо ве гишиденуьтгъо гоф сохде.

Гье э и выставка бирмунде оморебу е скульцтурейгей Анатолий Михайлович — «Революционергъо Тахо-Годи ве Коркмасов». Дуль мэгІлуьмлуве гъовхобергъо эри бине норе хувькумет Советире э Догъисту э вэхд эеки меслэхъэт сохденшу. Угъо дениширет пушово ве ведини, ки меслэхъэти энугъош э товун биёвгъо рузгъон Евош-евош эдее гирошде меслэхъэти энугъо. Угъо эдете гоф сохденуьт чүн одомигъо, комигъореки гъисди келе синогъи зиндегуни, комигъоки хуте бирет гоф хувьшдере эри э негъогъи пуч несохде, э сабурлуьиревоз пеймунде гъер гофе, иллогъки увэхди, кейки угъо эдете сувгъбет сохденуьт э товун биёвгъо зиндегуни хэлгъ хувьшде.

Мере эз зуревоз воисдембу шинох бире э Анатолий Ягудаевевоз ве творчествой энуревоз. Оммо шинох бисдорим иму энжэгъ гуфдире омогьоре хуно выставка гирошде бэгъдо.

Э пушой дер мастерской поисдебу е лэгъэрэ, саре, рушверие мерд. Э хори мастерской бу е дуьруйже, бегъем не верасде скульптура, э сер комики дегирде оморебу куьгъне парче. Веди бу, ки у гъеле бегъем небире кор бу гуфдире. Э рафгъо ве догълегъо норе омореби-

рут келе ве чульке скульптурагьо, сохде омортгъо эз жуър-бежуъре молгъо. Эз тукуненгъо э тенге шишехоне верафденге, ме дирирум чульке тэхдлере ве э зевер эну э раф вебирультгъо киниггьоре. Гье э инжо э дивор веруут сиротгъой Эрнест Хемингуей нен Марина Цветаева. Э дэхуыл стол деруут киниггьой энугъо. Эзи нувуусденигъой энугъо хъэз оморе Анатолий Михайловиче.

Скульптурагьоре томоше сохденге, ме дануусдум, ки эри угъоре гүнжунде эз талант бэгъэй келе гъувотиш гереки гуфдире ве гье у туъем дениширум э десгъой Анатолий Михайлович. Гъувотлууе, дурууьждэ энгушдгъой эну ве сенгъэ хуно гысдуутгъо кефгъой десгъой эну гуфдируйт, ки и одоми кор сохдени гуфдире э гурунде молевоз ве гъемчун кор сохдени гээрэ недоре. Иллогъки дурууьжд би-рут келен энгушдгъо. Анатолий Михайлович виниренге, ме эдее десгъой юре томоше сохденум, гоф не сохд ве екем фикир сохде бэгъдо мугу;

— И рузгъо, ме эдее жофо кеширенум э сер скульптурай Эффенди Капиев. Чигьрет эну гээзи эри гъеме Догъистонигъо. Мереш лап хъэз оморе эз киниггьой эну. Эз зуревоз эдее жофо кеширенум э сер эни скульптура, оммо бэгъем сохде нисе дануусденум.— У дениши э лой э зир дебуго скульптура.

— Денишире гэмел миёв?— пульсируум ме-ве зиёд сохдум,— кими творчески одомигъо-ре хъэз нисе оморе бирмунде кор ишуре, тей-те бэгъем неверасуут...

— У дузи,—мугу Анатолий Михайлович,— гысдуут ужире одомигъош. Кими вэгэдо мे-реш нисе воисде тейте коре неверасуум, э кес

бирмунде. Оммо ги, дениш. Гье белки е меслэхъэти ишмуш норит,—зиёд сохде гоф хувшдере, лове э хэнде веберде, гуфди у.

Иму дениширим: скульптура ухшеш зерембу э Эффенди Капиев. Э верасиреймеревоз и скульптура бегъэм сохде оморе бу. Оммо Анатолий Михайлович, гэж онб мундей мере диренге, мугу:

— Ихдилот уни, ки чигърет Эффенди Капиев, чуьтам ме пушоте гуфдирумгэ, лап гээзизи эриме. Белки эзу товней эз десме нисе вероморенигьо эри төвөсөр бирмунде гьееме хосиетгүй энуре, гычиреш эз фикир неведешенде. Гьеймогьой ме генеш эдее киниггүй энуре хунденуым. Кими вэгидээ эриме гьечи оморени — ини чигърет эну э пушой мени гуфдире, оммо сер гирденгэ эри кор сохде уре гүнжундэй эз дес не вероморе, дузов нисе оморе. Е сенгъ гуш нисе гирдэ мере енебуге ме уре нисе верасиренуым. Оммо чигърет гене, булуте хуно, э сер ковре асму эз гуж вор-вори хээл биренигьоре хуно, гышдени рафде эз пушойме. Мигуиге у эдее э меревоз вози сохде... — У поисд песде, десгьоре лов сохде, зиёд сохд, — гьееле неверасдем, не дануьсдеш нисе дануьсденуым кей миверасуумгэ. Белки эз е мегьиге ененгэ эз дуль салигэ...

«Эри,— мугум меш э дульме,— ки дануьсде ве ки мидану пеймунде ченгъэдер вэхд герекиге уре эри произведенияй мэгидрифетирэ гүнжундэ — е дэгдэгтээ енебуге ним сали. Кий дануьсде кей расиреге у бегъер, нум комики гысди «произведение» ве кей уре «чирие» герекиге, егэлмиш не бире, чуьники э и кор егэлмиш биреи э хэто сохдеи ухшеш зере».

...Э пушойме эз буьрунж сохде назуке гъульдуре балай духдери. Буьрунж ю эз хульше гурунде моли. Оммо э и скульптура дениширенге, гурунди буьрунж эз ёр ведарафдени. Духдер зиндере хунои, сифет эну могъбули. Гүйге у э гужевоз эдее чумгиге э ёр овурде, оммо и «чумниге» нисе оморе э ёр эну. Чумгъой ю эдее рэхь кешире. Мигуиге у лап күнде, гээзизе одомире рэхь сохи эри гъемишельги, енебуге чумгъой духдер дениширет э рэхь эну одоми ве невомунде эдете гузет сохденуыт.

Диренге, ки ме чум нисе вегирденуын эзи скульптура, уш дениши э у. Хэйли гоф несохде поисде бэгъдо мугу:

— И скульптура лап гээзизи эриме. Ме нохрем нум энуре «Ленинградка» ве гуңжундем уре э гүзет ленинградигьо, э шегъер комигьоки ме хундем. И скульптура сүйфден дуьруйжде скульптуран, комиреки ме гуңжундем э Махачкала вогошденге. Ленинград лап раге ве шолуме шегъери. Гэймогъой э фикир одомиш нисе оморе, ки кенге э унжо бири гуфдире блокада, гисней, хиники, гээжел, ки хэлгъ эни шегъер лап келе зулум ве гээзиет кешире гуфдире, «Ленинградкаре» ме гуңжундем чуюн ёровурди э гүзет эну хэлгъ, комики эз сер сохи у беде, суруле вэхде.

Ихдилот сохде э товун зиндегуни хульше, у мугу, ки зэнде омори гуфдире э шегъер Махачкала э 1933-муын сал. Салгъой гээили эну гирошдет э гурунде вэхд довгю. Нуьгсалале гъисдики шинох бири у э кор скульптуранревоз э Хуней пионергьо. Эзумбэгъдоиге кор сохи э художественни мастерской, э коминжоки сер гирди рэхь жофонре. Э Армий Совети

тъуллугъ сохде верасде бэгъдо, у дерафди эри хунде э художественни училишай Ленинград. Унжо у вохурди э гъэгъигъэте усдогьой сенигІэт хульшдеревоз. Тербиедорегоргъой эн училище э ветрониревоз дорембираут омбаресаллуе синогъи хульшдере э хундегоргъо. Тербиедорегоргъой училище: верзульшлуе художник РСФСР Владимир Михайлович Судаков, Лев Константинович Валь вомухдет э у гъэгъигъэто мэгІрифете, комики бенди э бульшунде культураревоз. Э салгъой хундэй э училище у жохо кешири ве хуте бири фендгъой сенигІэт хульшдере э мастерской Иgid Жофой Социалисти, лауреат премией Ленини Михаил Константинович Аникушин, комики мэгІлумльуни, неки э вилеет иму, гъемчун эз серхъэдгъой эну эулош. Э рэхъбери энуревоз Анатолий Михайлович бэхш вегирди э кор нореи едигоре эри гоъвхобергъой бине нореи хулькумет Советире э Казахстан.

Сульфдеи выставка, э комики бэхш вегирди Анатолий Ягудаев, гироши э Ростов. Э и выставка бирмунде оморебираут скульптургъой эну «Сипреруш дигъ» ве «Камиль», комигъореки гье э сульфдеи руз восдоребираут. Гье у сал уре вегирденуть э жергэй членгъой Союз художниковъ СССР. Эзумогъоевоз у бэхш вегирди э омбаре выставкэй, гироши детгъо э Ставрополь, Краснодар, Орджоникидзе ве Махачкала. Хубе гъимет доре омори жоффгъой Анатолий Ягудаева. Сульфде уре доре омори грамотей гІульзети Министерствой культуры РСФСР, э 1972-муын сал у вегирди премией Республикеире э нум Г Цадаса эри гъульч сохдеи скульптурай эн хульшдени Г Цадасаре.

Жофой скульпторгъо гурунде ве герекие жо-

фои. Угъю эри гъемишелуьги едигор гъишдэауыт гээзизе чигъретгьоре. Вокурде парталгъой буьрунжи, мармардаши ве сенгъире, у одомигъо дениширет э гъеймогъонче зиндегуниму ве чуьн зиндегъо эдете гоф сохденуыт э имуревоз. И тозе зиндегунире эри гъемишэлүйги доренуыт угъоре скульпторгъо, э жергей комиgьоки дери Анатолий Ягудаевиш.

1981-муын сал.



Нателла Матвеева

МИБУМИ ЗИГЬИСДЕ МЭГИНИСУЗ?

Э күни дегь сали эдее шиновусденуым и нуме — Нателла Матвеева. Сульфде ме гъечи дануысденбируым, ки и е зен урусини, хунденигъю мэгнире э зугъун иму ве, ки у е лап пири енебуге, белкем, гъейсэгнэт зиндеш нисди. Мере лап воисд шинох бире э уревоз. Ини е ченд мегьи иму эекиревоз шинох бирейлревоз. Э гъэд эни вэхд иму дуль-се гиле вохурдим эеки. Нателла Исаковна омбар ихдилот соходи э товун зиндегуни хувьшде. И ихдилоттъю эриме мерагъуль оморе, мере воисд күндте шинох бошум э овхьолеттъой зиндегуни эни эшгъульье зеневоз: эже зигьисдиге, чуьтам келе бирнгэ.

Гирошд е ченд вэхдигеш, оммо эриме не верасируым: зиндегуни эни зен тэхъл енебуге мозоллуль гирошдиге.

Генеш оморуым э еки эз лап гъэдимие бэхштъой шегъер Махачкала. Э гэрэй вокзал ве күльне центр шегъер — мигъмонхунегъю «Догъисту», «Каспий» — гысди чукле мэхъэле э нум Свобода. Омбардекиш инжо етэбэгъэй хунегъон, вокурде омореттъю эз керпичтой гилови. Расди, вохурдендэйт инжо е ченд дуль-

се тэбэгъэн хунегьош, вокурде оморетгьо тө довгло. Эз гьсиймогъоине, омбаретэбэгъэлуве центр шегъер, э фирсгүнэ проспектгьо ве кучегъоревоз, э инжо фураморенге, эри одоми гъечув оморени, ки у гүйгэ омори гынсмет бири гуфдире э е кульгыне шегъер, комники гъеле эз вэхдгүй революцияш эслогь дегиш не бири. Э инжо ме оффдум пэнжимуын хунере ве гирошде эз тенгэ гъопугьо дироморум э е чукле хьэёт. Е мерд сипремуйгьо, э миёнсэ салгьо, гъулбурра шен э тен ю вери эдембу хурек хъозур сохде э сер пилетай гази. Нешинехе одомире э хьэёт хульшде диренгэ, у кор хульшдерэ гыншде, ведиромо э пушорэхьимс. Иму шинох бисдорим. И бу келен бирор Нателла Исаковна. Ме гуфдирум, ки мере воисдембу шинох бире э хунеревоз, эжеки гирошдет гээлие ве жовоне салгьой эн хэгъер эну — Нателла Матвеева. Неденишире э у кор, ки Менешир Исакович гъобул сохдебу мере э мигъровуниревоз, у тэгэди нис сохденбу эри жугъоб доре э мере воисденбугьо пуурсувшгьо, гүйгэ у мухшул бу э фикиргүй хульшде.

Ме фегьм сохдум иловлей хунере. Э дуль чукле утогълегьо, диворгьой комильтын дэхсиребиругт эз ворушгьо ве гыч те эхир хульшг нисе биребиругт, зигынсдембу кифлет Менешир Исакович эз пэнж-шеш одомигьо. «Ини чендсалгьои,— эдембу шулькеет сохде у,—исполком нисе доре мере ихдиёри эри капитальни ремонт сохде хунеймере енебуге эри вокурде дуль утогъигере». Тэ иму гоф сохде, эз буруни хуне эдембиругт дерафде-ведироморе сохде гээлгьо: чуклен хъэшд-нууль сале нединже кук бу, келен — гээбкеше духдер, э кульнди гьеядегь сале.

Гоф сохде-сохде ме не Менешир Исакович ведироморим э хьэёт. Инжо э дережей бун хуне, с чульклэ богъле бу. Хуне поисдебу э мейдузи нэгI, екем э буылувнди, э тепеи. Э зевер хьэёт верафденге, бун хуне расиренбу те пойнейтуй. Эзинжо, эз гъульнури, хуб веди бу: эз ело зданий Совет Министрго ве Верховни Совет Догъисту, эз слойге се тэбэгъэн хунс, э комики гьевел энжэгъ кифлетгъой военни одомигъо зигыисденбируйт, инжо э шегъер гарнизон энугъо бугъо вэхд.

Менешир Исакович эдембу э товун фикир-гъо-хъэлгъо ве, кими вэгIдо, дульесдигъой хувьшде ихдилот сохде. Ме э тигъэтлууриевоз эдембирум гуш дошдэ гоффой энуре э товун э кин ченджире жугъобдорлуфе одомигъо ве келе «чиновникгъой» шегъер руй бириге у эз товун хуней хувьшде, чуьтам уре ченд бо имид доре, угъо гоф хувьшдере не веровундтгэ, ве чуьтам гурундиге эри зигыисде э ижире овхъолет ве верасире кемгъувоти, кумексузи хувьшдфере, чуь хижолетиниге эри мерд — ГЭилгъю э ижире овхъолет зигыисдеи. «Ме хувьшдениме, эз угъо кумеки не хосде, э десмеревоз мивокурдук и хунере, энжэгъ мере ихдиёри мидоруфтгэ. Оммо салгъо эдете ги-рошде, гъувотгъоймеш эдет рафде...»

Гуш дошде и жогъил нисдигъо одомире, комиреки нисди ихдиёри эри э хуней хувьшде гъичиреш эй дегиш сохде, кифлет ю хубте зигъуль гуфдире, меш э уревоз эеки, дульсухуни сохде эри эну эдембирум гъэгър кешире: багем ГЭмел миёв гъечи? Пузыриум: «Бел-кем гъисд е себеб, эз сероботи комики ГЭмел ниёв инжо эри хуне вокурде?» «НэгI,— мугу

у,— ижире себеб нисди. Ини гъуншигъойме тозе хунегь вокурдет».

Ини хуне э комики веромори ве келе бири мэгІнихун иму Нателла Матвеева. Ве э ёр ме омо, ки ме пуырсиренге эже келе бирн у, эже иге хуней бебей эну, зен екем хувшдере кеширер хуно, хъэрекет сохдебу эри э пуырсушме жугъоб не доре, эз сероботи чуьки хэйли мэхътэл гышдебу мере. Изму ме вераси-рум себеб эни коре.

Гъелбет, и ихдилот эниму э товун хуней эн Абрамовгъо нисди. Энжэгъ мере воисдембу ихдилот сохде э товун хуне, эже келе биригэ и дульчугъэ, талантлье одоми, эже гирошдетгэ гЭэлил салгъой эну, э товун комигъоки у э келе хъэвслуыревоз эдембу ихдилот сохде. Дениширенге э сетэбэгъэн хуне, поисдебугъо э рапе-берачай хуней Абрамовгъо, ме пуырсирум эз Менешир Исакович: «И. хуней эн военнигъои?»— чуьки гьеебо шиноходуум уре эз ихдилотгъой Нателла Исаковна. «Эри», — мугу у. Гье у сэгІэт ихдилотгъой Менешир Исакович гъэриш бисдоруыт э мувэхъме э ёровурдигъой эн хэгъер энуревоз...

— Имуре е келе симовор бу,— э ёр овурде эдембу ихдилот сохде Нателла Исаковна.— Иму уре гъемише э хъёйт норе, минувшдим э иловлей эну. Бирорме ве бебейме гъердууш э саз ве э гармонь зерембируыт. Гъемеймуре рапе сесгъо вебу. Дедейму лап дульфирегъуне, гъуногъсевене зен бу. Э хунейму гъер вэхд хэлгъ кура бирэмбу. Вежегъисдембириим, хунденбириим мэгІни. Хундембириим-хъэз сохде. Гъечи зигъисдембириим те довгІо ве довгІо гирошде бэгъдош. Те шасд нуьгъимуын сал, те

биформе мурде. Эзумогьоевоз сер гирдуть гъеме бедигьойму.

Чүтам хуб бу гъевел. Ме э шуввер рафденгеш э хунсай бебе гировундембирум омбаре вэхд мере. Инжо кура мибисдоруут офицергъо э зенгьошуревоз. Гъеме зурбо хьюрмет гирдебирукт кифлет имуре. Дедей мурденге, э сер гъовргъо ингъэдер хэлгъ оморебу! Хьюрмет Девро зурбо келе бу. «Дора», — огол зеренбирукт уре шинохгъо... Дора, дедей! Тув эз гъеме э Гульом дульфирегъу, одомихъгъ бири. Хушдени тув гисне мимунди, гъуногъюре михорунди. Девро Пейсаховна!.. Дедайме шуран бу, бебе — эз Чирорт. Угьоре дувваздэгь гээл бу нүйгъ согъ мундэт.

Э кифлет Абрамовгъо гъемере холисе артистически хосиет ве талант бу. Бебе, лап хубе мизикончи бу, у песинни салгъо кор сохденбу э оркестр инструментгъой хэлгъи Радиокомитет. Дуль духдергъо — Ире ве Зое — мэгилдүймлүүе артистгъо бирукт, комигъореки неки раге назувшменде сесгъо вебирукт, оммогъемчун лап раг вежегысдембируут. Егиле Ира э гастроли лап гурунд нечогъ биребу. Зоя э декаде рафдеки э зир поезд демундебу. У руз э вокзол хэлгъ лап омбар бу, пой энү чөмүсьде у оффоребу э сер рельсгъо...

— Ме омбаре гээзиетгъо, дульесдигъо кеширем,— гуфдирени Нателла Матвеева.

И бедигъо — е духдер гурунд нечогъ бирен ве песде мурдеи, дульмуун — э зир поезд демундэи — э сер кифлет Абрамовгъо оморебу те довгъо. Э кифлет мундебу хьофд гээлгъо. Угъо, келе бире, эвлениши биребирукт. Бисдоруут сэхьиб кифлетгъо, зигысденуут гъерки э хунегьошу. Нателла Исаковнаш рафд

Э шуввер. Сульфдеи шуввер энү инженер-вокурдегор бу. Угьоре бисдоруыт се гээлгээ: дүй кук ве е духдер. Нателла унгъэдэр хуб нисе дануьсдембу зугъун дедеире. Шуввер ю эдембу хуте сохде уре э и зугъун. Шуввериш жогъил мульд...

Дүй бироргъой эн Нателла Исаковна зигъисдембируыт э бебе-дедеревоз. Инжо, гъер орне кура мибисдо кифлет:

— Увэхди,— эдее э ёр овурде Нателла Исаковна,— одомигъо лап хуб зигъисдембируыт. Э тенголи ве косиби зигъисдембируытгеш оммо лап дусд, одомихогь бирук. Изму хэлгъусол бири, бэхил бири. Омбаресалгъо ме хинсоб сохдебируым, ки одомигъо гъеме хуб, темиз, дульфирегъунуут.

Хунеңгьойму ве гъеме э кин иму оморегоргъо омбар дульшоре одомигъо бирук. Кимигьоре иму эслогъ нисе дануьсдембириим. Миоморуут, минувшдуут э ён симовор иму, э имуревоз мэггэни михундуут, мивежегъисдуут, гушменоруут.

Э 1968-муын сал батмиш бисдо гъеждегь сале кук эн келен бирорме, эн Гиляд. У э Казим Абасовичевоз э Хуней Пионергъо гээнтгьоре эй вежегъисде эдембу хуте сохде. И беди э сер иму оморенге, дие екиш эз иму э хувьшде дироморе не дануьсд. И бу е теке кук эн Гиляд. Дегь салгъо уре гээл небиребу. Песде зэнде омо и оффуме гээл. Гъер сал руз эз деде бирен энтуре, иму гээруьсире хуногировундебириим.

Песде эзи дерд, бирормеш эз хъол оффо: «Нисе воисде мере эри зигъисде,— мугу у.— Боре эдей огол зере мере э ки хувьшде...» Яздегь мегьиш некеши, бирорме мульд.

Дие иму гьевелинere хуно кура нис биребирим. Гьеймогъой согъ мундет энжэгъ дуль бирорме ве ме. Келеи хэгьеригейме эзи е сал пушоте мульди...

Келе бире вероморе э артистически кифлет, эжеки гьеме хундебирукт мэгИнигъо, вежегъисдембирукт ве возирембирукт э инструментгъой хэлгъи, Нателла Исаковнаш, гешдени мозол хувшдере э искусство. Уре воисдени зиёд сохде музыкальни традицией кифлет ишуре, эжеки бебе бисд шеш сал кор сохди э оркестр инструментгъой хэлгъи; дуль хэгьергъо, жован рафдетгъо эзи товуше гүйлом, те эхир гъуллугъ соходит искусстворе, вежегъисде ~~в~~ мэгИни хунде э тозе гүнжунде оморебируктгъо ансамбльгъой вежегъисдеи ве мэгИнихуни Догъисту; бироргъо возирембирукт э инструментгъой хэлгъи ве еки гьемчун омбаре салгъо хуте сохди жоване вежегъисдегоргъоре. Эзу товуне Нателла Искавона оморени эри кор сохде э хор Радискомитет Догъисту. Инжо э кор уре гъобул сохденуыт у конкурсе гиришде бэгъдо э 1960-муын сал. Неденишире э у кор, ки уре небу музыкальни образование, оммо э хотур лап раче, гэлемете сес вебиреи, уре э хор гъобул сохденуыт. Расди, у хундебу э дуумуын курс музыкальни училище, оммо межбур бисдо эри хунден хувшдере гышде, те эхир бэгъем не сохде, чуюнки увэхди уре бирукт чульке гээнлгъо.

МэгИнире Нателла Исаковна хундени эз гээлиревоз. Уре неки хубе сес вебу, у гьемчун зирек бу. Э ёр эну лап хуб мунденбу мугъум ве гоффгъой мэгИнигъо. Эз ебо э кино шиновусде мэгИнире, и мэгИни томом э ёр эну мунденбу.

— Э Радиокомитет ме хундебиурьм гъеме хоровое мэгІнгьоре, оммо жайле эй мэгІни хунде мере минкин нисе доренбиурьт, — э хъэйфбериrevоз гуфдирени мэгІнихун.— Мæ нувувьсдем лап кеме гъэдер сольни мэгІнгьоре.

— Гіэмел миёвге, хунит екире эзугьо,— хогьиши сохдумь мæ.

— Бошгу,— э разимендиrevоз жугьоб до у.

Ве э у лугъонде раче сес хувшдеревоз хундени э гьовой хэйтогьи мэгІни хэлгъире, нум комиреки ме нисе данувьсденувьм:

— Жонум дедей, жон дедей,
Вэхи дер түрэе воку.
Дульпесойме не бирей —
Мере э хуне деки.

— Рушто вечиройме,
Невечире мундей.
Эже бири түй, хэлефме?—
Дульпесойту бирум мæ.

— Гъони гыисд шев-нимешев,
Чуй гуюм э түй, жон деде.
Себэхъ э язdegъ сэгІэт
Кук оморей расире.

«Овшов!» — деде духдере
Гъэл гирдени хисире.
Себэхъ э язdegъ сэгІэт
Кук оморей расире.

Денишит, денишит, денишит,
Оморей, оморей, оморей,
Жунлейме, а-а-а, жон..

Шеш салгъо кор сохди Нателла Исаковна э хор радиокомитет Догъисту. Ве песде зиндегуни эну гъечувь чаруьсди, ки уре межбур сохдет эри эз кор ведарафде. Омбаре четинигъо оффдори э гъисмет эну. Оммо и яра мунди эри гъемишельуьг, чуьнки дуыл эну те имогъоиш эдее мэгІни хунде, оммо мэгІнихуне изму нисди дие минкини эри расунде искусствой хульшдере э хэлгъ. Не биреи мэгІнихуне минкини эй хунде эри хэлгъ, дуыл хульшдере очмиш сохде эй гъеме, э раче лугъонде сес хульшдеревоз шор сохде дуыл гушдошдегоргъоре,—эзи келете сэгІэриш мибуими эри эшгълувье мэгІинихин?

И овхьолет энуре ухшеш сохде мибу э дерд, ярай эн шекуьлкешевоз, чумгъой эн комики векенде оморет, енебуге эн музыкантевоз, комики эз дуль гуш кар сохде омори.

Э товун эни четине вэхд зиндегуни Нателла Исаковна воисдени ихдилот сохде омбарте. И ихдилот томом нувуьсде омори эз гоффвой хульшдени мэгІинихун.

— Э 1966-муын сал э гІэрей мэгІинхунгъой хор иму гировунде оморебу конкурс. Увэхди дирижер эниму лап хубе одоми бу — Любовь Михайловна Васильева. У хульрет мере зурбо гирдембу. Е ченд бо э песойме оморебу Танхо Израилов, минет сохде, э ансамбль эну биём гуфдире эри кор сохде. Ме увэхди хуб вежегъисдембируым. Любовь Михайловна чуш мисохд, оммо мере хъэрзо нисе дорембу. Хъэрой мивегирд э сер Танхо: «Туль чуль сохде?! Мере э гурунди эн суьрх энжэгъ дуль сеси. Тульре воисдени бери еки энугъоре? Гыч и биренигъо кор нисди!» Ме э хотур Любовь Ми-

хайловна рази не бисдоруым эри эз хор ведарафде.

Ини гировундуyt конкурсе. Гьевел духодергъо мигуфдируyt, ки мере эз конкурсиш гирошде герек нисди, чуынки сес ме лап сэхд гужлуве рапч бу. Оммо эз конкурс гирошдуyt гьеме. Ме хундуым мэгIни мэгIихун американи Дина Дурлинge. Хундуым хуб. Гьеме э е сес гуфдируyt: и гирошд э конкурс. Э товун Зумруд Атаева, Бурлият Эльмурзаева, Тамара Испалирова ве кинигейгеш, э ёр ме не мунди — гуфдируyt, ки угъю не гирошдет гуфдире. Песде гоf веромо, ки меш не гирошdem. Оммо ире ме не дануьсdem, и песденне ихдилоти. Оммо увэхdi, ме ебойгеш пульсируым: «Ме гирошdem, небуге нэгI?». «Гирошдей, гирошдей, олхогъин бош,— бура имогъой форигъэти веги»,— жуgъоб доруyt мере гьеме (иму миёсdim э отпуск рафde). Меш э шузверевоз, (и бу дуьмуын шузвер эну), рафдум э емегын э Ленинград. Чоримуын август, гьемишиене ре хуно, эз отпуск оморенуым э кор. Э ме гуфдируyt, ки, егIни, ме э конкурс не гирошdem. Чуьтам эхи? Ишму хульденишму гуфдирейт ме гирошdem гуфдире? Диренуым эз ме бэгъэй, гьеме эдете кор сохденуyt, энжэгъ эйме жиге нисд.

Любовь Михайловнаre гирисдени гирдебу: «Нателлочка, и чуь дузгунсузы одомигъои, бегем гьечи кор бире?» Ме песде верасируым, ки кинигере воисденбу уреш эз кор ведекинув гуфдире. Омбар некеши. У эз кор ведарафде гьишд рафд э Ленинград. Э унжо мульд.

Оммо ме увэхdi омбар гъэгър кеширем. Е ченд салгъю э хульдие дироморе нисе дануьсдэмбируым. Чормегын гээлмеш э шугъэм эзи

гъэгърьго-дердгъойме мульд. Нис дануьсденуьм э ки мешет бирымгэ ме. Ме бирым мэгІнихун тати, жигей екиреш негирдебирым. Расди, эзу вэхдевоз дэгъ-паздегъ сал гирошиде бэгъдо ме шинох бисдорум э Юно Захарьевич Авшалумовевоз. У теклиф сохдебу мере гъегене эри кор сохде э хор. Оммо ме рази небисдорум, чуьники салгъойме имогьой омбар бирыт.

Изму омбаре салгъои, Нателла Исаковна кор сохдени э парикмахерски э Хуней быт э Узбекгородок. Кор хульшдере у сохдени эз дуьли, э талантлуьиревоз. Одомигъо эзу лап разинуьт. Оммо измуш гъевелинere хуно, эз гъеме зиёд хъэз оморе уре эри мэгІни хунде. Ве у хундени...

1989-мунь



Алла Абрамова

ДУҮЛ ЭН ДУХДИР

Э товун Алла Николаевна ме песини салгъо шиновусдем омбар хубе, тэгIрифлүье гофгъо. Екем шинохденуум гъовумгъо-кунде одомигъюре. Оммо э хувьшдени Алла Николаевнаревоз ме те имогъой шинох небиругь. Е хэвлете вэхд офде эри ме, раффдум э республикански онкологически диспансер ш. Махачкала. Эз дуыл ме ченд жире хъэёлгъо эдембируйт гирошде, чуники и бу сүйфдэй келе, э ме редакциейму тапшуурмиш сохде, везифе. Чуь, гуюм, чуь пурсыум, чуьтам сер гиругь и очерке, чуь одомини духдир Абрамова: гоф, сүйгьбет сохде хуш оморенигъо одоминиге, небуге огъурдомогъэ одоминиге? Гъечи э и фикиргъоревоз оморум рази э больнице. Оффдум Алла Николаевнаре.

Э пушойме поисди рагче, миёние балае зен, очугъэ сифет, дуьруйже чумгъо, ловхэнде. Эз буй-балаю, эз дениширемун эну ме гъеебо гъисс сохдуум, ки мозол ме хунди, ки э гIэрэйму хубе гоф-меслэхъэт мигирору гүфдир...

Ме дануульденуум ве хундеш хундем, ки омбаргъо сер гирденге очерк хувьшдере э товун одоми чуьжире сенигIэтиш бисдоге, сер гир-

денуыт ихдилот хульшдерээ гоффьоревоз, ки и одоми ээ гээлиревоз ниет сохи эри бире е агроном, енебуге гээлмчи, духодир енебуге учи-тил ве диеш. Гьевел ме фикир мисохдуын эри хульшде, ки чуб мозоллувье одомигъои, у одомигъо, чубинки угью расирет э метлеб зинде-гунишу, согъ гэумуур эришу вихде рэхээ эдэг рафде. Келете биренге, екем э хульшде домунде, ме сер гирдуым эри ежирейге фикир сохде: багам гьеме ме шинохденуынгъо ве э эйлонмайме гысдүйтгъо одомигъо жуур-бежуур сенигээтгъоре сохденуытгъо гье ээ гээлиревоз ниет сохдет эри и сенигээтэ сохде? Багьем биретми ниетгъой гээли энүгъо енебуге гысмет ищу ежирейге хунди? Э дүйлмэ мере лап воисденбу, веровунде биёв гуфдире ниет гээли эн гъер одоми. Оммо ме эдембируым дире, фегъэм сохде, ки э гээрэй э эйлонмайме гысдүйтгъо одомигъо, омбар нисдүйт ужирагъо, комигъоки э жиге овурдэг ниетгъой гээлишуре, оммо неденишире э ижире овхьолет э барасиревоз эдете жохо кеширенуыт э десенигэтигэ. Унегууре тэ ебо недануысде э товун гысмет Алла Николаевна Абрамова, ме эзү пуурсируым: ишму ээ гээлиревоз ниет сохдэйт эри сенигээт духодире сохде небуге и кор гъечувь ээ хульшде бисдо?

— Нэгээ, ээ гээли мере ижире ниет небу,— очугъ гуфди Алла Николаевна.— Кор гъечувь бисдо. Ме школере верасденге, хээрекет сохдүүм эри э университет дерафде, чубинки мере лап хээз оморенбу химия. Оммо дерафде не дануысдем. Эри согъ е сале э нэгъогъ эй пуч не сохде, э несигээт деде-бебейме гүрье, рафдуым э медучилище, э барасиревоз дорум экзаменгъоре ве гъобул сохде оморуым унжо.

Хундеимере э `медучилище бегъем сохденге, дуль сал кор сохдум э мединститут э кафедрай физиология. Эзумбэгъдоиге дерафдум эри хунде э и институт.

Институте хунде-бегъем сохде бэгъдо Алларе фуурсоренуыт эри кор сохде э Белгородская область. Гье унжо рафдени эри кор сохде хэгъергили энуш. Алла сохдени сенигІэт терапевтире, хэгъергили эну — эн гинекологе. Се сал кор сохдет угъю унжо. Песде э 1972-муын сал Алла вогошдени э сигъде ше-гъер хувьшде ве дерафдени э кор э онкологически диспансер. Э кор дерафдеш асант небу. Сульфде уре гъобул сохдет чуын гъелелуыгее корсох. Оммо эзу вэхдевоз те имогъой эдес сохде у сенигІэт духдир-онкологе.

Ини чуьтам кими вэгІдо бирениге гъисмет одоми.

Изму се сали Алла Николаевна эдее серберэхьи сохде кор отделениере. Кор, гъелбет, асант нисди. «Мере ээ кор бэгъэй де гъэйгъу нисди,— гуфдирени Алла Николаевна,— мере шуьвер гъуллугъ сохдени нисди, гІэилгъо гъуллугъ сохдени нисди. Э вэгІдою ме э шуьвер не рафдум. Гъеймогъой ки, салгъойме омбари. Эри хувьшдениме, белкем нэгІ, оммо эри корме и лап хуби. Мере гъисди минкини эри те сэгІэт хьофд шохьонгумиш э кор эй поисдэ. Оммо кифлет мибисдоге, сэгІэт сесенгъочоригъо миёсдүм э хуне видовусде. Гъелбет, кифлет хувьшде гереки одомире, оммо эн ме гъисмет ме гъечувь бисдо, ки гъеме вэхд хувьdere ме э кор дорем».

Алла Николаевна лап хубе сенигІэткори. Гъемеш э больнице дануысденуыт гъечувь биреире. Оммо у хъэрекет сохдени эри гъемни-

ше зиёд сохде дананигъой хувьшдере. Эри хуб кор сохден уре ченд бо дорет «согъбошигъо», грамотегъой Гүүзети. Е одомиге, белки, мигуфди эри хувьшде: хувьрмет ме келен—дие чуль гереки? Оммо у гъечув хысоб нисе сохде. У гуфдирени: эй одоми эз гъеме зиёдте данани, соводлуынни, де коргъойге — э песини жигеи. Эзу товунеи, ки у ГЭре не доре зиёд сохде дананигъой хувьшдере. Э чор сал ебо у рафдени э Масков э онкоцентр эри шинох бире э тозе синогъигъо-чорегъой медицинаиревоз э отрасль хувьшде.

Хэлгъ иму чуялтам гуфдирениге: эй кор сохдегор, кор гъемише офф миёв. Гъечувни эн Алла Николаевнаш. Неденишире э у овхьолет, ки у эдее рэхьбери сохде кор эн согъэ отделение-ре, у гъеле эшгъульье бэхш вегирде гъемчун э коргъой эн жэгИмиши, гъем эн диспансер, гъемиге эн шегъер. Меселен, эдее рэхьбери сохде кор производственни сектор десдэй контроль хэлгъи диспансере, вихде оморени секретарь э гъеме конференциягъой духодиргъо, у гъисд секретарь эн жэгИмиет онкологгъо, куратор эн гъемей поликлиникагъой шегъер. «Эриме оморенигъо,— мэхсере сохде Алла Николаевна,— нисди ужире мероприятие, э комики ме бэхш нисе вегирденум».

Нисе воисде, ки имуре верасуут гъечув, гүйгэ иму эдее ихдилот сохденим гуфдире э товун одоми, согъ гүүмуур хувьшдере бэхширигъо э кор ве эз кор бэгъэй гычиреш э хэпер хувьшде нисе гирденигъо, комиреки дие гычиш герек нисдигъо. У дуз нибу, не гъечув гъисдиш нисди. Хэвлете вэхд хувьшдере у гировундени э деде-бебей хувьшдеревоз, хэгъер-бирор хувьшдеревоз.

— Э хэвлете вэхд ме омбар хунденуьм. Расди, э кино эз сад бо ебо рафденуьм. Оммо э келе войгелуьиревоз рафденуьм э концертгьо. Э Масков биренки, егъин э театр рафденуьм. Эже мирай дие, гъелбет, э вежегысдэйгьо нийрэйки,— зарифаткимси гүфдирени у.— Мере омбаре дусдгьои. Вохурденуьм э угью. Коллектив иму омбаремиллэтльни: лезгигои, лакцигьои, расди, тат энжэгъ ме тэхьноюм.

Лап куынде дусдме — Пашаева Елизавета Иосифовнаи. У гинекологи. Дусдиму э зуревози. Гысд мере е куынде хэгьергилигеш э Масков. У кор сохдени э онкоцентр. Иму дусдгьоим гъеле эз вэхд э институт хундеиревоз. Ме э Масков оморенге иму гъемише эeki вохурденим, енебуге у омбрени э кин ме э Махачкала. Гъечи бисд салгьо эдее дусди гировунденим.

Хосиет эну гысдиш ужиреи, ки одомире э кин эну, гүйгэ гүэсел зерени вогосунде. Дульчугъэ ве дусдхогъэ одоми, уре хъэзоморе гофф-меслэхъэти сохде, ёгъин хъол-овхъол одомире пурсыре дануьсде. Э ижире одоми жугьобиш доре воисдени эз дуьли, ихдилот сохде э у гъемере, чуьтам гысдиге, чуь э дуьл дериге, чуьники туй дирени, ки и одоми э дульсухуиревоз эдее пурсыре э товун коргьойту, эй хъэзле, эй, егъни, дуьл немундеи нэгI. Ки у гъэгъигъэтиш, хъозури эри кумеки сохде э туй, эгенер э у кумеки туй михтожаге.

Э ёр ме омо е сүгьбет, гирошдигьо э гүэрэйме нен келei медсестрай отделение Марьям Захаровна Гашимова. Иму нувшдебирим э чуьклэ кабинет эну, эдембирим меслэхъэт сохде. Марьям Захаровна эдембу ихдилот сохде э товун асант нисдигьо жофой хувьшде, фи-

киргьой хульшде. Ме денишире э пенжере, эдем-
бирум гуш веноре. Оммо ебо-ебо хъэлгьой-
ме э лой ихдилотгьой эну небиругт.

Э келе хъэёт диспансер лов сохде келе, фи-
ррегуне, савзелуье луыгегьой хульшдере поис-
дет омбаре гъульдууре доргъо. Э соей энугъо,
э сер скамейкагъо, э беседка нульшдет нечогъ-
гъо. Э минжилууг доргъо, э тенге жилгъэ кура
бисдо десдей нечогъгъо. Угъо поисдет э илов-
лей денульшдее раге балае зен э сипре хала-
тевоз. Сие муйгъой сер ю эдембируйт тов-тоги
доре. Эз гоффсохдемуун эну, чуытам у гуш ве-
норениге э кин эну руй биренуутгъо одоми-
гъоре, жугъоб дореге э пүрсүүшгъой энугъо,
ме гъеебо шинохдум уре ве верасиругъ, ки
гъеме хъэлгъо-фикиргъой эну гъемогъой э и
одомигъоревози, э дердгъо-дууслесдигъой эни
зэгИиф, гурунд нечогъ бире, эз хъол **офдоре**
одомигъоревози, ки изму у, селт фирмуш сохди
э товун эни эзи нимсэгІэт пушоте эйме очмиш
сохдебугъо проблемагъой хульшдере.

Марьям Захаровна дениши э пенжере. У
гүйге вераси, гысс сохд эз дуыл ме гирошде-
бируутгъо думитгъоре. «Нечогъгъойму хосде-
нуут Алла Николаевнаре, —гуфди у,— иму
гъемайму хосденим уре». Песде екем фикир
сохде бэгъдо, гуфди:

— У лап хубе одомини, дуыл эну очугъи.
Нечогъгъоре гуш дошде э тигъэтлууриревоз.
Лап хуб данульсде кор хульшдере. Ини се сал
у эдее э рэхь берде кор отделениере, бирмун-
ди хульшдере, чуын хубе энжомсох.

Имуш лап хосденим уре. У гыч бешгъэи,
тефиғІэти нисе гировунде э гІэрэй хульшде нен
де корсохгъойге. ЕгІни, ме келеншмунуум, иш-
му э мульдииме дерит. Иму гъеме тен, екиним

эри энү. Эзу товуне э гээрэй корсохгьой отде-
ленийму гыч е негьогын бэхьс, хувьжет нисе
оффоре.

Ебо ме пурсирум эз Алла Николаевна:
«Э кишму оморенуыт лап гурунде нечогъю.
Ишму, чуюн духдир, дануьсденит гъэгъигъэте
хъол-овхъол гъер нечогъэ. Ишмуре биё бу оло-
гыиे тоб, сабур эри неки пэхьни сохде эзугъю
гъэгъигъэте, холисе овхьолет зэглифи энугьоре,
гъемчуын угьоре дуьлиш дит. Ижире нечогъ-
гьоре, гъелбет, ологыие гъэйгъу доре гереки.
Чуьтам э рэхь берденит ишму и лап асант нис-
дигъю коре?»

— Дузи, и лап четине везифеи. Одоми эн
сенигээт иму унгъэдер эз кор хэсде, инжи-
миш нисе бире, чендгъэдер эз хувьшдере хур-
дэи, тъаежон кеширеи: гъемере ми сохдем ме
эри зэглифе эз дес ульум хилос сохде? Жу-
гъобире иму э пушой номус хувьшде дореним.
Руй-беруй Холисе духдир дануьсдениге, ки у
томом, гъеме минкинигьоре менфигээт не сох-
ди. гъеме эз дес ю вероморенигьо хъэрекети-
гьоре не дори эри зэглифе хос-соф сохде —
номус дие уре динж нигылув, гье михуру, ху-
рере хуно,— екем фикир сохде бэгъдо, гуф-
ди у.— Э ижире нечогъоревоз гоф сохде ге-
реки э келе мугъотиревоз, Лап вожиблуьни
нечогъ э туть бовор соху гуфдири. Кими вэгэ-
до гоф — дермуни, мелхъэми эри зэглиф, ом-
мо гоф огъуш бире миданув, кувьшдеш мида-
нуу. Келе усдоети гереки эри дануьсде гоф-
меслэхъэт сохде э зэглиф бире одомиревоз. И
усдоети талаб сохдени омбаре гъувотгьой дуль
одомире. Эзу товуне ме кими вэгэдо э хуне
оморенгэ гъечув хэсдэ-менде биренув, ми-
гуиге, согъ руз сэнгъ дашмиш сохдемгэ. Ил--

логъки, гурунд бире дуль одоми, кейки эз дес эну нисе вероморе эри зэгИфе эз дес ульум хилос сохде. Ижире вэхдгъо одоми ежире бирени, гүйге, уре согъ руз киниге гье куфди поисде. Оммо и хьол хувшдере эз гъеме пэхьни сохде гереки, иллогъки эз зэгИфгъо.

Алла Николаевна кор сохдени эз дульи, эс хунеш неёв гуфдире беде хэбер, күнде одомишу мульди гуфдире. Нечогъюш, неденишире э гурунде хьол хувшде, диренуыт хъэрекетигъой энуре, хувьрмет гирденуыт уре, согъбоши гуфдиренуыт эзу.

Э диспансер ме шинох бисдоруым э корсох эн еки эз корхонегъой промышленности Дербент Сосунова Сара Ильяевнаревоз, дедей эн чор гЭилевоз. Неденишире э хьол хувшде, и дилбоше ве жургИэтлууе одоми оффдени гофф ве гъувот эри дуль доре денечогъйгере. Гуфдире э товун духдир хувшде, мугу:

— Сульфдеи гиле ме оффдорем э и больнице э 1986-муын сал э кин духдир Алла Николаевна. Алла Николаевна лап хубе духдири, мигъровуни, хуб дануысдени сенигИэт хувшдере, э хувьрметевоз руй бирени э кин нечогъюш.

Ме хосденуым эри эну жунсогъи, у имуре чуьтам жунсогъи дорениге, гъечуь жунсогъи хосденуым эри эну, эри кифлет эну. Омбар согъбоши, Алла Николаевна. Ме не дануысденуым чуь гоффюре оффумге эри эзу согъбоши гуфдире. Ме дедей чор гЭилуум, эз гъеме кифлетме эдей согъбоши гуфдиренуым, чуынки у э пой поюнди мере, ме келе сохум, э метлеб расунуым гуфдире гЭилгъоймере. Омбар согъбоши, Алла Николаевна, чуынки түү мере жун дорей.

Песде Сара Ильяевна зиёд сохде гофф хувш-

дерे э зугъун уруси, гуфди: «Мере имиди, ки гьеме хуб мибу, одоми гьемише хувшдере биё дуyl дуль, эз гьеме чапаргъо, четинигъо биё гироруь ве бесгъун дуль нечогъи хувшдере. Эри эни бесгъуни эдее гъовхо берденим иму э Алла Николаевнаревоз».

Имуре имиди, гээзизе Сара Ильяевна, ки э кумеки духдир ишмуревоз ишму хос, соф ми-бошиг, монгортит э кин гээлгъо, кифлет ишму.

...Е ченд бо э вэхд сувьгьет иму Алла Николаевна гогь э ёр овурде рузгъой экзамен до-реире э институт дерафдеки, гогь—кими лап чедине рузгъой кори хувшдере, гуфдиребу:

— Кими вэгэдо эриме оморени, ки мере эз расдиш лап эз гээлиревоз веисденбу эри духдир бире.

Ире у гуфдирени эз сероботи уре лап эз сенигээт хувшде хъээз омореи. Оммо и гоффо омбар шор сохденуыт мере, чүнки э дуyl ме, гьевелинере хуно, эдей зиггисде ве мухъжем бире войгелуы: бегъем бошут гуфдире ниетгъой гээли гьеме одомигъо, чүнки угъо лап товушлууе ниетгъои. Кидан, э негьогъ нисди гьечүй омореи кими вэгэдо эри Алла Николаевна, ки у эз расдиш эз гээлиревоз ниет сохи гуфдире эри духдир бире. Э и кор келе гэгъи дери.



Севи Едигаров

САД САЛ ЗИГЬОШИТ, ВЕТЕРАН!

«Руз ишму эхэйрбу, Севи Едигарович! Чув хэбери эз ишму? Э товун чуьни думитгьо, фикиргьошму? Кидан, эдэй фикир сохденитге э товун чув тэхъле чиниге нечогъи ве келемерди? Белкем, эдее кеширенитге фикир гЭэлгьо-невегьоре? Енебуге, имбуруз хьол ишму екем хубтеиге: эдэй э ёр овурденит хуше рузгьой зиндегунире. Енебуге э ёр ишму оморенүйт гъэзemetгьо э Лубянка ве Бутырка, енебуге де гъэзemetгьойгэ? Фурмуш сохит, гЭэзизе ветеран, гьеме гурунде рузгьоре. Ишмуре э негьогъи, эй нисдие кор гЭэзиетдорегоргьо, эз зуревоз бирет хурек эн куьрмгьо. Оммо иму гьеле мизигьим».

Гьечи сер гирдим иму ошгоре когъозе э кин ветеран довгло ве жохо Севи Едигарович Едигаров, зигьисдегор шегъер Махачкала.

Асанти эй гуфдире: фурмуш сохит гьеме гурундё рузгьоре. Бегем гьечи асанти эй фурмуш сохде рузгьо, мегъго ве салгьой гУьмуррире, уш э пире вэхд, кейки э пушой чум эдее гирошде согъ зиндегуни.

Имисал бегьем бири 80 сал эз руз эз деде биреи Севи Едигарович. Кини и одоми? Эй-

чуль теслих сохдэйм иму эри э товун эну ихдилот сохде? Гьеебо гуфдире воисде: у нисд не Игид Союз Совети, не Игид Жофой Социалисти, не хьохмолуье Гилмчи, не мэгІлумлуье корсох культуры. Оммо гьемчун, гьеебо, дир не сохде, гуфдире мибу иреш, ки у лоигълуье одомини, эй э товун эну ихдилот сохде. У еки эзу жоборде ве жургІэтлуье одоминьои, комигъоки рак доренуыт э гІэрэй хэлгъиму. Э поки, ве дуылгерми ве темизишуревоз, э номус ве обуревоз, э рагче ве дузгунлуье коргьюшуревоз гъэзенниш саҳдетгъо келе җуърметлуыре э гІэрэй хэлгъ.

Севи Едигарович эз деде бири э Дербенд э кифлет фэхъле. Э вэхд сезон бебий энугъо гъер сал жофо кешири э ветэгъгъой жэгІи. Омбаре одомигъо э шегъер шинохдебирант и гъувотлуье, екелуье мерде. Бу у динже саламате одоми. Еки эз омбаргъо э гІэрэй хэлгъ, комигъоки себэхъ-зусери, гъеле товуш себэхъ-мундине бегъем лов не бире, е лугъэ нун хувшдере вегирде, мирафдунт э кор ве э гъэргъи шохъонгуми хэсде-менде мивогошдунт э хуне, эри е лагъэ чи хурдеш ишуре гъувот не мунде. Жофо, зэхъмет э вэхд сезон лап келеи. Оммо э хуне е тике жэгІиш расунде оморебу. Расдиге — дургуниге: гуфдиренуыт, жэгІ эгъуыл ве гъувот доре одомире. Белкем эзу товнейиге, ки еки эз гІэйлгъой Едигор — Севи лап зирек ве жоборд ведироморигъо. Гъелбет и мэхъсерен. Оммо э бовориниревоз гуфдире мибу, ки гъувотлуыи ве жургІэтлуыре у эз-бебе гъобул сохи гуфдире. Иллогъки келе жофодусдире. Уш бебере хуно не терсири эз е кориш. Чуьтам бебе сезон жэгІ гирдэй верасденгэ, рафденбурге эри жофо кешире э онгур-

богъгъо енебуге корхоней шоробсохи, Севиш мисохд у коре, комики оффоребу э дес ю.

У гъеле гІэил гъисди, кифлет эну кучмиш бири э Махачкала э куындингъой гъемогъоине консервгъой жэгІире сохденигъо комбинат, заводгъой бондури ве ругъэн жэгІире сохденигъо, э кин «холодильник» гуфдиренигъо жиге. Бебе кор сохденбу э ветэгъгъой Абдуллаев, увэхди келе мэгІлумлууье гІошир. Кук дерафдебу эри хунде э школе. Оммо зу межбур бисдо у эри школере шенде ве гъемчун рафдени э ветэгъгъо эри кор сохде. «Сульфде кор сохдебирым, чуьтам мере гуфдирембируйтгэ, «мальчик»,— эдее э ёр овурде и раге сипремуйлууье келемерд.— Чув сенигІэти «мальчик»? ЕгІни, видов-видов сохдембирым эже ки мифурысоге. Ки думит сохдениге, ки и асанте кори, келе егІэлмиши. Е 'дэгъ-дэгъэ динжи нисди. Гъеме эдей хъэрой вегирде, екем дир бисдориге — эй лепуук зереш хъозурут. Э хуне оморенге, эз хэсдэй эй э куче ведарафдешвойге нисе бире, неки эри э гІэилгъоревоз вози сохде, вэхд гировунде».

Песде Севи Едигарович дерафдени эй кор сохде э пиво душунденигъо завод. Эз унжо уре фурысоренуут эри хунде э подготовительни факультет эн рабфак Буйнакск. Уре верасденге, зиреке, божоренлууье куке фурысоренуут э Ростов, эз Ростов э Москвэ рабфак э нум Артёмов. Оммо эри бегъем сохде хунденире инжо минкин небисдо...

Э вилеет эдембу гужлув бире инквизиторский политикой сталинщина, гъеле нерасиребугъо э гъизгъинлууье вэхд хувьшде э 1937-муын 1938-муын салгъо. Оммо гъэзemetгъо сер гирде-

бируйт эри фульберде тэхсирсувзе одомигьоре. МэгІлум гынсдигьоре хуно, и политика ёбош төвөсөр төрг сохде не оморебу, сер гирде эз вэхд «гъовхо берден э троцкистгөревоз» те «гъовхо берден э космополитгөревоз». Жово-не куке бегьем нис дануусдебугь зутгун уру-сире, комиреки гъеле небу бегьеме соводлууи, дусдогъ сохде дешенденүйт э Лубянка, эзун-жо э Бутырка — мэгІлум гынсдүүтгөо гъэ-земетгөй органгой хъулькуметие хэтосувзи. Ченд ведилууе одомигьой вилеет дешенде омо-рет э торе ве неме гъомборгой эни гъээмет-гьо. Э унжо офдори, «гъисмет бири» жовоне куклай татиш, оморигьо э Москвээри хунде, дананигьо вегирде, эри э тозе рэхь зинdegү-ни ведарафде, э метлебевоз пэсде мидүү гүф-дире гъеме гъувотгьо ве дананигьой хуышде-ре э «кор вокурден товушлууе хуней социализ-ма». Гье у «хунере», комиреки, э гоффьюу гууре, эдембируйт вокурде гужсохдегоргьой эну.

Кук селт гъогъ-перт, мэхътел биребу уре э гъээмет дешендеки. Э пуурсувш эну: «Чуьни тэхсираме?» — силисчигьо хэндуусдебирук: «Хуышдере э недани веноре? Туве унгъэдеш ово-ми бегем? Туве хуб дануусде, чув туве сохдей-ге». Гъечи гычиреш субит не сохде, бурра-нуут эри эну дувваздэгь сал гъээмет. Кук руй э кин бирени э кин М. И. Калинин. Уре гъобул сохд Сольц — гировундебугьо незарети кор-гьой хъулькуметие хэтосувзире. Э кумеки эну-ревоз лэгъв сохде омо гъевелине гъэрор уре эри э гъээмет дешенде. Омбардекиш себеб энижире мозоллууе хилос биреи эну у бу, ки увэхди эдембу хъозур сохде оморе келе про-цессгьо э гъэршуй «дүвшменгьой хэлгъ». Е

ченд мегъ э гъомборгъой Лубянка ве Бутырка гировунде, эз рабфак ведекирде оморс, кук вогошдени э Махачкала. Оммо силис кор эну дураз кешире: се мегънгере у гировундени э гъомборгъой МГБ эн Махачкала. Эз инжош хилос биренге, Севи хъэрекет сохдени эй эри хувьшде кор оффде, оммо эжеш руй мибисдоге уре э е жигеш гъобул нисе сохдембируйт, чуынки э биографией эну локо вебу. У хъисоб биребү «дуышмен эн хэлгъ».

Гъечи, гъер чуытам бисдо, хуб-зобу, гирощдуть дуль-се салиге ве сер гирд довгІо. Э довгІо Севи Едигарович раффд гье эз сүйфдеи руэгъю. Сүйфде уре фуырсоребируйт эри гъэновгъоре вокурде, окопгъоре векенде. Себеб эни кор ижире бу: эз сероботи репрессированни, «дуышмен эн хэлгъ» хъисоб биреи, у э Армия гъобул сохде нисе оморебу ве уре изму военини сенигІэт небу. У чуыш сохд оммо раси э метлеб хувьшде — уре э фронт, э довгІо фуырсульт гуфдире. Уре фуырсоруйт э действующая Армия э куындыгъой Сталинград.

Гъечи сер гирде гурунде рэхъ эн рядовой солдат Севи Едигаров: четине, хунлуье, дердлуюе, гил-гуллуье рэхъ эн гъер солдате хуно. Эз Сталинград э Астрахань, эз Астрахань э Калмыцки пелесегъо, эз унжо э Ростов те Сальск. У гъуллугъ сохдебу чуыл пенж ве хъофдод пенж миллиметрови пушкегъоре. Гье гъечи: гогъ пееде, гогъ э машиневоз, гогъ э сер шугъэм, гогъ симов зере — эз шегъергъо, дигъгъо, чуылгъо, пелесегъо, чойгъо ве гъэмншлуюгъго, нүйкерегъо; эз Николаев, Одесса те озеро Балатон; эз шегъергъой вилеет иму те сэрхъэдгъой дуышме. Эз вилеет иму те де вилеетгъойге. Гъеме мунд песово: Румыния, Бол-

гария, Венгрия, Австрия, Югославия, Германия ве, эхирки, томошелуье ве мэгІлуъмлуюе вохурдеи э Эльба. Энжэгъ э песини сал довгІо гъобул сохдуть уре э партия.

ДовгІобэгъдоине салгъо сер гирд эри э гүнжо оморе зиндегуни Севи Едигарович. Хубе кор. Хубе кифлет. Наградегъой хъулькумети эри нишонендергъой довгІои ве жофои. Орденгъо, медальгъо. Жофо кешири у э Госплан, Росснабсбыт, э Управленией хозяйстввой гІови ве Министерствой хозяйстввой дигыи Догъисту. Бири начальник ижире келе вокурдеигъо, чун Бабаюртовски канал э нум Дзержински, Самуро-Дербентски канал. Эри бэхш вегирдеи э вокурдеи и канале, у гъобул сохи грамотей ГІузети Президиум Верховни Совет ДАССР-е. Дебири э дежугъобдорлуье гъуллугъойгеш. Э гъер жиге бирмунди желдлуыи ве божоренлуыи хувьшдере, жофо кешире эз дуль, бирмунде хубе нишонере. Гье ижире вомухунди ГЭилгъой хувьшдереш.

Ебо ме пурсируым эз хувьрметлуье ветеран:

— Севи Едигарович, гъемогъой лап омбар гуфдиренуыт э товун партия, ки, егІни, у имуре песово шенди гуфдире. Чув фикир сохденит э товун эни кор ишму?

— И хьшои э сер эн дульрусьде коммунистгъо. Екиреш нисди ихдиёри эри ижире гоффьоре гуфдире. Партия чуьтам э пушо дебуге, биё дебу э пушо гъемогъоиш. Угъо, ки биёбур сохдетге партияре, евош-евош эдей рафденуыт, кем биренуыт...

— Чув фикир сохденит ишму э товун перестройка?

— Бовор сохденуым э перестройка. Гъеме

хуб мибу, пушово мирав. Мере ижире имид гъисди. Четиниш гъисдиге изму, гъеме хуб мибу. Бовор сохденуьм...

...Ошгоре когъоз хульшдере э кин ветеран воисдени бегъем сохде э ижире гоффьюревоз:

«Гээзизе Севи Едигарович, воисдени гуфдире э ишму келе согъбоши эри э поки ве дультемизировоз ижире дуразе рэхь гуумурире гирошдei. Эзуш бэгъэй воисдени согъбоши гуфдире ээ ишму, ээ кульгыне коммунист эри гъечи бовор сохдеи э хубе биёвгьойму, э бесгъуни перестройка, чуники ужире жургээтулье имиди, комики гъисд ишмуре, гереки имбуруз гъемеймуре.

Нисд воисдэ зиёд инжимиш сохде ишмуре. Хосденим эришму, эй гээлгьо ве гъеме хосдэгторгьюшму согъи-саламати, гуумуьрдурази. Зигыйт омбар, ветеран. Егъин гереки согъ мунде те томоме бесгъуни перестройка. Имуре имиди, ки э и хушлуулье рузгъо иму мивохурим эеки».

1989-муун сал.



Соломон Дагаев

ДАГАЕВЬО

Шохьонгуми. СэгIэт э хъэшди кор соходи. Рузгъой сувддеи мегь поиз евош-евош кутхъ биренуыт ве руз, дегирде э сер асму сиетье сердегире э зум-зуме, чунь брильянт э сер тухе ковре бархат, товуш доренуытгъо астарагъэрөвөз, чаруысди э шев. Эдее товуш доренуыт э торики шевине омбаре лампичкетгъо: э проспект э нум В. И. Ленин, эз комики эдее вогошденуым ме э хуне: эз пчжерегъой тукугъо, идорегъо ве омбаратэбэгъэе хунегъо. Э сифетгъой э меревоз э троллейбус вогошденуытгъо э хунегъошу одомигъо ведини олхогъини ве дульдинжи.

Олхогъини эни одомигъо, товуши э троллейбус ве э келе кучегъой э и дуль песини дэгь-салигъо нешинохдени дегиш биригъо столицей республикейму ве овоз мэгIигъо ве маршгъой бисдимуын салгъо чунь кориге унг зеренуытгъо э гушгъойме, зэнденуыт э дуль мульгужузе мульгър мигIидире ве ме гьеебо нисе вераси-ренуым: ээжэн и э дуль ме зэнде оморигъо шори эн мигIиди? (У эз товуши, пуре менг ве астарагъой имбурузине соките шеви, эз дуль-олхогъини э меревоз вогошденуытгъо э хунегъо

одомигъон, снебуге эз раче ярашувьглуве ку-
чегъой шегъер ве мугъумгъой революционни
мэгИнигъон?

Ме гъеле нисе верасиренум чуь зендиге э дуyl ме и мутьгър мигИдире, оммо гъемей эни вэхд эз ме дер хуней Дагасвьюре э песойме сэхд сохде те изму э хуне рафден, э пушой чумгъойме поисди чигърет сипремуйлуве сер, сарабалае одоми томоше сохденигъо эз вэхд зерд биретгъо сиротгьюре э шекуылгъой хъэр-
мэхъгъой жовониревоз ве э эз пири тор бирет-
гъо чумгъой эну дегесирени товуш. Э гуш де-
ри нерме сес эну, ихдилот сохденигъо гъозие-
гъой гъевел биретгъо коргьюре. Кидан, белкем,
и мутьгър э дуyl ме зенде омори эзу товне, ки
ме тоймиш нисе сохденумгъо гъовогъой мэг-
нигъой эни товушлуве кучегъо ве зенглуве сес
троллейбусевоз э эхир хъэшдодимуын салгъой
эни гІэлемете бисдимуын садсали ве гъисс
сохденум куынде ологъолуьире э гІэрей эну
салгъо ве имбуузине руз. Белкем, у гъемчун
эзу товней, ки э гъердуй эни этапгъой зинде-
гуни виляет иму, чуын куырпи, дери чигърет-
гъой эни хъэшдод ек сале мерд, э чумгъой
комики гъелемиш, нединишире э пири эну, де-
гесирени элов гъовхой субфдеи салгъой хъуль-
кумет Совети. Чуьжире гъувот не чуьжире
мутьгъетлуыи э кин зинdegуни биё зигъу э
дуyl одоми эри дегесунде и товуш? Ире ме
верасиренум энжэгъ гъеймогъой, кейки эдее
вогошденум э хуне, томоше сохде раче ку-
чегъоре сифетгъой э меревоз э е вэхд, э е
девр зигъисденутгъо одомигъоре, фикир сох-
де э товун хуши зинdegуниму. И гъувоте э
дуyl эну зендени мутьгъетлуыи э кин гъемей
эни нешинохе одомигъо, э кин угъоре э хуне

гузет сохденуытгъо одомигъой кифлет ишу, гъовумгъошу; э кин эз кучегъо гирошденуытгъо одомигъо — э кин гъеме шинохе ве нешинохе гъемватанигъой эну — ве гъемчун мульхъкеме боворини, ки е рузиш эз гошире биографией эну э негъогъ зигъисде не омори гуфдире.

Кифлет Соломон Гаврилович зигъисдени лап э минжи куыгъне бэхш шегъер э куче э нум Буйнакский. Чутьам пушотегъо, гъемчун геймогъоиш, кейки Махачкала ижире келе ве эркин бири, и гъисди лап хъэз оморенигъо жиге эри зигъисдегоргъой шегъер, сейл зере-гешде ве рэхъэти вегирденигъо жигей эн омбаре одомигъо. Инжо куыгъне богъчай шегъери, редакцией журналгъо, Союзгъой писательгъо ве композиторгъо, театр тикмегъо, дув мигъмунхонегъо, бульвар э гъирогъ деръёгъ, кинотеатр. Расди, хуне лап куыгъней ве э геймогъоине хунегъо гуьре нисди инжо гъеме герекие овдунаести, оммо не Соломон Гаврилович не зен энуре Руфа Самойловнаре э е хунейге гирошде нисе воисде. Э кин энугъо ченд бо руй бире, теклифи сохдебируyt гироруyt гуфдире эри зигъисде э тозе хунегъо, гъемчун э минжи шегъер, энжэгъ э е кучайге, оммо зен-шуввер рази не бисдоруyt. «Э и хуне,— мугу Руфа Самойловна,— гирошдет гъеме шоре ве беде рузгъо, офордертгъо э гъисмет кифлет иму. Эже ведарафденим иму эзинжо».

Соломон Гаврилович омбардекиш нульшдебу гоф не сохде. У хэндегуyl дениширебу гогъ э духдер, гогъ э невегъой хульшде, гогъиге э зен, гуйге мэхътел бире э гоффусди эну. Оммо сифет эну товуш дорере хуно бисдо, иму сер гирдимки эри куыгъне сиротгъоре томоше сох-

де. Бирмунде э сирот хьовиргъой хувьшдере, у эдембу ихдилот сохде:

— Э и сирот гьеме хьовиргъойме веруыт, коми-гыоки гъуллугъ сохдет э ЧОН (часть ологъиे тогъини), гүнжунде оморебугъо э Моздок э 1920-муын сал. Гье э и сал дерафдем ме э жергэгъой КСМ-коммунистие союз жовонгъо э шегъер Моздок, эжеки э 1918-муын сал вирих. де эз дес гъэчэгъго ве белогвардейцигъо, оморебу эри зигынде кифлет иму.

Уважди Соломон Гаврилович 15 сале кук бу. Инуыт э е жерге э уревоз понсет ветерангъой партия ве комсомол, э у дуре ве сурule салгъо э ЧОН гъуллугъ сохденбируутгъо: урус Серебряков, член КПСС эз 1912-муын салевоз, жугъур Присбургер, тат Измайлов, лакец Пашаев, даргинец Далгатов, Игид Союз Советии урус Селивантьев.

Э пушойме омбаре сиротгъо, кульгыне гозитгъо, кинигъо, документгъо ве наградегъой Соломон Гавриловичи. Эз ихдилотгъой зен эну, член ВЛКСМ эз 1928-муын салевоз, духдер эну Лариса Соломоновна ме омбар дануысденым э товун келе кифлет Дагаевгъо. Бебей Соломон Гаврилович пуч бири эз дес гъэчэгъой имам Гоцинский. Гьеме кукгъо ве духдергъой эни кифлет эшгълувье бэхш вегирдэт э гъовхо эри бине нореи хъулькумет Советире ве уре эз душменгъо гъэлхэнд дошдеи. Бироргъой эну активлувье комсомолчигъо ве коммунистыют. Э хэгъер эну, Сара, бири энжом-сох ве сүйфдei рэхъбер эн отдел зенуне э обком РКП(б), е хэгъериге, Любо, бири гьемчун еки эз пушолувье комсомолчигъой увэхдийне. У э шуьвер рафди э урус. Дуль мегь бэгъэй не гирошдебу эз довгло сер гирдеи, кей-

ки э күндиғбай Масков эри Ватан жуне гъурбу сохдебугъо майор Дмитрий Игнатьевич Кузнецов, шувер Любо. 31-мутьн август 1941-мутьн сал уре, э гәрәй сүфдеи иgidгбай довгло дөре оморебу нум Игид Союз Совети. Кукгәмләй эну Исаи Шолияхович, гъемчун ветеран партия, член КПСС эз 1921-мутьн салевоз.

Э товун омбаргъо ихдилот сохденуыт и документгъо. Ини сирот сүфден э Догъисту генерал МВД Хасани Абакаров. Изму ме дануыс денуым, ки, эзи э күнди шасд пенж сал пушоте э рекомендацией коммунист,увәхди старший инспектор управленией милицией республике кор сохденбугъо Соломон Дагаевоз, Абакарове гъобул сохдебиругът эри хунде э Новочеркасски школей милиция.

Соломон Гаврилович ве Руфа Самойловна эдете э ёр овурденуыт гъознегъой зиндегунишуре эзи шасд-шасд пенж салгъо пушоте ги-рошдетгъоре. Чуьтам бисд чор сале Соломон, кор сохдебугъо рәхъбер отдел агитацией шетьешие комитет комсомол Хасавюрт шинох бириге э шаздегъ сале комсомолчи Руфа Насимоваревоз ве эз дуль салиге уре хосдине. Чуьтам э энжомсох комсомоловоз э Моздок Протасевевоз ве э е хьовиригей хульше Малыгиневоз деррафдет э комсомол ве паздегъ-шаздегъ сале күкгъо сер гирдетге гъовхоре э дульшменгъой тозе хулькуметевоз. Чуьтам ни-мешевгъо, э тапшурымиши сервер десдей партизани гүре, эз гъэноре ведешендебиругътгэ э зулумевоз э десдин деникинцигъоревоз кульде оморебиругътгэ красногвардейцигъоре. Чуьтам энжом сохде оморебуге кор идорей комсомоли э шегъергъо — Хасавюрт, Махачкала, Буйнакск.

Гъемише э ёр овурде Соломон Гаврилович куьгъне коммунистгъоре Юсуп Герейханова, Андрей Эльсоне, Ехниил Мататове, Гэсоил Бинаеве.

— Э 1928-муын — 1929-муын салгъо ме кор сохдебирум сернувш горсовет Дербенд. Увэхди Гэсоил Бинаев кор сохденбу редактор гозит «Зэхъметкеш». И салгъо ологье гъэйгъукеши доре оморебу пуурсуш эн тэхувле вечире. Ебо, э тапшурмиши обком партияревоз э Дербенд омо сернувш Совет Министргъой Догъисту Джалалутдин Коркмасов эри фегъм сохде, чуьтам гировунде оморенуьтгэ коргъой тэхувле вечиреи. Увэхди иму теслих сохдебирим эри «гъирмизине гээребегъоре» гүнжунде. Ме рафдум э колхоз «Зэхъметкеш» ве е ченд хозяйстввогъойге, э комигъоки кор сохдебирук татгъо ве иму сер гирдим эри тэхувле э шегъер фуурсоре. Гэсоиле фуурсоребирук эри и коре серэнжом сохде э е хозяйстввогъойге. Угъо эз иму пес мундебирук. Коркмасов мугу увэхди эз Гэсоил; «Дагаев жовоне коммунист гъисдигеш, оммо у э жургээтлуюревоз бегъем сохи кор тэхувл вечире, ишму пессово мундейт?» «Ме и коре, белкем, унгъэдер хуб нисе дануьсденум, чуьники корме э гъэлемевози» — э зарифетевоз жугъоб до Гэсоил. «Туу гъелелууге гъэлеме э гъирогъ ни, — гъемчуун э зарифетевоз гуфди хьовир Коркмасов. — Гъеймогъой гъеме гуже э тэхувл веноре гереки». Эхирки план тэхувл вечире иму тевесер бегъем сохдим.

Э Мататовевоз ме омбаре гилегъо вохурдебирум э Махачкала э партийни активгъо. Ме омбаре салгъо, чуын секретарь партийни идорей Министерствой юстиция, бэхш вегир-

дебируым э кор гьеме активгъо. Иму эеки ми-
нувшдим. Песде у бисдо Наркомюст, чуьтам
гуфдиребиругтгэ гьевел, ве песде Прокурор
республике ве Сернуш главсуд. Иму лап ом-
бар вохурденбирим эеки, меслэхъэти сохден-
бирим. У бу холисе, гъэгъигъэте большевик,
те арт гүймур хувьшдэ гъовхо бердебугъо эри
хувькумет Совети. Хосиет эну бу мухъкем,
у гьич вэхд эз назар не ведешендебу хогын-
шигъо ве шулькеетигъой жофокешгъоре. Лап
хосдебу хэлгъэ, фэхълере...

Эз 1935-муын салевоз Соломон Гаврилович
гээрэе недоре те 1978-муын сал жохо кешири
э органгъой юстиция. Бири прокурор э ше-
гъер Хасавюрт, Каспийск, Махачкала. Хьюфф-
хэшд салиге бири помощник прокурор эн рес-
публика, омбаре салгъо бири судьей хэлгъи.
«Мере судья вихденгэ, могълугъ гьёме э е дуыл,
э е сес рази биребу. Песде мере норуут член
коллегией Верховни суд»,—э эрклүүревоз э
ёр овурдени Соломон Гаврилович.

Э 1970-муын сал у рафдени э пенсия ве сер
гирдени эри кор сохде э адвокатура.

Э салгъой довгю Соломон Гаврилович, кор
сохдени э Верховни суд республика. Песде
уре фуырсоренуут э Қайтаго-Табасарански ок-
руг, эжеки угъо гъовхо берденуут э гъэчэгъ-
гъо ве дезертиргъоревоз, хъозур сохденбируйт
тэхуулье.

— Гъэн гурунде салгъо бируйт,— ох кеши-
ре, эдее э ёр овурде Руфа Самойловна ве их-
дилот сохдени и могъбуле гъозинере.

Бебей Соломон Гавриловиче дэгъ бироргъо
бируйт. Угъоре лап хуб шинохдебируйт зигынс-
дегоргъой Хасавюрт, чунки гьеме яздегъ би-
роргъо э десдей гъирмизине партизангъо, гъер-

ки э минкиннigъой хувьшде гуьре, бэхш **вегирд**ет э гъовхо э гъэчэгъго ве дедушменгъойгей хувькумет советиревоз. Еки эз угъо бу Авидон Исакович Дагаев. Э сиимуын салгъо у куч биребу эри зигьисде э Пятигорск. Э салгъой довгло угъо, гъелбет, келете одомигъо бирукт. Фашистгъо э Пятигорск оморенге эдем-бирукт гешде коммунистгъоре, жугъургъоре эри гуниле зере. Э кин Авидон Исакович оморенге пурсыруйт: «Туль кини?!» «Ме догъистонинум»,— жугъоб до у. Э у дес не зеруфт. Песде киниге мэглум сохд э немцъо, ки у пушоте гъирмизине партизан бу гуфдире: «Ишму документгъо энуре фегъм сохит,—гуфдируфт э фашистгъо,— ве денишит, у чуй пенсия вегирдениге. Унжо вери, ки Дагаев Авидон Исакович вегирдени пенсияре, чуйн большевик, гъирмизине партизан». Угъо дульборе во-гощдудт ве бердудт келе мерде ве зен юре. Угъоре э дедусдогъойгеревоз зинде-зинде дешендудт э келе ерх. Ве гъемешуре унжо зеруфт.

— Ме э Пятигорск биренге,— мугу Руфа Самойловна,— гъемише э сер гъоврэгъой энугъо оморенум э Провал, э куындигъой жигедүэль Лермонтов, э догъ Машук. Хэлгъ эдее ихдилот сохде, ки угъоре гъовре сохдеки, хори эдембу верафде-фураморе. Гъеймогъой унжоноре омори памятник, э комики вери, ки инжо кувьшде оморет ве гъовре сохде оморет большевикгъо, коммунистгъо, гъирмизине партизангъо, колхозникгъо.

Руфа Самойловна эз товун хувьшде ихдилот не сохдебу, оммо эз гоффгъой хунеигъо, ме да-нуусдум, ки уш лап эшгълууье бэхш **вегирдебу** э кор тозе зинdegуни эн жэглмиет сове-

тире яратмиш сохдеи. Эз шаздегь салеиревоз дерафди у э жергегьой комсомол Ленини э дуре 1928-муын сал ве омбаре салгъо жофо кешири э связь, комики увэхди хыисоб сохде оморебу чүн лап жугъобдорлууе кор. Песде омбаре салгъо бири секретарь отдел прокуратурай Догъисту, песини шеш-хъофд салгъо э пушой э пенсия ведарафде, кор сохди секретарь эн Прокурор республика.

Руфа Самойловнаре пенж гЭилгъо биругт. «Э вэхд довгло виз-нолей эн тревога омореки ме нисе дануьсденбирум, эже пэхъни сохумге гЭилгъоре,— эдембу ихдилот сохде Руфа Самойловна.— Кими вэгидо иму эз терс пэхъни бире бирим э зир пилоконгъой тэхдеи. Е гЭилме эз хиники сутелжен бире мульд. Песде мульдет дуй гЭилгъойгеш». Изму уре дуль духдергъюют. Гъердушу духдируйт. Келеи, Мила Соломоновна, отличник жунсогъире дошдei СССР-и.

— Э бе, э ёр туьни эри туй эз Масков эз Музей Революция, сирот фуырсоребиругтъо? — эдее пуырсире эз бебешу Лариса Соломоновна, чуьклей духдер Соломон Гаврилович.

— Чуь сироти у? — воисдени дануьсде мешреш.

Соломон Гаврилович ихдилот сохд: «Мере, нарком коммунальни хозяйство Авшалумове, нарком алвари Нахшунове ве е чендигеш активлууе коммунистъоре теклиф сохд куьгъне большевик, член КПСС эз 1918-муын салевоз. Али Гамринский. У хосд эз гъемейму сиротгъоре. Копиягъой эну сиротгъоре гыишд эри хульд, оригиналгъоре фуырсо э Масков, э Музей Революция ве э Хуней Красни Армия.

Ини чұтам э Музей Революция и сироттъой-
му гъисмет биретге».

Э пушойму э сер стол е гъэм сироттъо ве
наградегъой Соломон Гавриловичи, доре омо-
реттъо уре эри келе нишонендергъой эну э
партийни ве комсомольски коргъо. Соломон
Гаврилович бирмунд э сер гъути, э комики
дебиругут, товуш доре, омбаре медальгъой эну,
песде бирмунд э сер синею вебу е чукле зна-
чок: «И эриме эз гъеме наградегъо гъиметлү-
ни». Ме денишире биругут э и значок. И бу знак
ветеран партия — пенжогъ салгъо э жергегъой
партией Коммунисти. И знаке у гъобул сох-
ди эеки э лап хъуырметлүье одомигъой рес-
публикеревоз гъе э сүйфдеи мегъ, чүн екін эз
куынне ветерангъой партия ве холисе комму-
нист. Гуфдире воисде энжэгъ э товун ижи-
ре факт: Соломон Гаврилович е ченд дегъсалы
гІэрे недоре вихде омори секретарь идорей
партияи э жигекор хульше.

— Соломон Гаврилович, эз гъеме омбаре
гъозиегъо, гирошдеттъо э зиндегунишму, ко-
минини лап хуб э ёр ишму мундигъо?

— Эз гъеме хуб?...— сифет ю гүйге товуш до-
ре, вогогьруш сохд ветеран. Екем, э хульше
домундере хуно поисд ве песде гуфди.— 1925-
мүн сал гъеме серворгъой десдей пионери би-
руттъо комсомолчигъоре теклиф сохдебиругут
э Махачкала э семегъине курсъо. Гъе ивэхди,
э мозол иму, оффори ижире шоре гъозие: э
Догъисту омори Клара Цеткин. Э иму тап-
шувьрмиш сохдудыт серэнжом сохим гуфдире и
вохурдеире э клуб фабрик э нум III—Интер-
национал. Дануысденитки эжеиге у? Ме сүйф-
деи вохурдуым э и оғыиле зен, вегирдуым уре
эз гъул, рэхъ сохдудым э клуб. Инжо ме бес-

дүйм э герден ю пионерски галстуке. У пурси эз ме, чуьтам мибу э догъистони: «Зигъо Догъисту!». Ме гуфдирум: «Яшасын Догъистон!» Песде у речь хульдере верасд э ижире гоффьоревоз: «Яшасын Догъистон!» Гъемере лап хъээс омо эзи гоффьой эну. И бу шоре, келе мигИид. Эдембу возире музика. Рэхъбери оркестре эдембу сохде мэгИлуюмлуве композитор Татам Мурадов. Шиновусдейт э товун эну?

...Эз хуней Дагаевгъо вогошденге э дуъл ужире шорини, гүйге себэхь е келе мигИиди. Воисдени зигъисде э эшгълуюмлуве кор сохде э зарблуюмлуве. Ежирейге денишире одоми э имбурузине руз, чуьнки дирени олгъилуви энуре э гъеме торих Ватаневоз, чуьнки эри ме у бенди э чигърет холисе коммунист, келе одомихогъ Соломон Гаврилович Дагаевевоз.

1987-мунь сал.



Музоил Мушаилов

Э ФИКИРЕВОЗ Э ТОВУН ГІЭЗИЗЕ ВАТАН

Чигърет Мушоил Ханухович эриме иллогьки гіэзизи, чуынки у бу сүйфдеи одоми э товун комики ме нульвұсдем сүйфдеи очерк мере эзи чордегъ сал пушоте. Пор э выставка-фурұхден, комиреки энжом соҳди жовоне шекулыкеш Дмитрий Шамшунович Ташаев э кумеки эн Союз художникъи Догъистуревоз, ме вохурдуым э Мушоил Ханухович. У екем ләгъэр бири, чуын одоми эз сер бердигъо гурунде зэгіифире. Оммо чумгъю гьевелинере хуно палаш биругъ ве, гүйге, эдембиругъ товуш эз дорун. И гыисд одолгъие, э гычиш ухшеш нисе зеренигъо товуши — товуши эшгълуыи творчествои. Эриме оморенигъо и товушире зендени энжэгъ элов дүйл эн сигъде, холисе, талантлуюе одоми.

Э гіэрейму гирошд сүйгьбет. Мушоил ихдилот соҳд, ки вихде омори гүфдире секретарь правленией докторстане отделенией Союз художникъи СССР. Ки и пушоғо э текелифи Союз художникъи СССР-евоз дуь художникъо эз Догъисту, э у гіэрепе уш, фуърсоре оморебиругът э Румыния. Сүйфдеи пур-

суш ме э кин эну бу: чуь бу метлеб эни командировка?

— Э и командаировка ме фуурсорс оморебирум э метлеб шинох биреиревоз э искусстввой Румынияревоз, культурни хэзиней румынгьоревоз. Шинох небирен э культурай эни хэлгъевоз келе кемсугини эри художник. Гыч гІэмел нисе оморенигъо кори, чуынки э Румыния омбаруыт лап талантльуе ве мэгІлумлууе шекуылкешгъо, комигьореки фирегъ шинохденуыт э согъ гІульом: Корнелюбаба, Дмитриуску, Андреанеску. Эзуш бэгъэй э Румыния лап омбаре галереягъои, э комигьоки гуырд сохде оморет хэзинегъой гІульомие культура. Инжо веруыт произведениягъой Эль Греко, Пикассо, Матис, Питер Брейгель, Рембрант, художникъойму Кипренский, Айвазовский.

Инжо кура сохде оморенуыт лап гІошире коллекцией шекуылгъой художникъой гъемей гІульом ве эзу товне эри ме лап мерагъуль оморебу сер кешире э и выставке, шинох бире э оригинал эн мэгІлумлууе шекуылгъоревоз. Эзуш бэгъэй Румыния гІошири э архитектурни миросигъой хувшдеревоз. Инжо архитектураре келе гъэйгъукеши доре оморе. Лап омбаруыт э и вилеет гъэдимие монастырьгъо. Эри дошден пенж э гъемей гІульом мэгІлум гъисдуытгъо монастырьгъоре Румынияре доре омори «Суърине сиб» ЮНЕСКО, комики эдее дошде оморе э еки эзи монастырьгъо э Кемплинг. Эз Бухарест бэгъэй э иму бирмундет Буковинареш, е сэгІэт рэхь гъисдигъо эз столица э самолётовоз...

— Чуь эз гъеме хуб мунди э ёр ишму унжо?

— Унжо э иму бирмундет селт мульгІульжузе

памятнике «Ковре воронец», комики сохде омори э десдин усдогъой хэлгъиревоз,—э эшгъульуиревоз гуфди художник.—Те имогьоиш мэгІлуум нисди чуьжире рангъоре мен-фигІэт сохдетге э кор хувьшде гъэднүүсие усдогъо ве очмиш сохде нисе бире сур та имогьоиш э лап хубе овхьолет мундэи нэхуучгъой эну. Ранг эну веркову ве лап назуки, э назушмендиревоз кешире омори. Эзже вегирдет угъо и рангъоре?

Эри ме лап мерагъуль оморе э чуьжире овхьолет жофо кеширенуытгэ художникгүй Румыния, иллогъки э песини салгъо, ме пурсырум:

— Чуьтам гүнжунде омори кор шекуулкешгъо э унжо, чуьжире хэйрлуве синогъире вегирдейт ишму ээ угъо, енебуге чуьжире синогъи энугъоре гэмел миёв эри менфигІэт сохде э кор, меселен, правлений Союз художникгүй Догъисту?

— Имуре хуб гъобул сохдет э Союз художникгүй Румыния ве сернувш Союз Антуан Винету до имуре каталог эн жофогъой художникгүй эн Румыния ве теклиф сохд вихим гуфдире э творчествой комини энугъоревоз имуре воисдени шинох бире. ЖэгІм ю гуфдире. воисде, ки гъобул сохдебиругт имуре ээ дуыли. Ме дорем угъоре омбаре пурсышгъо: чуьтам кор сохденуытгэ художникгүй энугъо, чендгъэдер пул вегирденуытгэ, гүнжунде омореними эри энугъо гъеме герекие овхьолетгъой жофо кеширеи? Эз жугъобигъой эн сернувш Антуан Винету ме сохдум эриме нетиже, ки лап омбаргъоре мидануысдим хуте бире иму ээ угъо. Э вилеет иму, иллогъки э автономни республика, художникгүре унгъэде

гъэйгъу доре нисе оморе э Румынияре хуно. Меселен, жофой художникгъой энугьоре хубе гъимет доре оморе, произведениегъой энугъо рафденут э хубе пул, эзуш бэгъэй художникгъо рази сохде оморенут эз хубе овхъолетгъой зигьисдei ве ешемиши. Союз художникгъой энугъо хъэрекет сохдени эри рази сохде гъеме членгъошуре эз кор — офде эришу хубе, хэйрлуве заказгъо.

— Сульбет эниму эдее гирошде энжэгъ э товун зиндегуни художникгъо, Золгъой томошei, овхъолетгъой жофо кеширеи энугъо,— гуфдирум ме.— Бегем эзи бэгъэй ишму дие гъичиш недирейт, э гъичиш не вохурдейт э Румыния?

— Мере воисдени гуфдире, ки хэлгъ энугъо хуби, жофодусди, имуре гъобул сохи э хъуьрметевоз,— гушди Мушоил э нерме, лошинлуье сесевоз, екем сере жумунде-жумунде, гүгэ рази не бире э меревоз, ки уре нисе воисде ихдилот сохде э товун гъичиш эз зиндегуни художникгъо бэгъэй.— Угъо лап хуб дануьсденыт э товун э вилеет иму гирошденутгъо дегшигъо, эз дуьли гъувот доренут перестройкаймуре. Бухарест лап темизе ве раче шегъери. Зигьисдегоргъой энуре хъэз оморе эз шегъер хуьшде ве и очугъ ведини диренгэ чутам угъо шегъер ишуре гъуллугъ сохденутгэ. Шиновусденге э товун омореиму ве гъемчун художникгъо-авангардистгъо эз Полтава, художникгъой Румыния хьофд руз гердундебируйт имуре э мошингьошуревоз, шйнохунде имуре э вилеет ишуревоз. Угъо гъемчун теклиф сохдуть имуре эри гировунде э вилеет ишу выставкой шекулькешгъо-догъистонигъоре.


Эзумбэгъдоиге Мушоил ихдилот сохд э ме,

ки изму у эдее жофо кешире гуфдире э сер тозе шекуыл нум комики гысд «Сюитай дербенди». И шекуыле у эдее кешире э гүзет сиғъде, гээзизе шегъер гээли хувьшде, эн гээдимие Дербенд. Уре воисдени овурде сбойгеш э ёр гьеме, ки Дербенд—уникальни торихлуюе ве архитектурни памятники, ки у гысд омонети эн торихи согъ вилеет иму. И шегъере дошде гереки гьечи, ки э архитектурай эну гьичиш пузмиш сохде ниёв, чуңкы у гысди торихлуюе ёр эн иму, духовни омонети эн хэлгъ иму.

Творчествой Мушоил гьемише лап мерагълъуни. Гьер произведенией энуре э ченд мэгИнои. Еки — очугъ веди гысдигьо, иму шекуыл энуре э томоше сохдеки, екайге — иму э пушой шекуыл эну ёкем вэхд поисдеки, бинелуюе фикир эн авторе сер гирденки эй верасире. Унигайге — иму ээз усдохоней эну э ведарафдеки, оммо произведенией эну гьеле э пушой чумгъойму гысдики. Увэхди иму сер гирденим эри думит сохде не энжэгъ э товун эни шекуыл, гьемчун э товун чуб фикир хувьшдере жүн доригэ художник и шекуыле э кеширеки. Инжо иму сер гирденим эри томом верасире рачи ве гыметлуын эни произведенияре. Энжэгъ сер гирденим эри верасире, оммо гьеле томом нисе верасиреним (чуңкы эри эйи омбаре вэхд гереки). Сульфделе пой нореним э рэхь, комиреки художник нум норени «соавторство», сгээни эеки с фикире кеширеи, с думите сохдэи ве чуьки, э нубот хувьшде, гысди эхири метлеб творчествой эну.

Гынсмет шекуылгъой эну — мозоллуюе гысмети. Э ёр мени у сульфделе сер гирденгэ эри жофо кешире э сер шекуыл «Баллада э товун

солдат». Э очерк э комиревозки имуре воисдени шинох сохде ишмуре ве комики нульвусде омори эзи чордегь сал пушоте э товун эни шекуыл екем ихдилот сохде оморени. Гъеймотьойки мере воисдени гуфдире э товун гъисмет эни, увэхди сер гирде оморебугъо шекуыл «Баллада э товун солдат». И шекуыл э бара-сиревоз бирмунде омори э се келе выставке-гъо: Гъемесоюзие, Гъемеурусиетие ве зональни. Эхирки уре восдори Министерствой культуры СССР



Хъэёт хүней художник э Дербенд. 1978 г.

Гъемчун э у салгъо, гирошдетгъо эзу вэхдевоз, кейки ме нульвусдем очерке э товун Мушоил Мушоилов кешире оморет ижире келе произведенияго, чуын «Зенгъой Догъисту. Фронт», «Сюитай дербенди», е ченд графически произведенияго, мозаични жофогъо э клуб Каякент ве э фойе Гостелерадиой Догъисту. Гъеме дуьруйже шекуылгъой энуре восдорет жуыр-бежуыре музейгъой виleet иму. Сиротгъой энугъо дефус зере оморет э Гъемесоюзие журнал «Художник». Меселен, мэгІ-луылуюе шекуыл энуре «Хэбер эз фронт» енебуге «Сие шолгъой дедегъо», э товун комиин ихдилот сохде оморени э очерк ве сирот комики гъемчун дефус зере оморебу э верагъгъой журнал «Художник»,— восдоребу э гъемей гүльлом мэгІлуым гындигъо музей «Третьяковская галерея». Эзумбэгъдойге э хъэрекетти директор музей изобразительни мэгІрифетти Догъисту Патимат Гамзатоваревоз, у гиро-вунде оморени э баланс эни музей ве изму эдее бирмунде оморе э столицай республикейму.

Эзи шекуыл бэгъэй, э товун комики иму гъей-сэгІэт гуфдиrim, темай довгІонре э творчествой Мушоил Ханухович эдее зиёд сохде шекуыл «Зенгъой Догъисту. Фронт». Э темашу гуыре и дуль гуызеле шекуылгъоре гэмел миёв норе дуль экин еки. Не энжэгъ э тема, гъемчун э лугъонди фикир, э зурбе художествени усдоети гуыре. Гуфдире воисдени екайгеш. Бинелууье жигере э гъердүү эни келе произведенияго гирдени чигърет эн зенгъо. Мингуиге бинелууье «игид» эн темай довгІо — мери-ди-солдати. Гъелбет э и фикиревоз эй э хъульжет деррафде лап четини. Энжэгъ Мушоил дин-

еш лугъонд денишире э и фикир: у эдее теклиф сохде имуре эй верасире, ки генеш биней гьеме бинегъо зени-дедеи. Чуын бинелуве «игид» эн темай довглои гирошдени у эз шекулыгъой энуш. Э ижире дениширемун келе дузи ве гъэгъи дери. Энжэгъ дедеи, энжэгъ зени гьем гьеме зиндере яратмишсохдегор, гъемиге зурбое дерд, гъэгър (эз сероботи зинdegунире вечерундеи) хурдегор. Эриме оморенигъо э негъогъ нисди ки гьемин Мушоил омори гуфдире э кин ижире фикир, чуынки у лап хуб дануьсде шоре ве тэхъле гъисмет дедегъоймуре. Гъэдур жофогъой ве гъэдур гээрсгъой энуре. Чуытам иму дануьсденимге, зенгъоймуре омбаре гээлгъо биренбируйт. Уне гуьре омбаргъой энугъо э довгло фирсорет е куке нэгл, ченд кукгъошуре.

Художник ебойгеш эдее бирмунде холисе мердьети, э хувьшде гъимиш не сохдеи, хъозур биреи хувьшдени жунгъошуре эй ферзендгъо, шульвергъо ве бироргъо гъурбу сохдеи. Ижире войгелути вери э сифетгъой зенгъо, комигъореки кешири э шекуыл хувьшде «Зенгъой Догъисту. Фронт». Мушоилов. Э и шекуыл эдее бирмунде оморе келе десдей зенгъо, оморетгъо эри доре гьеме чуь ишуре бугъолуве, гъиметлуве чигъо э хуне дериге. Чуь кумскире гене миёсду:т доре и зенгъо? Чуь бу диеш угъоре эзи бэгъэй? Эз дуразе ховсуззе шевгъо бэгъэй, эз согърузине гъэтрси бэгъэй, эз гиснее шугъэм ве келе, дулье пара сохденутгъо гиснее чумгъой соворе гээлгъо бэгъэй? Не энжэгъ суврх не пул (дерд мол-девлет кире гирдебу увэхди эз е ченд пара э инсон ухшеш нисдүйтгъо одомигъо бэгъэй) гьемчун партал тен хувьшдереш хъозур бирант угъо эри доре,

энжэгъ зуте верасуль и хунлууль, гъэзоблуюе довгло, энжэгъ согъ-саламет вогордуть бебэгъо-бироргъошу, шуввергъо-гээлгъошу.

Гьемей эни «хэзиней» хувьшдере «э буйругъи дуыл ишу» гүрье эдете доренуут угъо эе военни парталгъо э тен ю верие одоми. Кини у, чуьжиреи званий эну, сифет эну—иму гъичиреш нисе дануьсденим чуьнки диреним уре эз кемер. Оммо иму эдее диреним очугъэ, раче, могъбуле, жургээтлуюе сифетгъой эн зенгьоре, поисдетьоре э пушой эни военни одоми. У нувьши э сер куьрси э рачей зенгъо ве эдее нувьсууде ки чуьре дорениге. Энжэгъ песьде иму сеч сохденим э ён куьрси дегердунде оморе зиргъултугъие дестекгъой энуре. Изму верасиреним, ки и пойсувзе инвалиди ве ки э чуьжире званиеревозиш не вогошдиге у эз фронт у генеш солдати, чуьнки инжош, э тыл эдее гъэрд солдати хувьшдере веровунде—кумеки сохде э фронт ве э унжо гъовхо берденуутгъо дусдгъо-хьовиргъо хувьшде. Э и шекуыл гүйге гуьрд сохде омори согъ гэульом, дердгъо ве эрклуви инсоньети и, гүйге, гыисд коллективни, мэгэхмие сирот одомигъойму. Эшгъульье, эрклуье, дердименде сифетгъой зенгъо-дедегъо, хэгъергъо-зенгъойму — денишире э комигъоки гъер одоми верасирени: игьоре бесгъун доре нибу, игъо те зинде гыисдуутгъо гъэлхэндүт эри куьнде одомигъошу. Жунеш мидуут, гъурбу мисохут, оммо куьнд, гээзиз гыисдуутгъо одомигъоре э беди нигынлут, нишеноут. Лап хуб верасире ире е тэхъно э шекуыл веригъо мердиш — шувкесте солдат,— комики э дуыл хувьшде эдее келегеди, эрк сохде эз угъо ве эй комики номус оморе эри и эрклуви хувьшдере э угъо бирмунде. У эз дефтер

тъово негирде сере эдее нувьульсде хэт хувшдере. Оммо эз нувьульсдемуын энуш мэгІлуми у хуб верасиренигъо, ки и хэт хьисоб эн пулдевлет нисди, ки и гынд хэт э товун игиди ве мердьети хэлгъ эн иму. Гьеме эз дуыл эни солдат гирошденутгъо фикиргъо, мульгъоре художник бирмунди э ужире зурбо келе талантльуиревоз, ки иму асант верасиреним и одомире, неденишире э у овхьолет, ки диреним уре энжэгъ эз песой кемер ю.

Шинох сохде ишмуре э салгъой зиндегуни Мушоиловевоз, гирошдетгъо эз у вэхдевоз, кейки нувьульсде омори сүйфдеи очерк ме э товун эну, воисдени гъемчун гуфдире, ки у бэхш вегирди э гьеме Гьемесоюзие ве Гьемеурүсие-тие выставкегъо Гэренедоре. Э 1991-муын сал, э сал пенжогъ сали эну, уре эдете теклиф сохде эри гировунде персонъяльни выставкегъой хувшдере э Масков, э Румыния, э Махачкала ве Дербенд. Энжэгъ художнике имид нисди, ки у мидану гуфдире угъоре энжом сохде, чуынки гъэдер у кешире шекульгъо унгъэде омбар нисди. Чуй биё сохде биёв, кейки художеник э мегъгъо ве салгъоревоз жохо кеширенгэ э сер е шекуыл. Ужире хосиет эну, ужиреи жугъодорлууи эну э пушой искусство!

1990-муын сал.

* * *

Еки эз мэгІлумлуюе шогъиргъой Совети э вэхд нувьульсдеи э товун рэхь гуумуьри хувшде мэгІлум сохдебу энжэгъ э товун вэхд Гэили хувшде ве гуфдиребу, ки де гъозиегъойгэй зиндегунию э стихигъо ю верульт гуфдире.

Унегулье имуреш воисдени рэхь творчествой ве зиндегуни мэгІлумлуу художник Догъисту Мушоилов Мушоил Хануховиче э у кешире шекуылгъо гулье ихдилот сохим.

Сульфдеи ведилуу шекуыл, комиреки кешири Мушоил Ханухович гысди «Э ён чешме». И шекуыле у нульвусди чуун жофой дипломи хувшдере э 1967-мун сал, кейки училищай художствой област Маскове верасденге.

И шекуыл кешире оморигъо э тегъер еваше вежегъисденигъо гъово, эдее бирмунде духдергъоре, куунд биренуытгъоре э кин чешмей билогъ. Э шекуыл дери фикир художник, комики эдее бирмунде, ки чешме неки гысди чешмей гІови, у гъемчун гысди гуфдире чешмей шоригъо ве бедигъой зиндегуни. Вединики и шекуыле э кеширеки художник нори э пушой хувшде мэгІной философире, э комики воисди бирмуну гъеме четинигъой гІэрэ недоре раффенигъо зиндегунире, гъэлетеңе ве гурундигъой энуре.

Художник, неденишире э четинигъо, дануусди бирмунде и тарафгъой зиндегунире э у асант верасире биренигъо тегъергъой шекулыревоз э чигърет нежкумусде поисдигъо оғыле зен, эз гІумуыр комики гирошдет гъеме хубигъо ве зобунигъой зиндегуни ве эз комики куунд бире сульфделе э рэхь зиндегуни пой норенуытгъо жовоне духдергъо.

Чигърет келе зен бирмунде омори гъечүү, ки, мигууге, у эдее бирмунде, ки ижириен гуфдире рэхь зиндегуни гъеме одомигъо ве «гъемереш гысди вэхд зенде омори ю, э гъизгъин гІумуыри расириен ве гъемчун мурдеш», чуьтам гуфдирениге Лион Фейхтвангер.

И сульфей шекуыл Мушоил Хануховиче ху-

бе гъимет доре омори. У бирмунде оморебу э Гъемесоузие выставкей жофогъой дипломи хундегоргъой миёне заведениегъой хундei художествои чуын еки эз хубе экспонатгъой выставке. Уре доре оморебу диплом екимуын степень. Эзуш бэгъэй у шекуыл дофус зере оморебу э журнал «Жовони» э гIэрэй шекуылгъой жовоне художникгьо. Увэхди Мушоил Ханухович бу энжэгъ бисдшеш сале.

Гье у сал училищере верасде бэгъдо Мушоил дерафдени эри хунде э академией художествои э нум Суриков, бирени еки эз пушлууье студентгъой эну ве верасдени уре е сал эз вэхд зуте.

Дульмуын дуьруйже шекуыл, комиреки кешири Мушоил Мушоилов гысди «ГIэрүси э дигь Догъистони», комики бирмунде омори э Гъемесоузие выставкей шекуылгъой жовоне художникгьо, верасдетгьо зеверие заведениегъой хунденире. И шекуыл гье э у выставке восдоре оморебу эри гыишде э фонд Академией гIилмгъой художествои СССР ве гъемчун дофус зере оморебу гье э у 1972-муын сал э журнал «Огонёк».

Эз Мушоил Ханухович пульсиренге, ки чуре хуте бири ю э училище ве чуре э Академие, у мугу:

— Э Академие ме хуте бирем шекуылгъоре дузе жире ранг зеренре ве дореи угъоре у рачи, гүнжолуу гысдигьо э тема ве э мэгIной энугъо. Оммо чуын эн гъэгъигъэте художник, усдоетиме э гүнжо овурде омори э училище э кумеки тербиедорегор Авессаян Осип Абрамовичевоз, ме гъэрхундуум эри сер зере э у чуын э пушой тербиедорегор ве гъемиге эн

талантлувье художник, у дори мере. гъэгъигъэ-
те тербией шекуыл кеширеи, хуте сохи эри хуб
виире, дануьсде гъеме тарафгъой зинdegуни-
ре.

У гъемише бири сувфдеи вомухдегор жово-
не художникъю, комики кумеки сохи э угъо
эри офде рэхъ хувшдере, очмиш сохде данани
ве талант хувшдере. Дульмун ме омбар хос-
денуьмъю тербиедорегорме бири художник
Дубличин Александр Михайлович — гузеле
шекуылкеш пейзажи, комики дануьсдебу очмиш
сохде чигърет природаре чуын эн зиндере ху-
но ве и тараф данани хувшдере вомухдембу э
ученикъю хувшде.

Эзуш бэгъэй ме э училище ве Академия ху-
те бирэм асанте жире дануьсдei эри офде жи-
гей шекуыле э гъер куынж э пушой ме бугъо
перде. Мере хъэз оморе дуль жире шекуылъю.
Шекуылъю, кешире оморенуьтъю э диворгъой
хунегъо ве корхонегъо, ве шекуылъюй пердеi,
кешире оморенуьтъю эри музейгъо.

Гъери вогошдим гене э кин шекуыл дип-
ломи эну «Гэруыси э дигъ Догъисту», коми-
реки у кешири Академией художествоире ве-
расдигъо сал.

— Согъ гъемей эни шекуыле ме кеширем э
сипре рангевоз, — эдее гуфдире Муроил Ха-
нупович, — чуынки э фикирмеревоз сипре ранг
гъисди ранг шори ве мигиди. Унегуьре пар-
талгъой гъеме бэхшвегиргъой Гэруыси сипре
парталгъоют. Мере воисдени гъемере бирму-
нуьм гъечувь, чуьтам ме диренуьмге Гульоме
ве гъемчун ме хъэрекет сохденуьм эри межбур
сохде дениширегоргъоре, угъош винуьт гуф-
дире Гульоме мере хуно.

Ме хыисоб сохденүм, ки бинелуье гъэрхунди гъер художник гысди гуфдире бирмундеи Гульом ве зиндегунире ю диренигьоре хуню ве межбур сохдеи винирегоргьоре, угъош юре хуно винуыт гуфдире зиндегунире.

Э шекуыл «Гээруьси э дигь Догъисту» эдее бирмунде оморе, чуьтам гировунде омореге гээдотгъой гээруьси э Северни Қавказ, чуьтам э шоре тегъеревоз сер гирде оморениге тозе зиндегуни, зиндегуни тозе гүнжо оморе жовоне кифлет.

Э и шекуыл эдее бирмунде оморе, ки эри хуби-зобуни зиндегуни эни жовоне кифлет мигуиге жугъобдорлуюнтыг гъеме бэхшвегиргъой гээруьси. Дигь эдее бирмунде оморе чуын е кифлет ве гъер дигьбонире воисдени зиндегуни эни жовоне кифлет бу гуфдире хушбэхде зиндегуни.

Шор ве хуромуыт бебе-дедей домор, зиндегуни комигъоки асант негироши. Угъо домор сохдет келei куке, поисдигьоре э ён бебешу э зен ве гээил хувшдеревоз, комигъоки хъозурут эри э шори ве дульхогъиревоз гъобул сохде э кифлет ишу тозе одомире. Оммо гъеме гошири дуль бэхшвегиргъой гээруьсире художник эдее бирмунде э хуб верасире биренигьо тегъеревоз, мигуиге авториш гысди еки эз бэхшвегиргъо ве э угъоревоз эеки эдее шори сохде эз хубе гъисмет энугъо. Гуфдире гереки, ки э шекуыл десдей духдергьеш, комигъоки оморенуыт э песой гээруьс не домор, бирмунде омори чуын лап герекие жирей гээдот. Э десгъой духдергъо деруут дегесунде лампе, гузги, шэгимгъо ве диеш. Мушоил Ҳанухович чуын рэхъ реалистире рафденигьо художник, дануысди бирмунде э шекуыл жуыр-бежуыре

хосиетлуын эн бэхшвегиргьой гээрийн Гээрийн: Гээйбкеши, дуульши, возихогын ве дисш. Ижире тэгье шекуул кеширеире мидануу гүнж овурде энжэгт гээгтийгээ талантлув художник.

Э хээвслууриевоз бирмунде омори гъемчун шекуулгьой зерегоргьо. Инжиге художник эдее бирмунде, ки зерегоргьо унгъэдер эри хэлгъэ шор сохде герек нисдүйт э гээрийн Гээрийн, ченгъэдер герекуяа тэгье эри э товун эни шоре межлүүс эй э гъеме мэглүүм сохде.

Э мерагълууриевоз бирмунде омори гъемчун хушай онгуриш, комики дуллуни э ён дерхуне. Расире хушай онгур эз е тараф гъисди нишон расиреи жовонгьо, эн егээни Гээрийн Гээрийн ве домор эри сер гирдэишүү зинdegүүни кифлетире, эз е тарафиже у гъисди нишон эну кор, ки Гээрийн Гээрийн не домор у онгур ширина гъисдигьоре хуно гъечувь ширина бошут гуфдире дуль эри еки согъ Гээрийн ишу.

И шекуул Мушоил Хануховиче дире, Академией Художествои СССР тапшуурмиш сохдени э у кешувь гуфдире шекууль эз зинdegүүни колхозчигьой Дербенд. Э 1973-муун сал Мушоилов Мушоиле теклиф сохдендүйт э Махачкала эри кор сохде э сенигээт тербиедоре-гор эн коргьо шекуули ве композиция. Гье у сал э Махачкала омореи у сер гирдени эри жохо кешире э сер шекуул «Онгурбогъдоргьой Дербенд». Гъемчун гье у сал у сер гирдени эри хъозур бире э кин зональни выставке «Юг Совети», комики гировунде оморени э чор сал е гиле эри художникгьой Қабардино-Балкария, Чечено-Ингушетия, Ростов, Северни Осетия, Догъисту ве дисш. Э и выставке, комики гировунде оморебу э шегье Орджоникидзе.

кидзе бирмунде оморет дуль шекуългъой эну «Онгурбогъдоргъой Дербенд» ве «Кучей Дербенд».

Э шекуъл «Онгурбогъдоргъой Дербенд» эдее бирмунде оморе темай жофо. Инжиге автор эдее бирмунде, ки жофо, неки гъисди шори зинdegуни, у гъемчун гъисди мэгІной согъ зинdegуни одоми. Э и шекуъл Мушоил Ханухович эдее бирмунде чуьтам богъдоргъо эз кор оморенуытгэ шори сохде эз ишу веровундетгъо бегъер ве эз софолуье жофошу. Угъю шоруыт, чуынки дануысденуыт, ки жофошу гереки гуфдире одомигъоре ве бегъергъой жофошу овурдени эри одомигъо шорире. Чуынки эзу кор шорте ве зиёдте, кейки туль дануысдени жофой туль одомигъоре гереки гуфдире...

Унегуыре шекуъл кешире омори э жуърбежуыре рангъоревоз ве э у шекуъл дениши-реки, одомире воисдени гую, ки автор эни шекуълеш ихдиёри эри гуфдире, ки жофою одомигъоре гереки гуфдире ве эри энугъо овурдени шорире. И шекуъле гье эз выставке восдори Министерствой культуры СССР ве дори рекомендация у бирмунде биёв гуфдире э Гъемеурусиетие выставкой шекуъли «Урусиет Совети э 1975-муын сал». У шекуъл бирмунде омори э Центральни зол томошней.

Гъемчун э товун темай жофон нульвуысде омори шекуъл эну «Жоване ватан ме», коми-реки гье у сал восдори Министерствой культуры СССР. Гъемчун у сал Мушоил Хануховиче гъобул сохденуыт э жергегъой Союз художникгъой СССР.

— Э выставке, — эдее гуфдире Мушоил Ханухович, — ме винируым кими кемсүрги-

гъой эни шекулье. Э гъирогъ шекуль веригъо зен мигуиге екем эдее поюнде рэхъ рафдеире, оммо гъичиш сохде недануьсдум чуынки шекулье гъелуьсди восдоруьт.

Неденишире э кими кемсуьгигъо, шекульгъой эну бирмунде оморет э Гъемесоюзие выставкой шекули «Гъузетлуюни жофо». Гъемчун э хъэвесьлуюревоз нувуьсде омори шекуль эну «Кучей Дербенд». Э и шекуль эдее очмиш сохде оморе хосиет шекулькеш чуын хосиет ватанхогъ, эри комики бугъолуюни гъер одоми ве гъер куынж Ватан. Э и шекуль эдее бирмунде оморе еки эз кучегъой гъэдимие бэхш Дербенд.

Э шекуль веруьт экуынди бисд одомигъо, оммо дениширегор омбаре одоми биреире сеч нисе сохде, чуынки чигърет гъер одомире художник бирмундени э жайлее метлеблуьревоз.

Эз пишней бэгъдои. Э шекуль офдо не ве-ригеш, дениширегор э мэгІрифетлуюревоз эдее дире герми шолуме зиндегуни одомигъоре, дульгъой комигъоки эри дуль-еки ошгори. Чутам дануьсди автор ижире тегъер кешире шекулье? Эричү дениширегор ижире мэгІрифети вегирде?

И шекуль гъисди э товун шолумие зинде-гунд одомигъо, эри комигъоки гъем «хуне» ве гъемиге «куче» ежире гъиметлуюнүт. Угъо э кучеш гье ужире тегъер гирденүт хуьшдере э хуне гирденүтгъоре хуно. Ижире тегъер кеширеи шекулье дорени минкини эри бирмунде дуль одомире, герм сохде уре.

Э шекуль дениширенге, одомире воисдени

гоф соху э унжо верультъо одомигъоревоз, вози соху э гЭэилгъоревоз эз школе оморенультъоревоз, нуышув э сер тукунеи э ён келе зен енебуге гирору эзу куче. Эхирки воисдени дениширегоре дебошу э гЭэрэй эни шолуме гермедулье одомигъо.

Энжэгъ дананменди художник доре имуре минкини эри куынд бире ве гъериш бире э овхьолст шоре зинdegуни энугъоревоз.

Ведилуье жигере э творчествой Мушоил Ханухович гирдени шекуыл «Хэбер эз фронт» енебуге «Сиегъ шолгъой дедегъо», комиреки у нуувуьсади э гүүзет 30-сали Бузуурге Бесгъуни хэлгъ совети э Келе довгий Ватани. И шекуыл бирмунде оморебу э выставкой «30-сали Бесгъуни», комики гировунде омобребу э шегъер-игид Волгоград.

Э и шекуыл э дананмендиревоз бирмунде оморе еки эз тенге кучгъой Дербенд, э ён е хуне кура биретгъо зенгъо. Э дес еки энугъо дери векенде не оморе конверт. Оммо дениширенге э могъбуле сифетгъой зенгъо, э дульпесоиревоз эз угъо куньд биренультъо зенгъойге, гюжизе тэгъер поисдигъо гЭэилле ве неме, хинике гъовой поизи мэгИльми, ки одомигъо терсиренуыт векенде когъозе, чуники у мидануу овурде беде хэбере.

Томошесохдегор эдее дире, ки гьеле мэгИльум нисди гуфдире чув вериге э когъоз, оммо э шекуыл дениширенге уш бирени дульпесо. Эз Волгоград шекуыл «Хэбер эз фронт» берде омори э Москвэ э выставкой «Урусиет Совети», эзжеки уре восдорет ве дорет рекомендация эри бирмунде э Гъемесоюзие выставке «Гүүзетлуни жоффо». Шекуыле «Хэбер эз фронт»

хубе гъимет доре омори неки э вилеет иму, тъемчун э ГъемегIульомие выставкей жовоне художникгъо, комигъоки гировунде оморебу э Болгария э гIуьзет 30-сали Бесгъуни дореи фашизмаре.

Мушоил Ханухович нори э пушой хувьшде гъэрхунди эри зиёд сохде темай бирмундеи тэхълигъой довгIоире. Пенж мегь зиёди у эдее жофо кеширс э сер шекуыл «Баллада э товун Солдат». Э миглей шекуыл вери селдат э очугъэ шолумие сифетевоз. Э хори норе омори пейлей гIов, э сер комики вери е кесегле нун. И пейлей гIов ве кесег нуне недиренге, гъечувь мивараси, ки э иловлей солдат поисдетгъо одомигъо эдете уре э довгIо рэхь сохденуыт. Эз сифетгъой энугъо дуylлесо, гъеажонлуу ве могъбул гъисдүйтгъо гъеебо сеч сохде, верасире нисе бире: и могъбулире э дуyl энугъо хэбер солдат қувьшде омореи зендиге, енебуге у гъисд могъбули солдате э довгIо рэхь сохдэй. Ире верасире нисе бире эзу товне, ки чуьжиреш нисдиге себеб эни могъбули очугъ мэгIульми: довгIо—ульуми, гIэжели—келе бедини эри гъеме чуь зинде гъисдиге э гIульом. Денишире э гъеле бегъем кешире не оморе шекуыл, Мушоил Ханухович мугу:

— Ме норем эйме, ки жун хувьшдере эри Ватан норигъо солдат, биё дебу гуфдире э гIэрэй эни гирисденуытгъо зенгъо: жонлуу, гъувотлуу, шор ве очугъ—чуьтам у мундиге е

ёр дусдгъо ве шинохгъой хувьшде. Э парталгъой эну не веруыт нишонгъой тэфиглэти. У гъисди еки эзу омбаре солдатгъо, комигъоки гъетте Ватан огол зерс, поисдет э гъэлхэнди эну.

Э гъемс гъувот талант художники хувьшдеревоз Мушоил Ханухович э и шекуыл эдее тогийн сохде зиндегунире э гъичиш неденишире, сглени, чуьтам у гъисдиге.

Дульимуын съезд художникгъой Догъисту, комики гировунде омори э мэгье декабрь 1976-муын сал, вихди уре член правленией художникгъой Догъисту. И пушогъо Академией Художествои СССР э у тапшуурмиш сохи нувууьсүү гуфдире шекуыл э гүүзет 60-сали Бузуурге Октябрь.

Имисал, пенжимуын февраль э Масков вокурде омори Гьемесоюзие выставке, э комики бирмунде оморет шекуылгъой художникгъой Союз Совети сер гирде эз сүйфдэи салгъой хулькумет Совети те имбурузине рузгъо э гүүзет 60-сали Бузуурге Октябрь. Э гээрэй шекуылгъой мэглүүмлүүе биненорегоргъой художникгъой Совети гъемчун вери шекуыл жовоне художник Мушоил Мушоилов «Гээрүүси э дигь Догъисту».

И келе барасини эри эн жовоне художник. Оммо э эхир эни очерк мере гуфдире воисдени, ки гъеле зиндегуни, гэдотгъо, жохо ве торих хэлгъиму бирмунде не оморет э ше-

кульгъой художникгъо. Унегульре имуре, эз талант Мушоил Ханухович хъэз оморогоре одомигьоре, воисдени у оффу гуфдире ужире тозе сюжетгъо ве образгъо, э комигъоки бирмундэ миёвт жуьр-бежульре тарафгъой зинде-гуни хэлгъ иму.

1976-мунь сал.



Пинхъос Абрамов

МОЗОЛ ИНСОН Э ЖОФО ДЕ

Руз 7-муын декабрь 1973-муын сал хуб мунди э ёр жофокешгъой совхоз «Ленинский» район Дербенд. У руз э гүзээт э буульынде барасигъоревоз бегъем сохдеи салине гъэрхундигъоре ве вечиреи буле бегъергъой онгууре э клуб совхоз гирошдебу гүрдлеме, э комики бэхш вегирдебу член Президиум Верховни Совет Догъисту, оморебугъо эри доре наградегъоре жофокешгъой совхозе.

У руз ээз расдиш миглиде хуно бу. Рач вераюнде оморебу клуб совхоз. Э дивор сэгнэй клуб вебу келе сирот В. И. Ленин, гъирогъгъой комики вераюнде оморебу э гъирмизине лентевоз. Э пойней Президиум норе оморебу гъэрзинкэгъо э гуялгъоревоз ве э зевер вебу транспорант гоффьоревоз: «Гүзээтлууньт жофокешгъой совхоз, вечиретгъо буле бегъергъой онгууре!» Э зол нувшдегоргъо эдембируут дуяекиревоз мэхсере сохде, хэндуусде ве э ёр овурде гъозиегъоре, гирошдетгъоре э вэхд богъчирегъо.

Гүрдлеме вокурде омо. Директор совхоз ихдилот сохде бэгъдо э товун барасигъо, э комигъоки расирет имисал жофокешгъой сов-

хоз, гоф до член Президиум Верховни Совет Догъистуре.

— Верховни Совет Догъисту тапшуьрмиш соходи э ме,—мугу у,—эри дорс э ишму наградагьоре. Эри ченд сал ГЭре недоре, э жобордиревоз жофо кеширеи, эри вечиреи булувнде бегъергьой онгуре ве бирмундэй хубе нишоней жоборде жофоре орден Гъирмизине ГЭлэм жофон эдее доре оморе Абрамов Пинхьос Нафталиевиче.

Э сес келе чекгъо зереи э кин Президиум куынд омо лэгъэрэ, миёнее раче балае, огынле мерд. У шори хульшдере пэхьни нисе сохденбу, э ловгъой ю хэнде вебу.

Гъэгъигъэте, келе мигиди имбууз эри Пинхьос Нафталиевич—у сүйфдеи одомини э совхоз, комиреки доре омори ижире бульшунде награда. Бригадай эну вечири гьевдэгь тонн дивисд кило онгур сери гектар. Те умогъой э совхоз «Ленинский» э ижире барисигъо екиш не расиребу. Келе барасини. Гурунд бу рэхь расиреи э у. Сал-бесал рафди Пинхьос Нафталиевич э кин эни бааси. Евош-евош зиёд сохде хэйрлууи жофоре, данани усдоетире. Эз сер себэхь те торики шохьонгум гировунде руз хульшдере у э онгурбогъю ве гъуллугъ сохдени гьер тегъенге. Бегем гьеме гурундингъой жофон онгурбогъдоре гуфдире мибу?..

Пинхьос Нафталиевич поисдебу э пушой президиум. Э синей эну эдембу шевгъ доре тозе орден. Сифет юш, у ордене хуно, эдембу товуш доре. Э у е ченд дэгъ-дэгъэ, комигъореки у гировунди э кин президиум, эз пушой чумгъюю гирошд мигуиге гьемей рэхь зиндегуни эну, гурунде ве мозоллуюе рузгъой

зинdegуни жофои. Эз кон дуль энү эз хувьшде ведироморуыт гоффъо:

— Согъбошиит эри ижире бульувнде гъимет дореи жофой мере. Кей, э коми вилест гъечи гъиметлүү бири жофой корсохе одоми? Ко-сибе бебейму согъ гүймүр хувьшде кемере хуърд соходи эри гюширгъо ве гъич не винири бегъеме софой жофой хувьшдер. Мере ки эри эни жофойме доре омори ижире бульувнде гъимет ве унгъэдайге хуърмет. Гъейсэглээт, кейки шори ве эрклүүи пур соходи дульмере, мере воисдени гуфдире, ки ме мивенүүм гъеме гъувотгъоймере эри э верзирениревоз жугъоб доре э и бульувнде ихбдиборлуу...

Гоффъо, гювгъой. эз дөгъ риҳденигъо нүүкөрө хуно, эдембируыт риҳде эз дуль Пинхъос Нафталиевич.

Бебей Пинхъос Нафталиевиче, Абрамов Нафтали Абрамовиче бирыт хъэшд гээлгъо. Хувьшдени Нафтали Абрамович те революцией Бузуурге Октябрь бире, жофо кеширебу э ветэгъгъой жэгли. Гурунде кор вегирдебу гъеме гъувотгъой энуре, оммо у эри гээлгъо, сирое нун расунде нисе дануысдембу. Песде колхозгъо гуърд соходе оморе бэгъдо, у рафдёни эри жофо кэшире э колхоз «Дусди». Оммо чуыш бисдоге, гурунд бу эри зигъисде. Эзу хотур дуваздегь сале Пинхъос рафдени эри кор соходе э артель бондури «Гъирмизине Октябрь», комики эз песи гъериш биребу э комбинат консервсочи. Неденишире э кеме салгъой гүймүр хувьшде, у хъэрскет сохдембу эри жофо кешире борембор э келете хьевиргъоревоз, эз хотур чуьки угъоре лап хъээс омо эзи жофохогье гээл, кор сохдембугъо э жургээтлүүи ве эшгъэвээз.

Э 1939-муын сал Пинхъос Нафталиевич рафдени э солдати ве э унжо эри эну фуърсоренут гӯзистлуе грамотей Верховни Совет Догъистуре эри стаханович биреи ве доренут э у и грамотере э пушой жергей солдатъо. Увэхди воински часть энугъо поисдебу э Чарджау. Эзунбэгъдоиге у гъуллугъ сохдени э Ташкент ве Ашхабад.

Экуйнди хъэшд сал гъуллугъ сохи у э жергегьой Армией Совети ве энжэгъ э 1946-муын сал вогошдени э хуне. Гье э у сал дерафдени у эри жофо кешире э колхоз э нум Ленин, эжеки сохдени сенигІэт бондурире ве гъемчун жофо кеширени э онгурбогъгъой онгури.

Эз 1950-муын салевоз уре норенут бригадир. Э бригадей эну дебирут шасд-хъофдод корсохгъо, чуьки увэхд э колхоз экуйнди гъеме коргъо сохде оморебирут э десевоз ве унегууре бирут лап келе бригадгъо. Хубе сенигІэткор ве гъэгъигъэте рэхъбер Пинхъос Нафталиевич пушово бердс бригадей хуьшдере ве ченд салгъо гээрэе недоре вегирдени сүйфдэй жигегьоре.

«Хорире эз жофо ве гъэйгъу хъэз оморе ве энжэгъ уре хуб гъуллугъ сохденге, жугъоб доре у э буле бегъергъоревоз»,—э и гоффой Пинхъос Нафталиевич дери бинелуе мэгІной жофой хоригъуллугъсох. Пинхъос Нафталиевич гъэгъигъэтиш эз дуль ве э мутьбетлувиревоз гъуллугъ сохде хорире, комики жугъоб дорени уре э буле бегъергъоревоз. Э кифлет эн Абрамовгъо гъеме онгурбогъдоргъо бирут. Келei бирор Пинхъос—Исай Нафталиевич, комики нори жун хуьшдере э Келе довгІой Ватани, бири еки эз сүйфдэй агрономгъой колхози. Э Дербенд Пинхъос Нафталиевичиш

венорсни гъсме данани ве хъэрекетигъой хувш-
дере эри сал-бесал зиёд сохде бегьеrlуыи
энуре.

Гъеме салгъо гээре недоре у бирени бэхш-
вегир Выставкей Бараснгъой Хозяйствой Хэл-
гъи СССР, чүн бригадир пушолуье бригада.
Э 1949-муын сал уре доре оморени медаль
эри гүзэл жофои, э 1964-муын сал—сэгэлт
суурхи. Эзуш бэгъэй уре доре оморет жуур-
бежууре нишонгъо: «Отличник богъдори ве
онгурбогъдори», «Бесгъунбер бэхъс социалис-
ти», «Отличник промышленность хуреки эри
верзүүши» ве диеш. Ижире бэхшгьо лап хуб
бирмунденуут э чуҗире эшгъэвээз жофо ке-
ширигэ согъ гүймүр Пинхьос Нафталиевич.

Э хунай Пинхьос Нафталиевич, э е жергэ
э лап буульянде наградагьоревоз эeki, э мү-
гъюетиревоз эдее дошде оморе телеграммей
рэхъбер гуурдномей «Дигвино», комики фуур-
сори эри эну омбаракбуире э гүзэл вегир-
дэй буульянде наградей хуулькумети—орден
Гъирмизине гэлэл жофирие.

Иму кутэхъэ тэгьеr ихдилот сохдим эриш-
му э товун рэхъ жофои Пинхьос Нафталие-
вич Абрамов тэ у руз, кейки уре, сувдсан одо-
мире э совхоз «Ленинский», доре сморебу ор-
ден Гъирмизине гэлэл жофои, эри барасн-
гъой 1972-муын сал...

Гъеле э 1939-муын сал, э вэхд кор сохдэи э
консервгъо сохденигъо завод, гъеждэгь сале
Пинхьос гъобул сохде оморебу э кандидати эн
член партии Коммунисти Союз Совети. Э
1941-муын сал, э лап гурунде вэхд эри гъемэй
хэлгъгъой вилеest иму, партии Коммунисти
гъобул сохдени уре э жергэгъой хувшде. Эз
умогъюевоз Пинхьос Нафталиевич чүн сигъ-

де кук партия э гІузытевоз бегъем соҳди тапшурмишигъой энуре. Э 1973-муын сал партийни организацией совхоз тапшурмиш соҳдени э у, кумеки соҳу гуфдире э пес мунде бригадей хъэвуъжверовундегоргъо. Се сал жофо кешири Пинхъос Нафталиевич э и бригаде. Се сал гІэрэ недоре, гъимиш не соҳде не гъувот, не вәхде у венорени гъеме хъэрекетигъо ве дананигъой хуьшдере эри зевер соҳде бегъергъой хъэвуъжгъоре. И пес мунде бригада расирени э хубе барасигъо ве э рэхъбери Пинхъос Нафталиевичевоз дуввойне зиёд биренуыт бегъергъой хъэвуъжгъо. Эри буле бегъер помодуре вечиреи э 1975-муын сал бригадере доре омори сеимуын жиге э гІэрей хъэвуъжверовундегоргъой гъемей район Дербенд. Ини буълувунде гъимет жоборде жофо ве ини верзирение бараси.

Э бригаде, рэхъбери комиреки соҳдени гъеймогъой Пинхъос Нафталиевич, чуын э е дусде кифлет жофо кеширенуыт одомигъой жуърбежуъре миллетгъо: урусьо, даргингъо, табасарангъо, азербайджангъо, татгъо. Э эрклүйревоз ихдилот соҳде у э товун пушолуье корсоҳгъой хуьшде: Гракун Николай, Мацаева Асият, Ирмияев Егъутил, Халатаева Вера, Магомедова Сапият, э товун куъгъне корсоҳгъо Мигиров Илошим ве Мигиров Одом. Гъемей энугъоре гуърд соҳди э иловлей хуьшде Пинхъос Нафталиевич ве гъечув гуънжунди коре, ки куъгъне корсоҳгъо, дананменде онгурбогъдоргъо кумеки соҳут гуфдире э жово-не корсоҳгъо.


ГъейсэгІэт Пинхъос Нафталиевиче тозе фикиргъои. Эз гъеме пушоте сувфдеи гъэрхунди, комиреки у нори э пушой хуьшде гъисди зе-

вер сохдеи бегъерлуын төгъенгъоре. Эзу хотур у лап хуб верасире чуьтам гөрекиге гьеймогъоине онгурбогъдоре буылувнде даанани. Гье-ле э 1936-муын сал, неденишире э чуыл зиёдте биребугъо салгъой гүймүр хувшде, у де-рафдени эри хунде э заочни отделенией тех-никум хоригъуллугъсхи ш. Дербенд. коми-реки верасдени э 1968-муын сал.

Директор совхоз э нум Алиев Нариман Алиевич эз Франция ве Америка вогошденге, кими хозяйствогъой республикайму сер гирденуыт эри тозе жире гүуллугъ сохде онгурбогъоре, э хотур чуьки гүйндуыр сохденуыт поегъой төгъенгъоре ве фирегъ сохденуыт гэ-релугъ жергэгъой энугъоре. Э и төгъеревоз экуйнди дуль гиле зиёд бире бегъерлуын гьер төгъенг. Сульфде эз гьер гектар вечире миомоге сиздэгь-гьевдэгь тонн онгур, изму вечире оморебу эз бисд те сивпенж тонн. Меселен, сульфде э гьер төгъенг мивебисдоге е бисд хуше, изму вебирени те хъэшдод хушегъо.

Эзу хотур Пинхьос Нафталиевич э разименди рэхъбергъой совхозевоз сер гирди эри гиро-вунде төгъенгъоре э ижире төгъер гүуллугъ сохдеи. Чувь бегъер мидуытгэ и тозе төгъенгъо, мэгэлүүм мибу. Оммо э иму гьеймогъоиш мэгэлүүми, ки Пинхьос Нафталиевич гыич э е жиге нисе поисде-гьемише э рэхь дери ве эдее хъэрекет сохде эри пушово рафде. Эзу хотур гьер руз жофои эну гыисди мозоллувье руз зиндегуни.

1978-муын сал.



Яков Нисимов

ДАНАНМЕНДЕ РЭХЬБЕР

Пушой сер гирде и очерке э товун директор совхоз «Рэхь Ленини» район Дербенд Нисимов Яков Пинхьосович воисдени гуфдире э товун гъиметлуье нофугъой зиндегуни—э товун нун ве хори, э комики нун вероморени ве э товун одоми и хорире гъуллугъ сохденигъо.

Кор унгъэде э у недери, ки Яков Пинхьосович хосдени хорире. И коре асанте жире мибу верасире, чуынки гъемей зиндегуни эну бенди э хориревоз, кор омбардекиш э у вери, ки Яков Пинхьосович эз дуьли хосдени у одомигъоре, комигъоки гъуллугъ сохденуть и хорире ве эдее сохде гъеме эз дес ю вероморенигъоре эри гюширте, рапте, хъэвслульте-хушхъоллуве хушбэхд сохде зиндегуни энугъоре.

Рэхь верасиреи хорире, рэхь хосдени хорире — дуразе ве асант нисдигъо рэхьи. Эге гуфдируйтге, ки е одоми гье ебо гъисс сохи мульгъбетлуурие э кин хори недануьсде уре, эрэгъ тигъи несохде эри эну, жофо некешире, дэгээм гурунде ве ширине бегъер юре недире, неверасире, ме гъич вэхд э у кор бовор нисо-

хум. Гысебо не омори э кин Яков Пинхьосович мульбетлууи э кин хори.

У хъэсуул омори э кифлет пойвокудух, эжеки эзу бэгъэй бирукт хъэшд гээнлгэйгеш. Мэгилуум гысдигьоре хуно э кифлет татгьо гьемише омбаре гээнлгэй бирукт. Пинхьос Нисимович келе сохи хъэшд гээнлгэйоре (келий кук, Нисим, нори жун хувшдере э гъовх э гъэршүй хунхуре нэглэлтлүү фашистгээ э майдугьой Келе довгий Ватани) ве пенж эз угъо тербие вегирдээт э заведенигьой зөверие данани.

Э гурунде салгыой Келс довгий Ватани чордегь сале Яков жофо кешири гогь э завод консервсоги Дербенд, гогь э завод бондури Белиджи. Песде гье э вэхд довгий э 1944-муун сал бэгьем сохдени хундэи хувшдере э техникум хоригъуллугьсоги Дербенд ве э эхир довгий жовоне агрономе фуурсоренүүт э дигь Орта-Сталь Сүлейман-Стальский район. Хъэвесс эри жофо кешире омбариш буге, оммо данани вес нисе сохдембу, чуники довгийбэгъдоине вэхд э пушой хозяйствой хоригъуллугьсоги норе оморебу лап келе гъэрхундигь ве герек бирукт тозе эз гьевелине омбардане сенигээткоргьо, эзу хотур гье э 1945-муун сал Яков дерафдени эри хундэ э институт хоригъуллугьсоги ш. Орджоникидзе э факультет майвохъэвуужверовундэи ве онгурбогьдори. Инжо у хуб верасире, ки хори очмиш мисоху гуфдире дуль хувшдере, энжэгь эри жофохогье одоми, комики хувшдени ю венорени дуль хувшдере э кор хорире гъуллугь сохдэи. Эзу хотур гъер сал эз вэхд зуте доре экзаменгьо ве зачётгьой хувшдере, у оморени эри жофо кешире э сов-

хоз «Джимикентский», кор сохдени э онгурбогъю ве э бисдугъю. Қелете онгурбогъдоргъю ве хъэвуъжверовундегоргъю дире хъэрекести ве жофохогы энуре, хогьиши энуре гъсметарафлую верасуь гуфдире фендгъой веровундеи хубе бегъере, доренуыт э у синогъи коришуре, хуте, вердиш сохде уре э кин хори.

Э 1950-муын сал институте верасденге, Якове фуърсоренуыт э Павловский район эн Краснодарский край. Уре бу хубе данани ве синогъи кейки, у жофо кешири э еки эз колхозгъой эни район. Э и вэхд рэхъбергъой колхоз ве рэхъбергъой идорей партииен район винируыт, ки Яков Пинхъосович гъисди гуфдире неки дануьсменде сенигІэткор, гъемчун коре гуынжо овурде ве рэхъбери сохде дануьсденигъю одоми. Унегуыре уре норенуыт рэхъбереки эз келе МТС-гъой Краснодарский край.

Корсохгъой МТС, кор комиреки рэхъбери сохдембу Яков Пинхъосович, жофо кеширем-бируыт э пенж дуьрьужде колхозгъю, э комигъюки дебируыт сади пенжогъ гъозор гектар зимигъю ве бисдугъю. Унжо дебируыт сади хъофдодпенж тракторгъю, хъофдод комбайнгъю, сади пенжогъ де мошингъойге. Э вэхд кор сохдеи эн Яков Пинхъосович, МТС биребу диш гужлую, вокурде оморебируыт е ченд тозе келе гъеймогъоине гаражгъю, автомастерскойгъю ве диеш.

Яков Пинхъосович гъисди еки эзу дультиже, гъинорменде одомигъю, комигъюки е минутиш э е жиге нувьшде нисе дануьсденуытгъю. Эжеш кор не сохдге, у биё дануь коре эз гъеме тарафгъю, винуь э чумгъой хувьшдеревоз, дес зенуь, дануь гурунди-сукиюре, хубигъю ве кемсүгигъюре. И гъисди бинелуые чигърет эн

хосиет эну, чүн коре гүнжо овурде данульс-денигъо рэхъбер. У гыч нигую: «И корме нисд». Урс э гьеме коргъо кори.

Рэхъбер МТС гысдики, у сер гирдени эри фикир сохде е фенд офу гуфдире эри дураз сохде «Гыльмуър» мошингъоре. Кор МТС зобу небугеш, омо Яков Пинхъосович рази небу эз кор эну. Омбаре гилегъо рафдембу у э зимигъо эри денишире чуьтам кор сохденультге комбайнгъо, эз чуь хуърд биренультге механизмгъой энугъо. Гьечи э дениширемун механизаторгъо дуз кор сохдембируйт, чүнки комбайнгъо вэхд эксплуатациешу неварасде хуърд нисе бирембируйт. Оммо дуыл Яков Пинхъосович боворинлуву бу, ки вэхд эксплуатацией энугъо лап кеми гуфдире ве уре мибу зиёд сохде гуфдире, фенд ю офф омоге. Ве и фенд и чорере у оффдени...

Фирегъуне зимигъой Краснодарский край ченд сал гээрэе не доре кутон зере оморембируйт энжэгъ э е тараф. Унегууре э угъо омбаре чоле-чухуригъо дебиренульт, эз чүкки комбайнгъо зу хуърд бирембируйт. Яков Пинхъосович дорени меслэхъэти эри гировундei кутон зеренре э тозе тегъеревоз эз дуу тарафгъо, чүкки дуз сохде хоририе. Ижирие тегъер кутон зеренре сүйфде э кор венгесде оморени э колхоз «Урусиет Совети» Павловский район. Хэйрлууи эну очугъ веди биренгэ. И тозе тегъер хоририе гъуллугъ сохдеи дорени неки минкини эри дураз сохде «Гыльмуър» механизмгъоре, гьемчун зевер сохде бегъерлууи хоририеш. Эз дуу-се салигэ тозе тегъер хоририе гъуллугъ сохдеи э кор венгесде оморени э гьемей Краснодарский край. Эри тозе тегъер кутон зеренре э кор венгесдеи Яков Пинхъосович

Насимове доре оморени сүйфдеи орден «Знак Почёта».

Эзу вэхдевоз Яков Пинхьосович жофо кешир и э ченд жигегьо: у бири начальник Управленией хоригъуллугъсохи эн Павловский район, жигегир сернувш исполком, начальник инспекцией хоригъуллугъсохи. Омо э 1958-муын сал, жугъоб доре э оголзереи мэглүмлүье хоригъуллугъсох Гаганов, у э войгей дуыл хувшдеревоз рафдени эри рэхъбери сохде пес мунде колхозе «Эри шолуми ве жофо» ве э кутэхъэ вэхд ведировундени уре э жергей пушолуье хозяйстввогъой район. Э и вэхд у чор бо бири бэхшвегир Выставкай Барасигъой Хозяйствой Хэлгъи СССР, эжеки уре эри келе барасигъой жофои доре омори медаль нүүгъреи.

Э 1966-муын сал овхьолет кифлети межбур сохдени Яков Пинхьосовиче эри вогошде э Дербенд, эжеки у кор сохдени агроном э еки эз хозяйстввогъой район. Эзунжо э гъэрорномей мегь май 1966-муын сал гирошигъо Пленум ЦК КПСС гулье бюро комитет партии района гировундени уре э пес мунде ПМК-ай Главдагестанводстрой, комики бу э район Дербенд. Гъэдер увэхд э ПМК гировунде омуребугъо коргъо расиребу энжэгъ э дивисди пенжогъ-сесад гъозор монет. Э гъэриш э күнди дэгь салгъо, кейки рэхъберьети ПМК-аре сохдебу Яков Пинхьосович, гъэдер унжо гировунде оморигъо коргъо бири сад войне зиёд—расири э се миллион монет. Чор бо э и вэхд коллектив ПМК-аре доре омори гиршденигъо Гъирмизине Гэлэем ЦК КПСС, Совет Министрвогъой СССР, ВЦСПС ве ЦК ВЛКСМ эри вегирдei сүйфдеи жигере э Гъеммесоюзие

бэхьс социалисти. У салгъо корсохгъой ПМК гировундет глове экуйнди э гьеме дигъгъо ве хозяйстввейгъой Южни Догъисту.

Эз гьеме дуьруйже кор, комиреки гировундет увэхд корсохгъой ПМК, бу вокурдеи глов бэхш сохденигъо хъэвувьзе э нулькерей Гюль-Гекчай, комики эз гьеме келеи э Южни Догъисту. Эри у хъэвувьзе вокурдеи э 1973-муын сал Яков Пинхьосовиче доре оморени дуимуын орден «Знак Почёта». Э 1974-муын сал э Указ Президиум Верховни Совет ДАССР гуьре уре доре оморени гуьзетлуве нум «Верзушлуве мелиоратор республике».

Э мегь октябрь 1975-муын сал э гъэрорномей бюро комитет партии район Дербенд гуьре, Яков Пинхьосович гировунденуыт э песмунде хозяйство—совхоз «Рэхь Ленини» район Дербенд. У вэхд совхоз неки хэйр нисе дорембу ве гьемчун гьер сал гъэрхунд мундёмбу хъулькумете. Вес нисе сохдембируйт сенигээткоргъо. Фэхълегьо вегирдембируйт энжэгъ шасад-хьофдод монет э мегь ю. Э гээрэй зингьисдегоргъо офоребу хъульжетгъо, дуыл эн омбаргъо э сер кор невебу. Зиндегуни фэхълегьой совхоз унгъэдер хуб небу.

Яков Пинхьосович э совхоз оморенге сер гирдени дuze жире гировунде коргъой агротехникире, э кор венгесде механизациере ве де коргъойгей гъуллугъ сохдеи бисдугъоре, комигьоки дorenуыт минкини эри буьлуңд сохде хэйрлуы жофоре ве кем сохде хэржигъой хъэвувьж веровундэире. Э гьер гектар бисдугъо декирде оморени гъозори пенжсад киле удобрениегъо ве эз хъэшдсад те гъозор кубометрого глов. И кор э дуь-се салгъо овурдени хубе бегъергъой хушдере. Эгэ те 1976-муын

сал сери гектар вечире оморембуге энжэгъ сади си центнергьо хъэвүүжьо, э 1978-муын сал вечире омори дульвойне зиёд. Э и барасигьо корсохгьой совхоз расиренуут э хотур Гилмлүүе тегъер гүнжо овурдеи жофоре.

Оммо, эри фирегүүне тегъер бирмунде минкини ве гъувотгьой гьер фэхълере герек бу дуз гүнжундеи ве энжом сохдеи овхьолет кори ве бэхъс социалистире, офде тозе система. Ижире система офде оморебу—у бу системай жайлее гектарникгьо. Сульфде э совхоз и системаре э кор венгесди Яков Пинхьосович. Э товун хуби ве дузи эни система эдее гуфдире ижире нишоне. Э 1976-муын сал э совхоз дебируйт сиздегь жайлее гектарникгьо. Э 1977-муын сал—гъэдер энугьо зиёд бири эри си одомигьо. Э 1978-муын сал расири те сад (гъеме э совхоз э куынди сесад хъэвүүжверовундегоргьои). Гьер жайлее гектарник вечирени ээз шешсад те хъэшдсад центнергьо сери гектар. Те и система э кор венгесде оморе э совхоз вечире оморембу энжэгъ гъозори хьофдсад тонн хъэвүүж (1975-муын сал). Э 1978-муын сал совхоз фурухди э хъулькумет чор гъозори шешсад тонн, чульки экуынди се войне зиёди ве гыисд чоримуын бэхш гъеме э район вечире оморигьо хъэвүүж. Гьер сал совхоз дорени экуынди сессади пенжогъ гъозор монетлугъ гъезенж.

Дегиш бири овхьолет кори ве зиндегуни фэхълегьой совхозиш. Мегьине мульд жофой энугьо расири э садиси-сади чуль монет (дульвойне зиёд бири). Изму гьер сал угъо вегирденуут «сиздегимуын мульд жофоре» ве экуынди сади пенжогъ-дивисд гъозор монет премиягьо. Кими фэхълегьо сери сезон вегирденуут

эз 2500 те 6000 монет. Эри омбаре фэхълегьо, э кумеки совхозевоз, вокурде оморет тозе хунегьо, омбаргьоре гыисдуть мошингьо. Э дигь Музайм гыисди согъ е тозе куче, нум комиреки дигьбонигьо норет «Кучей Магомедовгьо». Инжо зигьисденуыт шеш пушолувье механизаторгьой совхоз э бебшуревоз, гъерки эз комигьореки гыисди келе товушлуе хунегьо э фирегъуне хъэётгьоревоз.

Э совхоз вокурде омори хъэшд квартири хуне, келе туку, общежитие эри дивисд жигегьо, келе раче ве товушлуе хурекхоне эри хъофдод жигегьо, кантур, ферма эри сад молгъэрэ, автомастерскойгьо, гараж эри бисдепенж мошингьо ве дегъ тракторгьо, склад эри чорсад тонн удобрениегьо, шеш теплицегьо эри шеш миллион шитилгьо. Томом тозеден гъульч сохде омори цех шоробсохи, гъувот комики бири севойне зиёд.


Ини чуль дануысдениге сохде одоми, дуль ве номус хульдере э кор веноре, хъэрекет сохдге эри хульхъоллув сохде зиндегуни одомигьоре.

Неденишире э у кор, ки Яков Пинхъосович гыисди хубе данани хоригъуллугъсохи, у хыисоб сохдени, ки ю гъеле кем дануысде гуфдире, эри гъеймогъоине хозяйстввой хоригъуллугъсохи гереки омбаратарафлуе данани бирегоре сенигІэткор. Унегульре, жайле небириен эз кор, у дерафдени эри хунде э аспирантура, комиреки верасдени э 1976-муын сал. Уре лап гереки дананигъой эну кем небошут эз талашибигъой гъеймогъоине вэхд, небуге гІэмел ниёв эри сохде рэхъберьети имбурузине келе совхозе.

Э вэхд сезон сэгІэт шешигъо себэхъмунде

ишму ниофит Яков Пинхьосович э хуне—у э совхози. Унжош ишму ниофит уре гьеебо. Виниритгеш гьеебо ниверасит, ки э пушошму директор совхози гуфдире. Миённе, денуышдее мерд, экуйнди пенжогъ сале, у е минутлеш э е жиге ние поисде, гье э кор дери. Гогъ э гаражи, гогъ э бисдугъо, гогъ э зимиgъо, онгурбогъгои. ГьейсэгIэт э кантуриге—эз е минутигэ уре ниофит. Яков Пинхьосович эдей кор сохде, уре вэхд нисди эри э е жиге нушде.

1978-муын сал.



Марат Рахмилов

ОДОМИ Э ЖИГЕЙ ХУЬШДЕ

Песини гиле, пушой и очерке нульвуьсде, вохурдеиме э Марат Михайловичевоз гирошд э хуней энугъю, руз екшобот. Шохьонгум бу, согъ кифлет гьеме э хунс дебу. Гъер мерд эдембу кор хульшдере сохде: зен эдембу хурек хъозур сохде, духдер—нубогъоре хунде, домор не кук эдембируйт телгъой электрире гъульч сохде. Хульшдени сэхьибхуне эдембу э невей хульшдеревоз вози сохде. Ме данульсембируйм, ки э хуней энугъю эдее ремонт гирошде гуфдире ве хульшдени Марат Михайловичиш согъ руз кор сохи гуфдире (дес юш бесдебу). Оммо у чуьтам кор сохдениге ме пушотеш диребиуьм.

Э ёрме омо, чуьтам эзи дуль сал пушоте тоze цехгъю ве конторей фабрик парталдухи «Динамо» шегъер Дербенд вокурде оморембируйтгъю вэхд, у лапатке э дес дери эдембу гъуме э семенцевоз гъериш сохде, э фэхълегъю кумеки сохде. Лап хуб мунди э ёрме гъемчун чуьтам егилейге уре диребиуьмге э кумеки сохдеки э фэхълегъю эри гъит-тэхдере эз автомашин тигъи сохде ве э дорун хъэёт фабрик деберде. Диребиуьм гъемчун чуьтам

жофо кеширебуге у э зонай форигъэти вегирдеи корхонешу, комики вокурде омори э лой дерьёгь. Зоне вокурде омори э десгъой корсохъоревоз, э комигъоревозки, э е жерге, тенбетен жофо кешири хувшдени директориш. Гъеймогъой у гысди еки эз раче зонагъой форигъэти вегирдеи корхонегъой шегъер. У батмиши э гээрелуыгъ эн доргъо ве гульгъо, э хъэвүзгъой гэвиревоз э минжилуыгъ. Э жайлес проект гууре вокурде оморет хунегъо, э иловлешу гульгъо кошде, жуыр-бежууре возигъо сохденуутгъо мескенгъо, семенд зере жилгъэгъо, гирошденуутгъо эз гээрэй энугъо, комигъоки доренуут форигъэти вегирдегоргъореминкини эри э хъэвесевоз вэхде гировунде. Вегъемэй энугъоре рузгъой шоботгъо ве екшоботгъо вокурдет корсохъой фабрик э рэхъбери ве эшгъулье бэхшвегири директоревоз.

Зигъисдегоргъой гъэдимие шегъер Дербэнд лап хуб шинохденуут Марат Раҳмилове. Э товун эну гуфдиренуут: «Марат Михайлович — одоми жофонни». У гысдиш гъечуны. Угъо и гоффьоре гуфдиренуут э товун герекие жире рэхъбери сохде дануысдеи эну кор фабрике, чуынки фабрик дери э жергэй дурууьждэе корхонегъой шегъер. Энжэгъ дануысдеи эну гъемэ тарафгъо ве процессгъой корире, дори уре минкини эри фабрикерэ эз чуыкле корхонелей парталдухи, дебугъо э тенге эн пушотеине утогъгъой гъэземети, э товушлууе оводуне гъеймогъоине дурууьждэе корхоней парталдухи чарунде, э комики, неки фирегъу сохде оморет майдугъой кори ве селт дегиши сохде оморет гъемэ мошингъо, гъемчуун тозе сохде омори системай рэхъберисохи ве бульуйнд сохде омори данани сенигээткори корсохъой

инженери ве техники. Гъеймогъой э и фабрик дүхде оморенуыт экуйнди шеш миллион монетлугъ парталгъо.

Марат Михайлович жофохогье одоми биреи мэгІлуым бирени эз рэхь зиндегуни эну. У хъэсүүл омори э кифлет фэхъле, комики согъ гүймүр хувьшде жофо кешири э типографией шөгъер. Марат Михайлович, эз чордэгъ салаиревоз сер гирди эри рафде рэхь жофоире. Гурунде салгъой Келе довгІой Ватани гысдики, хьофд класс школере верасде бэгъдо, Марат Рахмилов межбур бирени эри гъишде школере ве дерафде эй жофо кешире э комбинат консервсохи. Э комбинат у сүйфде бирени шегуърд демуърчи, пэсде слесарь. Зиреке кук zu хуте бире сенигІэт демуърчире ве е чендсалгъо э комбинат жофо кешире бэгъдо, у гирошдени эри кор сохде э артель э нум Чкалов, эжеки бирени усдо-демуърчи.

Э 1947-муын сал у дерафдени эри кор сохде шегуърт парталдух э фабрик парталдухи э нум Шамсулла Алиев. Э и фабрик у хуте бирени неки сенигІэт парталдухире, гъемчун сенигІэт механикиреш эри ремонт сохде партал духденигъо мошингъоре. Зиреки ве божорени энуре дире серворгъой фабрик фуырсorenуыт уре эри зиёд сохде данани механикей хувьшдере э шөгъер Куйбышев. Эзунжо рафдени эри гъуллугъ сохде э жергегъой Армией Совети. Эшгълууье, жуыргІэтлууье солдате комсомолчигъой полк виходенуыт секретарь организацией комсомолищу.

Э жергегъой Армией Совети гъуллугъ сохде верасде бэгъдо у vogошдени э шөгъер деди хувьшде ве дерафдени гье э у фабрик, эз же юре фуырсоребиругтгэ эри хунде. Эз еке-

миге уре норсунуыт сүйфде главни механик, пеңде начальник смена ве начальник отдел контроль техники. Э и салгъо, у неки жофо кешире, гъемчун хундени э шевине школеш. Э 1958-муюн сал, школере верасде бэгъдо, у дерафдени эри хунде э заочни институт юнгылье промышленность ве парчебофи.

— Ме гъемише э хъэвесевоз хундембируым, — эдее ихдилот сохдс Марат Михайлович, — эриме гъич четин небири гье э е вэхд гъем хунде ве гъемиге жофо кешире. Гъеле э институт хундембируымгъо вэхд мере теклиф сохдудыт эри кор сохде главни инженер э тозе гуңжо овурде оморебугъо фабрик парталдухи «Динамо». Дуль сал жофо кешире бэгъдо, мере фуурсоруыт эри кор сохде директор фабрик э нум Шамсулла Алиев.

Хъэшд сал, гээре недоре рэхьбери сохди у кор фабрике э нум Ш. Алиев. Эз жергей пең мундегъо фабрик, дерафдени э жергей пушолууье корхонегъой шегъер. Оммо гье э увэхди э фабрик «Динамо» коргъо хуб небу, у рузберуз эдембу песово рафде. Унегуыре э 1974-муюн сал Марат Михайловиче фуурсоренуыт эри кор сохде э и корхоне.

— Ме э кор фабрик «Динаморевоз» шинох биренгэ, — эдее э ёр овурде Марат Михайлович, — веди бисдо, ки инжо зиндегуни эдее гъуль зере гуфдире, инжо гъэгъигъэте еклүгие коллектив корини гуфдире ве уре эз гээрэй пең мунде корхонегъо эри ведировунде гереки энжэгъ хубе жире кор энуре рэхьбери сохде гуфдире...

Ве эзумогъоевоз сер гирде эдее жофо кешире э и фабрик Марат Михайлович ве э

инжо лап мэглүүм бири талант энжомсохи энү.

Сульфдеи гиле ме э Марат Михайловичсвээс вохурдебирүүм гьеле э 1974-муын сал. Увэхди у ихдилот сохдебу эриме э товун чульжирах гъэрхундигьоигээ э пушой коллектив ишу э дэгэймүүн пенжсали: вокурдени дуль тозе товшлууце цехгээ ве тозе конторай фабрике,, дэгиш сохдени гьеме кульгыне мошингьоре, муялжкем сохдени десдэй корсохгэй инженери ве техникире. «Те эхир пенжсали, —мугу увэхди у э имидлууи ве боворинлуюревоз, —иму и гъэрхундигьоре бие гьемере бегъем сохим».

Пенжсали гироши ве изму ме гене э фабрик раффденгэ, дирахтадаа, ки гьеме, э товун чуль гуфдиребуге директор фабрик, бегъем сохде омори. Нешинохдени дэгиш бири фабрик. Гъувотгэй кори энү, э 1974—муын сал гүрье, зиёд бирет дульвойне. Ве изму э пушой коллектив фабрик тозе плангьои, чульки Марат Михайлович э е жиге поисденигьо нисди, эз имбуруузине барасигьо хомуш биренигьо нисди.

Келе ве верзирение хьюрмети Марат Михайловичээ гээрэй корсохгэй коллектив фабрик. Э фабрик э товун эну гуфдиренуулт: «Марат иму», «Марат мисоху», «Марат мидануу» ведиеш. И кор эдее бирмунде, ки ээгъуль эну, божорени, гъувот эну угъо имидлууни. И кор эдее бирмунде, ки у дануусдени рэхьбери сохде гуфдире кор коллективе ве, неденишире э у кор, ки унжо деруут одомигьой жуур-безжурье миллетгээ, салгай гүймүүри, хосиетгээ—гүйнжо овурди хубе коллективе ве чарунди уре э келе дусде кифлет, членгэй коми-реки гысдуулт е фикиргээ, ежире метлебгээ. Угъо эеки форигъэтиш вегирденуулт ве дуль

зеки кумеки сохденуыт неки эзу товне, ки угъю эз дуъли хосденуыт Марат Михайловиче, гъемчун эзу товне, ки у гъемише хъозури эри кумеки сохде э угъю э товун гъеме пурсышгъо, неки пурсышгъой кори, гъемчун де пурсышгъойгеш.

Дузире гуфдиге, коллектив фабрик коллектив зенунеи, унегуыре Марат Михайлович дануысдени, ки эри зен асант нисди гуфдире гъем жофо кешувь, гъемиге кифлете э рэхъ берую. Унегуыре у гъемише хъозури эри кумеки сохде э гъер член коллектив ишу эй веровунде метлебгъой энугъоре.

Хубе хъуырмет биреи Марат Михайловиче э пушой корсохгъой корхоне очугъ мэгІлумми, меселен, эз ижире гъозие. Марат Михайловиче э гъурлугъ директор фабрик «Динамо» гировунденге, омбаре корсохгъо, э гІэрэй энугъо гъемчун фегъмлувь, синогъилувь парталдухгъо, техникгъо, инженергъо дироморуут эри кор сохде эз гьевелине жиге кор ишу э имогъой у рэхъбери сохденигъо фабрик. Кимигъо унжо кор сохденуыт э кифлетгъошуровоз. Меселен, Ахмедова Басира э се духдергъо ве дуль гІэрүсьгъоревоз, гъемчун ветерангъой жофо Адиньяева Сара, Ключникова Тамара, Дубровская Галина ве чендигъойгеш. Гъемей энугъо шиновусдет, ки э фабрик «Динамо» гүнжо овурде омори гуфдире хубе овхъолет жофои ве эзуш бэгъэй, угъю лап хуб дануысденуыт чуъжире рэхъбериге Марат Рахмилов. Унегуыре дироморет эри жофо кешире э и коллектив. Инжо лап гүнжолувьни эри э ёр овурде гоффгъой В. И. Ленине, комики гуфдири, ки коммунист-рэхъбер энжэгъ увэхди мидану субут сохде ихдиёри хувшдере

эри рэхъбери сохде, кейки кеширени э тараф хувьшде гье зиёд биренигьо гъэдер кумекчигьоре ве вомухдени верзирение сенигІэткоргьоре.

Чуьжире верзушигьоре мибу талаб сохде эз гъеймогъоине рэхъбер?—пуьrsирум ме эз Марат Михайлович.

— Лап омбаре верзушигьоре. Эн сүйфде буьлувьнде дисциплиной жофои ве контролировать сохдеи хувьшдере. Гъеймогъоине рэхъбер эн сүйфде ю биё бу хубе сенигІэткор, гъич вэхд фирмуш ние соху, ки ю эдее э одомигьоревоз кор сохде гуфдире ве биё дебу э пушо, гъер вэхд бу нишонбирму.

Гоффой Марат Михайлович эз коргьой ю жайле нисе биренуыт. У чуын гъэгъигъэте нишонбирму, гъемише дери э пушо. Неки у э пушо дери, гъемчун у рэхъбери сохденигьо кол-лективиш гъемише э пушо дери.

1981-муын сал.

СЕРНОМЕ

Пушойгофи	5
Эз автор	10
Верзирение ферзенд	13
Ветеран завод	25
Холей Ахсо	35
Гүзэлтлүүе гражданин	47
Жуыргылтлүүе солдат, синогълүүе педагог	
Зиндең чешме	67
Гээзизе чигьретгьо	79
Мибуми зигъисде мэглини суъз?	87
Дүүл эн дуудир	99
Сад сал зигъиш, ветеран	109
Дагаевгьо	117
Э фикиревоз э товун гээзизе Ватан	129
Мозол инсон э жофо дери	151
Дананменде рэхъбер	159
Одоми э жигей хульше	169

Нисон Ихиилович Гилядов

МОИ ЗЕМЛЯКИ

На татском языке

Редактор **Х. Авшалумов**. Художник **Ф. Шахбанов**
Худож. редактор **Э. Лубьянов**. Техн. редактор **В. Гаджиева**. Корректор **Ю. Бахшиева**

ИБ 2395

Сдано в набор 29.11.90. Подписано в печать 20.02.91
Формат 70x90¹/32. Бумага тип. № 3. Гарнитура «Литературная». Печать высокая. Усл. печ. л. 6,43. Уч.-изд. л. 5,87. Тираж 300. Заказ 10. Цена 35 коп.

Дагестанское книжное издательство Государственного комитета Дагестанской АССР по делам издательства полиграфии и книжной торговли
367025, Махачкала, ул. Пушкина, 6.

Гипография им. С. М. Кирова Государственного комитета Дагестанской АССР по делам издательств, полиграфии и книжной торговли
367025, Махачкала, ул. Маркова, 51.

35 к.

Мои земляки
На татском языке